



B.23

3

18

BIBLIOTECA NAZIONALE
CENTRALE - FIRENZE

110-7

25. X. 1757

Lettera di Fisi
a Pietroburgo
dell'anno 1757

1757

Eslero Gio: Alberto, primo figlio del
gran Leonardo fu membro dell'acad. di
Berlino a 20 anni, ebbe la cattedra di fisi-
ca a Pietroburgo, divenne segretario del-
l'academia Imp. di Scienze di quella capitale
e consigliere di Stato. Morì nel 1800 dopo
aver fatto importanti memorie che si tro-
vano nelle raccolte dell'acad. di Berlino, Mo-
naco e Gottinga).

Paolo Fisi milanese fu coetaneo del primo e giun-
se ai primi onori come scienziato nonostante
gli sforzi de' suoi confratelli Bernabiti che vo-
levano che avesse un' mediocre predicatore.
È troppo noto per perdersi d'uffa?

Ab. erand Lorenzo gesuita. Profepò le
matematiche in hione sua patria, ed
ebbe per discepolo il Montucla. Morì
nel 1777 per cordoglio della soppressione
del suo ordine. —

Duplicato

DISSERTATIONES
SELECTAE
JO. ALBERTI EULERI,
PAULLI FRISII,
ET
LAURENTII BERAUD;
QUAE

Ad Imperialem Scientiarum Petropo-
litanam Academiam An. 1755.
millae sunt,

*Cum Electricitatis caussa, & theoria,
Praemio proposito, quaereretur.*



PETROPOLI, & LUCAE.

Apud Vincentium Junctinium
M. DCC. LVII.

B. 29.3.18



FOUR 2 1918

FOUR 2 1918

3

PROGRAMMA
IN CONVENTU SOLEMNI
ACADEMIÆ

Publicatum die 25. Nov. anni 1753.

QUamquam non pauca
specimina extant, quæ
ad explicanda electrica phæno-
mena conscripta, imo quædam
præmiorum honoribus ornata
sint; verumtamen multitudo ex-
perimentorum, quæ postea insti-
tuta, & varietas phaenomeno-
rum, quæ nuper detecta sunt,
clarius lumen doctrinæ de ele-
ctricitate accensura esse existi-
mantur.

Idcirco Academia Scientia-
rum Imperialis Petropolitana
omnibus atque singulis naturæ

indagatoribus pro obtinendo solito centum ducatorum præmio, ad annum 1755, ante diem 1, Junii, hoc elaborandum proponit, ut in *veram electricitatis causam inquiratur, veraque ejus condatur theoria*. Quo circa præter ea, quæ ex more recepto problematis subjunguntur, monita, sequentia quoque attingere non inutile judicavit. Quandoquidem ingeniosas hypotheses, quibus solertissimi arcanorum naturæ scrutatores ad excolendam electricam theoriam sunt usi, detectis recens electricis proprietatibus explicandis haud sufficere posse videtur; eumque defectum inde extitisse, quod non pauca, ad veram electricitatis theoriam condendam utilissima, non satis observata fuerint, quorum brevis hic fit mentio. Primo quidem electrica phænomena multa habent, quæ cum ignis proprietati-

bus

bus sunt communia ; non pauca, quæ ab ejus indole prorsus abhor-
 rere videntur . Prioris generis est,
 quod flamma per vim electricam
 excitetur ; posterioris , quod ipsa
 vis electrica in productione sua
 igne inhibeat : quemadmodum
 vitra nimium calida illam exci-
 tare recusant . Porro ipsa per can-
 defactum igne ferrum , & per gla-
 ciem pariter propagatur . Quam-
 obrem sollicite perspicendum &
 distinguendum esse arbitramur
 ea , quæ in causa electricæ vis , &
 ignis communia, quæ diversa sint .
 Quibus rite perpenſis , & distin-
 ctè evolutis , majorem in medi-
 tationibus & doctrina de electri-
 citate claritatem exorituram esse
 speramus . Secundo cum corpora
 in diversa prorsus genera a natu-
 ra alias discreta electricis phæno-
 menis in unum associantur , ita ,
 ut vitrum , corpus fragile , du-
 rum , fixum , flammæ concipien-

6
dz minus capax; & ad mineralium regnum potissimum spectans; cum molli, tenaci, volatili, & combustili serica materia; ad animale regnum unice pertinente; primitivæ electricitatis virtute in unam speciem copulentur; rursum animal vivum, & metallum; corpora naturæ regno; imò toto cælo differentia, derivativæ electricitatis vinculo sint connexa: quam ob rem ad veram hujus materiæ theoriam condendam utilissimum fore judicamus; ut corporum utriusque generis qualitates particulares sedulo examinentur; atque ex, quæ omnibus primitivæ electricitatis corporibus communes sunt; non secus ac illæ, quæ omnibus derivativa virtute gaudentibus insunt; probe notentur: alias enim timendum erit, ne ipsorum palpabilium corporum proprietatibus neglectis, insensu-

sensibilium materiarum illecebris seducta mens imaginationi magis indulgeat, quam rigorem iudicii sequatur. Tertio denique materiae subtilis electricae, cui pori corporum patent, diversi, & quidem tres concipi possunt motus: nempe progressivus, gyriorius & tremulus. Hic quoque animadvertendum esse videtur, quæ & quot motuum genera ad producenda electrica phaenomena sufficiant: ne cui eorum precario illa tribuantur, & tota theoria infirmo fundamento superstructa, instabilis atque vaga reddatur.

Hæc non ut præcepta & requisita prorsus necessaria; sed ut monita, arbitrio cuiusque observanda relinquuntur: nec etiam ulli secundum sua principia in explicandis electricis phaenomenis impedimento esse possunt.

Problemati Chymico ante

hac proposito, nempe *separatio-*
nem auri ab argento, ope aquæ
fortis institui solitam, ex physi-
cis, & chymicis principiis expli-
care, aptioremque methodum inve-
nire, qua minore opera & pretio
ad hac duo metalla secernenda in-
diget, quoniam non est satisfac-
tum, ideo in annum 1754. diem
1. Junii, solvendum differtur.

PRO-

9
PROGRAMMA ALTERUM

*Publicatum die 6. Septembris
Anni 1755.*



FLISABETHA AUGUSTA, Scientiarum atque artium Promotrix Optima, Maxima, in legibus Academiae Petropolitanae, a se instauratae, clementissime prudentissimeque iussit, ut Praeses publicari quotannis curet problema erudito orbi solvendum, premio centum aureorum proposito illi, qui feliciorum praeter ceteris solutionem illius argumenti exhibuerit. Huic munificentiae scientia-

entiarum incremento insigniter profutura ea, qua solet, solertia responsurus Excellentissimus Academiae Praefes Praepotens minoris Russiae Hetmannus Cyrilus Comes a Rasumowski, post adjudicatum die 6 Septembris anni 1751. solutioni problematis de *Theoria Lunari* praemium, aliud problema proponere iussit, quod tum quoque propositum, & die 26. Novembris anni 1753. iterum promulgatum, est, hoc nempe: *Separationem aurum ab argento ope aqua fortis institui solitam ex Physicis, & Chymicis principiis explicare, aptioremque methodum invenire, qua minore opera & praeatio ad hac duo metalla secernenda indigeat.* Problema etiam: *In veram Electricitatis causam inquirere, veramque condere theoriam*, auctoritate ejusdem Excellentissimi Praefidis anno 1753. propositum est.

De

De priorē quæstione Academia declarat; etiamsi post iteratam quoque ejus publicationem inter plurimas ad se missas Dissertationes nullam reperit perfecte istud argumentum pertractantem: tamen ne suspicionem incurrat, ac si non steterit promisso, & ne eruditus orbis spe concepta optimam cum Academia communicatam propositi problematis solutionem videndi excidat; dissertationi cui lemma subscriptum: *Dant vulnera Christi salutem*; præmium centum aureorum se attribuere. Auctor ejus in scheda obsignata, sub eodem lemmate dissertationi addita; ita nomen suum & conditionem & locum domicilii expressit: Ulricus Christophorus Salchow Artis Salutaris Doctor; Medicus adprobatus Regius Borussiae & Practicus Ascherlebiae in Principatu Halberstadiensi.

De

De altera Quæstione inter plures variis linguis conscriptas dissertationes illa præmium promereri visa est, quæ insignitur lemmate: *Felix qui potuit rerum cognoscere causas*, & incipit his verbis: In causam electricitatis inquisituro &c. Cum hæc dissertatio ad Academiam perveniret, nulla schedula obsignata, ex qua nomen Auctoris cognosci possit, inventa est. Rogatur itaque Auctor, ut priorem atque ultimam paginam dissertationis iterum describat, & addito nomine suo atque conditione ad Academiam mittat. Quo facto, si omnia rite concordabunt, præmium centum aureorum accipiet.

Inter reliquas dissertationes de hoc argumento duæ præterea electæ sunt, simul typis excudendæ. Prima a R. P. Paulo Frisio, Clerico Regulari Congregationis D. Paulli & in Pifana

na Universitate Publici Professo-
ris, non quidem, ut ad certa-
men de præmio concurreret, sed
ut pars operis Physici majoris,
cui elaborando auctor insudat,
sub ejus nomine ad Academi-
am missa est. Altera his ultimis die-
bus reddita est Academiæ, cum
Academici jam de præmio tribu-
endo statuissent, sub hoc lem-
mate: *Difficile æstimamus quæ in
Terra sunt, & quæ in prospectu
sunt invenimus cum labore.* Sap.
cap. 9. Auctor ejus, ut post re-
signatam schedolam conitat, est
R. P. Beraud Societatis Jesu in
Collegio Lugdunensi in Gallia
Mathematicum Professor, unus ex
Societate Regia ejusdem urbis,
nec non pro Academia Regia
Parisiensi Commissus, &, ut a-
junt, ejusdem Correspondens.

In annum sequentem 1756
proponitur Quæstio: *Quanam sit
causa proxima mutans corpus fæ-
tus,*

tus, non matris gravida, hujus
mente a causa quacunque vio-
lentiori commota, & quidem, cur
id fiat in ea parte corpusculi fœ-
tus, ad quam in suo corpore ma-
ter manum adplicuit. Ubi illo-
rum quoque cogitata ad certamen
de præmia admittentur, qui con-
traria sententia addicti argumen-
ta verosimilia in medium profe-
rent. In annum 1757. Motus
diurnos planetarum circum axes
propriis, imprimis Veneris verti-
ginem, cujus commodissime de-
terminandæ copiam annus pro-
xime sequens 1756 faciet, ac-
curatius observare, & inconcus-
sis observationibus, iisque no-
vis, una cum positione Aequa-
torum demonstrare, atque de-
finire.

Pro cujuslibet quæstionis so-
lutione optima præmium centum
aureorum promittitur sub iisdem
conditionibus, quæ jam satis
no-

notæ sunt. Invitantur ergo omnium gentium Viri docti, ut vires ingenii dictis quæstionibus explicandis adhibere, & cogitata sua atque observata, de priore ante diem 1. Junii 1756., de posteriore ante eundem diem Anni 1757 cum Academia communicare velint.

1. The first part of the paper is devoted to a general discussion of the problem of the origin of life. It is shown that the problem is one of the most important and most difficult in the history of science. The author discusses the various theories of the origin of life, and shows that the most plausible is the theory of spontaneous generation. This theory is based on the fact that the conditions of the early earth were such that the formation of organic compounds was a natural consequence of the chemical processes going on at the time.

JO. ALBERTI EULERI
DISQUISITIO

De


CAUSA PHYSICA
ELECTRICITATIS

Ab

Academia Scientiarum
Imperiali Petropolitana

Pramio coronato.





DISQUISITIO

DE

CAUSA PHISICA ELECTRICITATIS.

*Felix qui potuit rerum cognoscere
causas.*



IN causam physicam electricita-
tis inquisituro necessario ad ma-
teriam quandam subtilem esse confu-
giendum, omnino dubitari nequit.
Quamquam enim hodie plures exi-
stant Philosophi, qui cuncta fluida
subtilia sensusque nostros fugientia,
penitus ex Physica profliganda cen-
seant, eorumque loco potius vires at-
tractivas ac repulsivas, immo qualita-
tes quascunque occultas, introducen-
das esse putent: tamen eorum opinio
per ipsa electricitatis phaenomena
abunde refellitur, in quibus tam ma-
nifesta materiae cujusdam subtilis in-

diciaprehenduntur, ut etiam sensus nostros afficiat. Nihilo tamen minus aliorum Philosophorum audacia, pro lubitu quasvis materias subtiles fingendi, & cuique fere phaenomeno propriam assignandi, veræ Theoriæ Physicæ adversari est judicanda: nam ut prius vitium omnem cognitionem physicam e medio tollit, ita hoc in locum veritatis quævis commentamentisque deliria ingerit.

2. Cum igitur nullum sit dubium, quin omnia electricitatis phaenomena a quadam materia subtili proficiantur, ante omnia erit definiendum, quænam sit hujus materiæ subtilis natura? & quibusnam prædita sit proprietatibus? Plurimum quoque conferet ad pleniorē scientiæ confirmationem, si istius materiæ subtilis existentia jam per alia phaenomena fuerit stabilita, ne in gratiam solius electricitatis excogitata videatur: minime enim est verisimile, cunctos hujus materiæ subtilis effectus ad sola electricitatis phaenomena ita restringi, ut nulla alia afficiant. Quin potius hæc materia ita latissime per omnia corpora diffusa videtur, ut vix ulla in illis mutatio contingere possit, quæ
non

non manifesta illius materiæ indicia involvat, ejusque existentiam declaret.

3. Cognita porro hac materia subtili, ejusque proprietatibus, quatenus eas per alia phænomena nobis intelligere datur, perspectis, docendum erit, qua ratione phænomena electricitatis inde oriantur, in qua explanatione cardo quæstionis vertetur. Hic præcipue est cavendum, ne quicquam temere assumatur, sed potius universa agendi ratio ex veris Mechanicæ principiis dilucide derivetur, si enim existentia istius materiæ subtilis plenissime fuerit evicta, ejusque connectio cum omnis generis corporibus, ita exposita, ut inde omnia electricitatis phænomena necessario sequi debeant, nullum plane erit dubium, quin veram electricitatis Theoriam in medium attulero. Duabus igitur partibus hæc tractatio absolvetur, quarum altera ipsa materia subtilis vires electricitatis in se continens investigabitur: in altera vero, quibusnam operationibus singula electricitatis phænomena per eam efficiantur, perspicue explicabitur.

4. Primum igitur materiam istam

6 JO. ALBERTI EULERI

subtilem virium electricarum genetrixem ipsum esse ætherem affirmo, cujus existentia, cum vix amplius ab ullo Physico in dubium vocetur, ac per tot alia naturæ phænomena solidissime evinci queat, gravissi nam illam reprehensionem, quod pro lubitu materiam quandam subtilem sim commentus, minime pertimesco. In hanc sententiam majus certe argumentum asferre non potero, quam cum ostendero, ætherem cum suis, quas aliunde ipsi convenire novimus, proprietatibus omnibus electricitatis phænomenis producendis omnino sufficere, ita ut æthere concesso ea ipsa electricitatis phænomena, quæ observamus, necessario debeant oriri. Quod si præstitero, ridiculum profecto foret, præter ætherem insuper peculiarem quandam materiam electricam in naturam introducere velle: cum ejusdem phænomeni plus una causa existeri nequeat, atque absurdum sit materias subtiles multiplicare interque se pro lubitu implicare.

5. In æthere duæ proprietates primariæ potissimum sunt considerandæ; raritas ejus, seu tenuitas, atque elasticitas, quarum utraque est summa,

nn.

unde omnia, quæ circa electricitatem observantur, produci demonstrabo. Has igitur duas proprietates accuratius expendi conveniet. Ac primo quidem argumenta pro existentia ætheris afferri solita, inter quæ luminis productio primum tenet locum, has ambas proprietates luculenter declarant. Explosa enim ea opinione, quæ radii lucis instar fluminis ex corporibus lucidis ejaculari putantur, quippe quæ insuperabilibus premitur difficultatibus, nihil aliud relinquitur, nisi ut lumen simili modo, quo sonum per aërem propagari novimus, per fluidum quoddam aëri simile produci statuamus. Hinc obtinemus totum mundum, quæ ob alia corpora spatium patet, fluido quodam subtili ac summopere elastico repletum, in quo motus vibratorius a quacunque causa excitatus lumen efficiat; atque hoc est id ipsum fluidum subtile, quod ætherem appellamus.

6. Ipsa autem phænomena lucis summam ætheris tam raritatem quam elasticitatem sufficienter declarant, cum enim lumen ad nos a sole tempore circiter 8^r perferatur, quo tempore sonus per spatium 480000 pedum

propagatur, celeritas lucis quasi sexcenties millies major est celeritate soni. Ex principiis autem mechanicis, quibus pulsum per medium elasticum propagatorum velocitas investigatur, constat, si cujuspiam medii raritas sit ad raritatem aëris ut m ad 1, ejusque elasticitas ad elasticitatem aëris ut n ad 1, fore pulsum per id propagatorum celeritatem ad celeritatem soni ut $V \frac{m \cdot n}{1}$ ad 1. Quodsi ergo litteræ m & n ad ætherem referantur, erit $V \frac{m \cdot n}{1} = 600000$, ideoque $m \cdot n = 360000000000$, ex quo utrumque numerum m & n prægrandem esse oportet. Ita si elasticitas ætheris decies millies major assumatur quam aëris, ejus raritas adhuc 36000000 vicibus major statui debet. Perspicuum igitur est ætherem esse fluidum, cujus tam raritas, quam elasticitas, pluries millies major sit, quam aëris, neque vero admodum ad nostrum scopum, necesse est, utrumque numerum m & n seorsum accuratius definire.

7. Evicta igitur summa ætheris tam raritate, quam elasticitate; nullo adhuc respectu ad electricitatem habito, primum ob elasticitatem patet, ætherem maxima vi sese expandendi
 esse

esse præditum, unde non solum corpora in eo fluitantia fortissime comprimit, sed si spatium æthere vacuum usquam pateat, æther vicinus eo summa vi irrumpet. Quemadmodum enim novimus ærem in spatium aëre vacuum tanta vi penetrare, ut inde quandoque eximia phænomena oriuntur, ita si usquam detur spatium, unde æther vel prorsus, vel magna ex parte, sit expulsus, in id æther vicinus, quatenus ipsi aditus conceditur, tanto majori vi irruet, ex quo jam manifestum est, si in mundo unquam hujusmodi casus eveniant, insignia inde phænomena nasci debere. Atque in hoc ipso origo omnium phænomenorum electricorum statuenda videtur, quippe quæ omnia a sublato æquilibrio in ætheris statu deducere licet, quemadmodum in sequentibus clarissime sum ostensurus.

8. Verum hic statim dubitatio subnascetur, quomodo fieri possit, ut usquam spatium æthere privatur, ejusve æquilibrium tollatur. Si enim æther per summam, qua pollet, raritatem omnia corpora eorumque poros minimos liberrime permearet, quæ proprietas ipsi vulgo tribui solet, tunc

certe nullo modo ejus æquilibrium turbari posset; sed omnia spatia a reliquis corporibus, relicta perpetuo eadem ætheris quantitate, essent repleta; perinde ac si omnia corpora æri liberrime essent pervia, neque ullum spatium aëre vacuum reddi, neque æquilibrium aëris ullo modo tolli posset. Verum tamen æther est fluidum pluries millies rarius subtiliusque aëre, hincque per poros æri omnino impervios libere penetrare potest, tamen non concedendum puto, ideo nullos plane in corporibus dari ejusmodi poros tam parvos, recessusque tam arctos, qui ætheri transitum prorsus denegent. Quin potius firmissimis argumentis docebo, corpora quævis insigni copia ejusmodi pororum esse prædita, per quos ætheri, vel plane non, vel saltem difficulter, penetrare liceat.

9 Hoc autem phænomena mercurii lucentis in vacuo ac barometrorum lucentium evidenter declarant. Cum enim lumen ab ætheris agitatione, qua in eo motus tremulus efficiatur, proficisci sit statuendum, manifestum est in his phænomenis ætherem neque tranquillum neque in æquilibrio esse.

At-

Atque si æ her poros tam vitri, quam mercurii, liberrime penetraret, agitatione mercurii in vitro status æquilibrii ætheris minime perturbaretur, cum puncto temporis quæque loca, unde forte agitationem fuisset depulsus, iterum occuparet, neque idcirco lumen oriri posset. Cum igitur lumen oriatur, necesse est, ut ætheri sive per poros vitri, sive per poros mercurii, transitus omnino liber non concedatur; sed ut eum quadam difficultate in loca, unde per agitationem fuerit profligatus, irrumpat, qua impedita restitutione simile phænomenum ei, quo aer cum difficultate in spatium vacuum irruere observatur, oriri debet: Aer autem cum sibilo eo intrat, & quoniam, quod in aëre sonum sibilumve excitat; id in æthere lumen procreat, facile percipitur, quomodo a difficili illa ætheris restitutione lumen oriri possit.

10. Plenior autem horum phænomenorum explicatio declarat, ætherem non nisi difficulter per poros vitri transire posse, mercurii autem poros ipsi multo liberius esse pervios, neque tamen sine omni impedimento. His enim duabus qualitatibus concessis

sis explicatio barometrorum lucentium ita se habebit, dum tubi inclinatione mercurius spatium superius vacuum replet, ætherem, qui ibi erat, per poros vitri vi expellit, si quidem pori mercurii æthere jam pleni eum recipere nequeunt; quando igitur erectione tubi mercurius iterum descendit, spatium superius re vera vacuum relinquetur, nisi quatenus æther ex poris mercurii, unde liberiùs se expedit, quam ex vitro, ob summam elasticitatem eo irrumpit: motuque hoc perniciosissimo agitationem tremulam, proindeque lumen, producit. Unde fit, ut, mercurio in tubo descendente, spatium superius vacuum radiis lucidis, quasi ex mercurio emissis, mictet. Qui effectus similis omnino est censendus ei, quo aër per minima foraminula in spatium aëre vacuum prorumperet, qui motus cum stridore quodam lumini analogo esset conjunctus.

II. Eadem est ratio luminis, quo mercurius in lagenis vitreis aëre vacuis inclusus splendere cernitur, dum in tenebris agitatur. Portio enim ætheris cavitatem lagenæ replentis violenta concussione per poros vitri expelli,

pellitur, neque per eos subito ad æquilibrium restituendum rursus intrare valet: facilius autem in poris mercurii inclusus, cujus elasticitas jam prævalet, se expediet, magnaque vi in spatium vacuum prosiliet, quo motu cunctremiscente lumen excitabitur. Fortasse tamen etiam iactura ætheris in cavitate, facta irruptione ætheris externi, per poros vitri quodammodo refarcitur; sed hæc ipsa phænomena luculenter ostendunt, maximam luminis partem a mercurio quasi explodi, unde recte concludimus, ætherem multo minori difficultate per poros mercurii penetrare, quam per poros vitri. Atque hæc explicatio, quæ etiam ad plurima alia phænomena patet, veris Physicæ principiis tam videtur conformis, ut etiam consectaria inde deducta nequaquam in dubium vocare liceat.

12 Indidem autem ulterius discimus, aërem esse maxime tenacem ætheris, quem in poris suis habet inclusum; eique vix exitum permittere; etiamsi exterioris ætheris vis elastica admodum fuerit debilitata. Nam quoniam superiora phænomena non succedunt, quando spatium circa mer-

14 JO. ALBERTI EULERI
curium aëre est repletum, hoc manifestum est indicium, quomodocumque etiam aër concutiatur, ætherem ab aëris permixtione liberari, ac per vitri poros expelli non posse; unde neque restitutio ex poris mercurii neque lumen insequitur. Etiam si igitur aër insignem ætheris copiam in poris suis contineat, quod ex ejus pelluciditate & vi elastica recte concluditur, tamen particulæ æthereæ tantopere inter particulas aëris sunt implicatæ, & intertextæ, ut non nisi difficillime se inde expedire valeant: atque ista aëris proprietas maximi erit momenti in theoria electricitatis condenda.

13 Non obstante ergo summa ætheris raritate, minime tamen omnia corpora ipsi libere sunt pervia, quin potius jam certo constat, dari ejusmodi corpora, in quorum poris ætheris particulæ ita firmiter sint inclusæ, & quasi implicatæ, ut non nisi difficillime se ex iis extricare possint; ad quod corporum genus in primis aërem, tum vero vitrum, referri debere vidimus. Quamdiu quidem æther in omnibus corporibus pari elasticitatis gradu est præditus, tum hoc discrim-

crimen parvi esset momenti, propter
 ea quod etiam si omnes pori undequa-
 que omnino essent patuli, tamen ob
 perfectum æquilibrium nulla foret cau-
 sa, quæ ætherem in poris cujuspiam
 corporis contentum ad exitum sollici-
 taret. Verum si a causa quacunque
 hoc æquilibrium fuerit sublatum, at-
 que æther in poris cujusquam majore
 minoremve habeat elasticitatem,
 quam in spatio circumfuso, tum istud
 discrimen corporum maxime cernetur.
 Prouti enim ejus pori magis minusve
 ætherem tenent implicatum, eo citi-
 us tardiusve æquilibrium in æthere
 restituetur, unde peculiaria phænomena
 resultare debebunt.

14. Sed hic primo intuitu mirum
 videbitur, quomodo æther ob sum-
 mam, qua pollet elasticitatem, ita in
 poris corporum includi possit, ut,
 æquilibrium cum æthere externo sub-
 lato, non statim omnia vincula per-
 fringat. Novimus enim, si tantum
 in globum cavum aër comprimi de-
 beat, ut densitatem aliquoties majore
 obtineat, quam in statu natura-
 li, quanta firmitas ac tenacitas ma-
 teriæ ad hoc requiratur? unde ad fluidum
 compescendum, cujus elasticitas
 fit

fit toties millies major, nulla plane materia satis virium habere videtur. Verum eadem experimenta nos docent, quo minor sit cavitas globi, eo minorem materiæ firmitatem ad aërem compressum retinendam sufficere; unde cavernulæ minimæ, etiamsi textura sit debilis, aëri maxime compresso continendo sunt pares, quæ tamen aucta cavitate mox rumperentur. Ita videmus in cavernulis pulveris pyrii aërem tantopere compressum retineri, ut multis visus fuerit aër nimis compressus elaterem penitus exuere, cum tamen hoc phænomenon extremæ porulorum parvitati sit tribuendum.

15. Idem igitur quoque in æthere usu venire est credendum, ita ut quævis materia, utcunque debilis videatur, ejus vim elasticam sustinere valeat, dummodo cavitates quibus ætherem continet satis fuerint parvæ; esse autem re vera poros quorumcunque corporum, qui aëre aliove fluido crassiore excluso tantum ætherem contineant, quam minimos, aliunde est per se manifestum. Neque vero opus est in corporibus poros tam clausos statuere, qui vi ætheris ita resistent, ut ab omni, sive ingressu, sive egressu,
pe-

penitus cohibeant, sed potius ad nostrum institutum sufficit dum ejusmodi concedantur pori, qui ætheri incluso, si majori gaudeat elasticitate, quam externus, exitum, duntaxat difficilem, permittant, sin autem elasticitas sit minor, exteriorem non promittissime recipiant. Quoniam etiam si darentur ejusmodi pori undique tam occlusi, ut ætheri neque exitus, neque introitus, plane pateret, hi ad propositum nihil conferrent, perindeque esset, ac si prorsus non existerent.

16. Veritate igitur hujusmodi pororum ætherem ægre sive recipientium, sive emittentium evicta, præcipuum discrimen corporum in hoc erit statuendum, prouti eorum pori fuerint vel magis vel minus patentes. Corpora scilicet poris magis patentibus prædita hanc præ reliquis habebunt proprietatem, ut si vis elastica ætheris externi fuerit debilitata, æther in iis contentus facile erumpat, seque expandendo cum externo æquilibrium restituat; deinde si ipsi hi pori æthere suo, vel saltem ex parte, fuerint spoliati, ut externo ætheri ingressum libere concedant. In corporibus autem, quorum pori magis sunt clausi,

hæc eadem quidem, sed multo difficilius tardiusque evenient. Quin etiam facile ejusmodi pororum structuram concipere licet, qui ætheri ingressum facilius permittant, quam egressum, vel vice versa, atque adeo talis structura tam videtur naturalis, ut vix ulla corpora ad egressum & ingressum plane æque comparata sint censenda, nisi quæ poris omnino patentibus sic prædita.

17. His præmissis Theoriam electricitatis ita brevissime expedio, ut dicam, *corpus tum reddi electricum, cum ex ejus poris æther ex parte suam fuerit expulsus*: sicque electricitas in privatione vel diminutione ætheris, quo pori in statu naturali repleti esse solent, erit constituenda. Corpus igitur tam diu electricum manebit, quoad æther e corporibus circumjacentibus sese expediens illam jacturam compensaverit, æquilibriumque perfectum in ætheris vi elastica fuerit restitutum. Ea vero corpora electricitate destituta sunt censenda, in quorum poris æther inclusus cum reliquo æthere undequaque circumfuso æquali pollet elasticitate, sicque perfectum æquilibrium subsistit. Quam sententiam

tiam ut confirmem, id mihi incumbit, ut ostendam, omnia plane electricitatis phænomena a sublato ætheris æquilibrio provenire, indeque dilucide & legibus naturæ convenienter explicari posse; quod si effecero nullum amplius dubium superesse poterit, quin hæc electricitatis theoria ita pro vera sit habenda, ut reliquæ omnes, quæcumque excogitari queant, tanquam mera figmenta penitus sint rejiciendæ.

18. Ac primo quidem, cum aërem in poris suis ætherem pertinaciter retinere, ac nonnisi difficulter dimittere, jam habeamus compertum, statim liquet, corpus electricum in aëre positum statum suum satis diu conservare posse, antequam æther ex poris aëris se evolvere, atque in poros corporis electrici intrare possit. Interim tamen hæc æquilibrii restitutio tandem, sed tardius evenire debet, prouti experimenta declarant, quibus constat, corpus electricum per satis notabile tempus vim suam retinere, quam tamen sensim sensimque amittere observatur. Hoc autem intelligendum, est de aëre puro, quippe qui tantopere ætheris tenax deprehenditur: sin

autem aër fuerit humidus, vaporibusque aqueis inquinatus, res secus accidit. Nam ex aliis phænomenis patebit, aquam facillime ætherem in suis poris inclusum dimittere; quod cum etiam de vaporibus aqueis sit tenendum, corporis in aëre humido siti electricitas primo quasi momento extinguitur, atque ob eandem rationem, in tali aëre vis electrica vix produci poterit.

19. Ex his jam generatim colligere licet, cujusmodi phænomena a corpore electrico in vicinia aliorum corporum collocato proficisci debeant: si enim corpus, electrico admotum, ætherem suum valide retineat, porisque clausis sit præditum, qui ætherem egressu prohibeant, idem evenire debet, quod ab aëre circumfuso evenire vidimus, paulatimque & insensibiliter in corpore electrico ætheris defectus supplebitur, nullo comitante effectu notabili. Verum si appropinquet corpus patentibus poris abundans, ingenti vi æther inde erumpet, inque poros electrici corporis irruet, qui rapidissimus motus, quia sine vehementi minimarum particularum agitatione ferri nequit, necessario cum-

lu.

lumine erit conjunctus, quod adeo, si satis fuerit forte, vi urendi non erit destitutum, perinde ac radii lucidi per speculum ustorium collecti. Tum vero a subita ætheris prorupione, & in sequente affluxu ex omnibus corporis partibus, per totum corpus non levis concussio excitabitur, cui haud dissimilis erit ea, quæ in ipso corpore electrico ab irrumpente æthere producet.

20. Quæ etsi leviter tacta, cum jam eximium firmamentum nostræ theoriæ addant, ejusque plenissimum consensum cum natura haud ambigue declarant, singula momenta accuratius perpendam, & quomodo omnia experimenta etiam nunc circa electricitatem instituta cum ista theoria pulcherrime conspirent, sigillatim demonstrabo, ne quicquam, quod quidem quæstio proposita exigere videtur, prætermisisse argui queam. Quamquam autem numerus diversorum phænomenorum, quæ nobis adhuc experientia cognoscenda suppeditavit, causa ignorata immensus, ipsaque phænomena nulla fere lege connexa videntur, tamen, causa vel tantillum inspecta, magna illa diversitas ad miram pau-

citatem ac simplicitatem revocatur, ut uno quasi phænomeno cognito reliqua omnia, dummodo ratiocinando recte procedamus, non solum explicari, sed etiam prædici, queant, in quo ipso certus & infallibilis veræ explicationis physicæ character est constituendus: dum contra alii, qui ad libitum materiam quandam subtilem electricam fingunt, vix unquam sibi constant, & dum figmenta sua ad unum aliquod phænomenum accommodare student, plurima alia refragantia offendunt.

21. Experientia autem cuncta corpora ratione electricitatis in duo genera distinguit, quorum alteri electricitas primitiva, alteri vero derivativa, tribui solet, in quo discrimine rite stabiliendo sine dubio præcipua vis theoriæ ponitur. Verum ex dicto ratio hujus distinctionis jam satis perspicue intelligitur, dum ad genus electricitate primitiva præditum ea sint referenda corpora, quæ ætherem in poris suis inclusum tam firmiter retinent, ut eum non nisi difficulter dimittant. Huc enim utique ea corpora numerari solent, quæ vim electricam aliis corporibus insitam non eripiunt,

DISQUIS. ELECTRICIT. 23

piunt, & quibus, si corpora electrica sustineantur, vim suam non subito amittant; hujusmodi corpora sunt potissimum vitrum, sericum, corpora resinosa, atque in primis aer ficcus & purus, dum contra metallis, animalium corporibus & aquæ elasticitas derivativa assignatur, quæ hac gaudent proprietate, ut per eorum contactum quasi subito omnis electricitas destruat, cujus ratio in eo manifesto est sita, quod poris ætherem continentibus patulis sint prædita.

22. Quoniam igitur totum discrimen inter genera hæc primitivæ & derivativæ electricitatis in ratione pororum est constituendum, quæ ætherem contentum vel ægre, vel facile dimittant, mirum non est, quod corpora respectu aliarum affectionum ad classes diversissimas referri solita ratione electricitatis ad idem genus pertineant. Sic diversitas regnorum, quibus vitrum, sericum, & resina & aer accensentur, non obstat, quo minus hæc corpora ratione electricitatis habita eadem indole sint prædita: neque eadem diversitas similem habitum in metallis, animabus, aqua, aliisque diversissimæ naturæ corporibus exclu-

dit. Interim tamen hæc duo genera gradu tantum a se invicem discrepare sunt censenda, ex iisque quasi binas species extremas commemoravimus. Nullum igitur est dubium, quin inter eas innumerabiles species mediæ sint statuendæ, quæ modo plus modo minus, sive ad electricitatem primitivam, sive derivativam accedant; ac sine dubio ejusmodi quoque existunt corpora, quæ ad utrum genus sint referenda, ancipites hæremus.

23. Quamquam autem hoc modo vera differentia inter electricitatem primitivam ac derivativam recte & naturæ convenienter est constituta, tamen ratio denominationis ex alio fonte est petenda. Vitro scilicet ac resinæ ideo electricitas primitiva adscribitur, quod iis primitus per affrictum vis electrica induci potest, dum corpora alterius generis non nisi per communicationem hujusmodi vim accipere possunt. Quantumvis autem hæc differentia priori adversari videtur, utraque tamen eidem principio innitur: quorum enim corporum pori sunt patuli, ex iis certe, neque per affrictum, neque per ullas alias vires, quibus corpora tractare solemus,

æther

æther contentus expelli potest ; & etiam si forte hujusmodi expulsio succederet, tamen eodem quasi instanti æther expulsus loca derelicta recuperaret, neque æquilibrium ætheris turbaretur. Interim tamen vehementissima agitatione, effici posse videtur, ut æquilibrium ad breve saltem tempus interrumpatur.

24. Sed videamus, quo modo in vitro per affricum vis electrica excitari queat, quæ investigatio nos ad pleniorum omnium phænomenorum electricorum cognitionem manuducet. Primum autem soliti sunt tubum vitreum altera manu prehensum altera violenter fricare, sicque ipsi electricitatem inducere : cujus effectus ratio ex principiis jam stabilitis sequenti modo dilucide explicatur. Aliunde enim novimus, vitrum insigni elasticitate esse præditum ; quare dum tubus fortiter fricatur, ejus pori primum comprimuntur, ætherque in iis contentus in aërem expellitur, cujus minimis interstitiis sensim sese insinuabit. Cessante deinde compressione pori ob elasticitatem se in pristinum statum restituunt, & quoniam æther partim jam est dissipatus, par-

tis

sim ob pororum structuram ab ingressu arcetur, pori nunc minoris ætheris copia erunt repleti, sicque ætheris in vitro contenti vis elastica diminuetur. Quæ diminutio frictione continuata continuo augebitur, donec hoc pacto tubus eo usque æthere spoliatur, ut evidentia electricitatis signa sit editurus, quippe quæ a sublato ætheris æquilibrio unice proficiuntur.

25. Hinc evidens est quibusnam conditionibus hæc operatio sive adjuvetur, sive impediatur. Primum scilicet requiritur, ut aer sit purus, neque vaporibus repletus. Cum enim particulæ aquæ ætherem contentum facile dimittant, ex iis pori vitri, etiamsi aditu ætheri difficili pateant, mox tamen replebuntur, sicque excitatio electricitatis penitus præpediatur, nisi forte per vehementissimam frictionem evacuatio hanc successivam repletionem superet. Deinde ipsæ manus, quibus tubus sive tenetur, sive fricatur, abunde suppeditant, quo jactura ætheris in vitro resarciatur; quam ob rem operatio promptius succedere observatur, si tubus non manibus nudis, sed pice aliave materia
æthe-

ætherem difficulter dimittente munitis; tractetur, quo ætheris affluxus magis compescatur. Porro quoque ratio patet, cur tubus omnino siccus esse debeat, dum humor iacturam ætheris jugiter compensaret. Quin etiam tubus nimium calefactus, quoniam calore ejus vis elastica imminuitur, ad electricitatem producendam est ineptus, etiamsi alias calor & ignis cum electricitate arctissime sint conjuncti.

26. Si tubus hoc modo electricitate imbutus corpusculis levioribus, qui ætherem contentum facile dimittunt, cujusmodi sunt metallica, admoveatur, æther ex iis prorumpet, atque in tubum intrabit, neque tamen tanta vi, quam si pori vitri penitus essent patentes, unde non tam luculenta electricitatis signa cernentur. Sed dum æther ex his corpusculis tubum versus egreditur, ex hac parte aeris pressio debilitabitur; (in genere enim ex principiis hydrodynamicis certum est, quod in omni fluido ubi motus cietur, ibi pressionem diminui) cum igitur a parte aversa aer fortius urgeat, particula ad tubum admovebitur, cui autem diutius non adhærebit, quam donec tantum
de

de æthere suo amiserit, quantum ad æquilibrium restituendum sufficit. Quod cum evenerit, phænomenon fere contrarium oriri debet; dum enim particula jam ex aëre sensim ætherem recipit, idque potissimum ex plaga tubo opposita, dum aër tubo vicinior suum ætherem cum tubo communicat, ob pressionem aëris ibi diminutam particula eo pelletur, sicque a tubo fugari cernetur.

27. Haud aliter phænomena se habebunt, si loco tubi sphæra vitrea in gyrum acta fricetur, quippe quo modo pariter æther in poris vitri contentus expellitur; quæ jactura deinceps partim ab aëre circumfuso, quod quidem ægrius fit, partim a fulcimento, quo sphæra sustentatur, mox restituitur. Atque hic statim insigne experimentum explicatur, quo si sphæræ cavitas aëre vacua reddatur, intus fulgura cernuntur; scilicet aëre extracto intus quasi purus æther relinquitur. Unde rivuli in vitri poros evacuatos irrumpunt, motuque suo rapidissimo cum tremore conjuncto lumen emittunt. Quia autem hoc casu æquilibrium ætheris statim restituitur, vis quoque electrica subito extinguitur.

tur, neque hinc alia phænomena electrica admodum conspicua sunt expectanda; in genere enim semper, statim ac lumen, & conflagratio contingit, vis omnis electrica destruitur, si quidem æther hinc advectus æquilibrio restituendo sufficiat.

28. Cum autem ipsum vitrum plerumque exiguæ vis electricæ sit capax, propterea quod ætheri ingressum difficilius permittit, corporibus alterius generis, quod nomine derivativæ electricitatis distinguitur, adjungendis, multo major vis electrica obtineri solet. Ad sphæram scilicet vitream ita admovetur virga, seu trabs, ferrea, ut per fimbrias metallicas molliores vitrum, ne frangatur, contingat; atque ipsa hæc virga chordis sericis sustentatur, ne, cum æthere fuerit spoliata, inde supplementa capere queat. Tum enim sphæra in gyrum acta & fricata, æther sensim ex virga, vel trabe, extrahitur, in vitro poros vacuos subiturus, sicque tandem pori virgæ magna ætheris contenti portione privantur, quo ipso ei vis electrica insignis inducetur, quæ eo erit major, quo minorem ætheris copiam vitrum, aliunde atque in primis e ful-

cimen-

cimento arripere valebit. Hunc in finem etiam virga serico sustinetur, ut inde æque parum, atque ex aëre, ætherem vis electricæ destructorem excipere possit.

29. Hoc igitur modo in corpore, quod ipsum electricitatis primitivæ est incapax, vix electrica, eaque multo fortior, produci potest, quæ etiam in eo, dummodo undequaque, non nisi a corporibus, quæ ætheris in suis poris contenti sint maxime tenacia, contingatur, multo diutius perdurabit. Tale porro corpus longe luculentiora electricitatis phænomena exceret, quam ipsum vitrum, unde hanc vim est adeptum. Cum enim poris patentibus sit præditum, si ad id simile corpus in statu naturali constitutum, æthereque plenum, admoveatur, hic maxima vi ex isto corpore in illud erumpet, quia neque in egressu, neque ingressu, impeditur, hacque vehementi eruptione, cum lux, tum etiam flamma, si materia adsit combustibilis, excitabitur. Deinde etiam, dum æther tanta rapiditate per aërem ruit, concussio particularum ærearum sonum ac fragorem reddet, atque hoc modo ratio præcipuorum electricitatis

tis phænomenorum æque dilucide perspicitur, atque ullius alius phænomeni naturalis.

30. Circa corpora poris patentibus abundantia hoc quoque in primis est notandum, quod ii per totum corpus ita inter se communicentur, ut si æther ad unum terminum extrahatur, universus æther per reliquum corpus dispersus ob summam elasticitatem eo subito prorumpere debeat. Hinc quantamcunque etiam longitudinem illa virga, sive ferrea, sive metallica, habeat, dum in uno termino æther exsugitur, ejus elasticitas per totam longitudinem æqualiter debilitatur, fortiori tantum & diutius continuanda operatione erit opus, ut virga, seu trabs, ingentis molis ad eundem gradum æthere suo spoliatur, atque moles exigua. Hinc facile intelligimus, filum metallicum, utcunque longum, & ad maximam distantiam extensum, dummodo sustentaculis ætheris tenacibus, vitreis scilicet, seu sericis, seu resinosis, incumbat per totam longitudinem simul vi electrica imbui posse, quod initio tantopere mirum est visum.

31. Simili modo in corpore non
ele,

electrico, quod electrico admovetur, dum tam violenta ætheris eruptio evenit, per totam ejus substantiam internam maxima concussio oriri debet, quoniam æther inclusus ubique fere eandem agitationem concipit, quæ eo erit vehementior, quod subito exoritur. Quare homo, dum vel digitum corpori tali electrico admovet, erumpente scintilla, per cuncta viscera succussionem sentiet, quæ aucta vi electrica eo usque increfcere posset, ut adeo motus vitales perturbarentur, quam causam mortis fulmine tactorum assignare non dubito, æthere enim per totum corpus tam subito ac violenter agitato, mirum sane non est, si vasa tenuiora disrumpantur, ibique, ubi exitus minus est liber, ob ingentem tremorem cum luce vis urendi excitetur; unde sine dubio maculæ nigricantes aliaque combustionis signa manifesta originem habent. Si enim digito in vas aëre vacuum immisso, vis aëris erumpendi tantum valet, similis vis ætheris, quoniam incomparabiliter est major, perquam funestos effectus exserere poterit.

32. Si phænomena hanc concrepatio-

tionem secutura judicare velimus, dis-
piciendum est, utrum corpus æthere
suo sic subito spoliatum a corporibus
primitivæ ac derivativæ electricitatis
contingatur. Si enim terræ, aliive
corpori, quod ætherem suum facile
dimittit, incumbat, jactura ætheris
inde statim suppletur, signaque ele-
ctricitatis cessabunt, sin autem non,
nisi ab aëre corporibusque ad primi-
tivam electricitatem relatis ambiatur,
electricitatem partam conservabit, ex
aliisque corporibus forte admotis æ-
therem eliciet. Ita fieri potest, ut
vis electrica non solum simul sed etiam
successive per plura corpora propage-
tur, dum alia aliis ætherem eripiunt,
prorsus uti experientia expansionem
electricitatis testatur. Neque ullum
per experimenta phænomenon obser-
vatum esse videtur, cujus ratio per-
spicua ex his principiis reddi non pos-
set; quin potius ipsa experimentorum
institutio per hanc theoriā ita diri-
gi poterit, ut multo plura phænome-
na, quibus hæc scientia uberius dite-
tur, effectusque electricitatis cum au-
geantur, tum varientur, sint resul-
tatura.

33. Phænomena igitur electricita-
tis

tis tum sese maxime exserunt, quando æther ex uno corpore magna vi & subito prorumpit, atque in aliud irruit, eruntque tanto fortiora, quo majori agitatione ac rapiditate ista translatio absolvitur. Ita etiam si primum æther ex virga ferrea in globum vitreum transit, tamen quia hoc paulatim fit, phænomena electricitatis vix sensibilia percipiuntur; statim autem atque virga hujusmodi lentiore operatione notabili ætheris copia fuerit spoliata, admoto alio corpore poris patentibus foeto, restitutio quasi uno instanti perficitur, & jactura, quæ satis longo tempore fuerit successive facta, momento temporis reparatur. Atque hæc est ratio, quod corpora primitivæ electricitatis, etiam si eorum operis electrica in corporibus alterius speciei excitatur, ipsa vix manifesta electricitatis phænomena exhibeant. Perinde ac si quis ex vase paulatim, aërem extrahat, minime illum effectum percipiat, quem deinceps subito aëris irruptio sit productum.

34. Corpus itaque metallicum æthere suo privatum ideo tam insignes effectus edit, quod ob plurimos poros patentes violentam ætheris irruptionem

nem admittat: ex quo intelligere licet, si alia darentur corpora, quæ adhuc copiosioribus hujusmodi poris magisve patulis essent prædita, phænomena inde multo illustriora ac vehementiora exortura esse. At vero aquam hujusmodi esse corpus, famosum illud experimentum *Musschenbrœeckianum*, quod autem multo ante a Canonico Caminensi *Kleistio* erat institutum, aperte declarat; dum scilicet aqua vasi vitreo inclusa ope fili metallici immissi ad machinam electricam æthere suo spoliatur, ab eo qui hoc filum attingit, multo violentiores effectus sentiuntur, quos simul ingens hominum se mutuo contingentium numerus pari fere vi sustinet. Aquam scilicet ad multo majorem gradum æthere suo spoliari posse, hinc manifestum est, ita ut etiam si irruptio ætheris per filum metallicum in aquam derivetur, ea tamen, ob majus vacuum æthereum in aqua factum, tanto violentiores effectus producat.

35. Mirabile primum est visum, quod aqua tam stupendis electricitatis phænomenis edendis sit apta, cum alias productionem electricitatis maxime impedire sit observata, propter

ea quod vitrum, quo ad hujusmodi experimenta utimur, probe exsiccatum esse oportet, atque adeo aër humidus omnem successum coerceat. Verum solutio hujus paradoxo in promptu est. Quia enim aqua poris æthereis patulis abundat, vel minima humiditas in vitro sufficit jacturæ ætheris, quam vitrum patitur, quovis momento reparandæ, ita ut virga metallica vix quicquam de suo æthere co transmittere cogatur, similique modo aër humidus quolibet instanti tantum ætheris, quantum ad electricitatem destruendam est opus, largiter suppeditat. Atque ob hanc ipsam causam, aqua ad ingentem vim electricam recipiendam est idonea, dummodo ejusmodi vasis sit inclusa, unde ætherem elicere nequeat, atque in ea insigne vacuum æthereum produci possit.

36. Non difficilius est explicare, cur Alcohol vini, ac potissimum liquor æthereus *Frobenii*, admoto corpore electrico, tam facile flammam suscipiat; quod etiam fit, si idem liquor vi electrica imbutus a corpore non electrico tangatur. Utroque enim casu vehemens evenit ætheris explosio, cum insigni tremore lucem producen-

te conjuncta; qua concitatione subtilis vapor liquori innatans accenditur. In tali autem vapore flammam primo gigni inde est evidens, quod experimentum, liquore calefacto, quo iste vapor augetur, melius succedat. At contra pulvis pyrius, aliæque materiæ siccæ facile combustibiles per vim electricam adhuc incendi non potuerunt, sive quod tales vapore careant, sive ideo in primis, quod hujusmodi materiæ plerumque ad genus electricitatis primitivæ pertineant, ex quarum poris æther non tam facile expedire queat. Quæ alia præterita sunt observata electricitatis phænomena, vel æque facile ex hac theoria explicantur, vel pleniorum cujusque materiæ ad experimenta adhibitæ notitiam requirunt, ob cujus defectum nihil certi pronunciare licet.

37. Huc pertinent in primis horrenda tonitruum fulgurisque phænomena, quæ, quin a vi electrica producantur, jam amplius dubitare non possumus, postquam est compertum, per virgam ferream in loco sublimi debito modo fixam vim electricam excitari, cœlo fulminibus gravido existente, hoc est, inde ætherem inclusum

elici. Necesse igitur est, in nubibus fulgore foeris æther insit admodum rarefactus; quæ constitutio, a quacunque causa fuerit profecta, dummodo concedatur, omnia tonitruï & fulminis phænomena ex nostra theoria sine ulla difficultate explicantur. Corpora scilicet tum fulmine tanguntur, quando ex iis æther summa violentia ac subito prorumpit, unde funestos illos effectus exoriri debere comminus dubitare licet, quod ob vastissimam nubium molem æthere spoliata effectus multo graviores exurgere debeant, quam in consuetis atque humanis viribus institutis experimentis. Quæ utut leviter tacta nostram cognitionem horum insignium naturæ effectum mirifice amplificare videntur.

38. Neque causa illius rarefactionis ætheris in nubibus tam abscondita videtur, ut nullo modo nobis ad ejus cognitionem pertingere liceat. Ad hoc enim sufficit, ut aer nubibus inclusus repente notabiliter dilatetur; nam quia data aeris copia certam ætheris copiam continet, si illa subito in majus spatium expandatur, æther quoque majus spatium occupabit, ideoque minori elasticitate jam gaudebit,

ne-

neque amplius cum reliquo æthere in æquilibrio consistet, quo eveniente phænomena cuncta naturali modo insequentur. Aër autem a calore expanditur, ac reliqua tempestatum Phænomena dubitare non sinunt, quin in nubibus repente eminens caloris gradus excitetur: inde ergo aër cum æthere rarefiet, hujusque defectus æthere in nubibus contento reparabitur, quo pacto ipsæ nubes electricæ evadent. Simile quid evenire debet, si cœlo sereno superior aëris regio majorem gradum caloris adipiscatur: tum enim, dum ex aëre inferiore ægre ætheris supplementum allicit, si virga metallica ad tantam altitudinem constituitur, ea æthere suo privabitur atque electrica reddetur, id quod jam per experimenta est observatum.

39. Singula quoque tonitruï, fulguris ac fulminis phænomena hanc theoriam multo magis confirmare videntur. Primum enim si in una tantum nubium regione talis calefactio subita exoriatur, nubiumque portio vicina electrica evadat; dum ad hanc jacturam supplendam ex nubibus remotioribus æther prorumpit, fulgur in aëreque stridor fragorve concitabitur,

bitur, neque si ær externus fuerit purus, ob ætheris tenacitate non vis electrica longius prorepet. Verum si ær inferior fuerit etiam vaporibus inquinatus, inde æther magna vi in nubes prorumpere poterit; orieturque ob concitationem ætheris fulgur, & ob æris concussionem tonitru. Quando autem jam inferior ær hoc modo æthere fuerit spoliatus, tum demum ex corporibus terrestribus æther exsiliet, eaque phænomena edet, quæ fulmina propria esse novimus: prout scilicet æther successive ex aliisque corporibus exploditur, fulmen mirabili sæpe numero tractu effectus suos funestos edere poterit, qui potissimum a diversa corporum indole, prout ætheris magis minusve sunt tenacia, diversimode determinantur.

PAULLI FRISII

CONGREGAT. DIVI PAULLI

CLERICI REGULARIS,

IMPERIALIS PETROPOLITANÆ SCIENTIARUM

ACADEMIÆ SOCII,

IN PISANO ATHENÆO

ÆTHICÆ, ET METAPHYSICÆ

PUBLICI PROFESSORIS

DE

CAUSSA ELECTRICITATIS

DISSERTATIO,

CAUSSA ELECTRICITATIS
DISSERTATIO.

QUod ex Philosophis antiquis plures, Stoici, Platonici, Pythagorici, ex recentioribus vero plurimi, Cartesiani, Newtoniani-que, communi consensione asseruerunt, ætherem quemdam tenuissimum, ac subtilissimum coelestia, & terrestria spatia permeare, & circumquaque diffusum esse, ex vulgaribus ignis phænomenis certissimo argumento colligi, & ostendi potest. Ignem enim nihil esse aliud, quam motum ce-
rem, concitatumque minimarum quarundam partium, effectibus ignis omnibus compertum est. Leges etiam omnes Dynamicæ, in collisione corporum elasticorum, durorum, mollium, nullum gigni motum permittunt sine aliquo motus, quo gignitur, detrimento. In productione, & communicatione ignis res secus est. Cum ex unica flamma, adhuc superstiti-
cen-

centum, ac mille aliæ conſimiles in motum agi, magnumque incendium parva ſcintilla excitari poſſit. Sequitur ergo maniſeſtiſſime motum illum, quem igneſcentia, & inflammata corpora minimis ſuis partibus præſeferunt, a flamma ad flammam totum, & integrum non tranſire, ſed exiſtiſſe antea: Aliquod ſcilicet jam eſſe corpus perturbatiſſimo motu prædictum, qui cæteris quandoque in ignem, flammamque abeuntibus ſe prodat.

Hoc corpus fluidiſſimum, ac ſubtiliſſimum ſit oportet, ut alia, etiam denſiora, corpora pervadat ad centrum uſque, & ut a vasis quibuſcumque clauſis, obſignatiſque nulla ratione prohiberi poſſit. Maximum, inſuper momentum, quantitatemque inteſtini motus habere debet, ut accedentibus minimis partibus cujuſpiam corporis eam vim, actionemque adipiſcatur, qua ebullire vehementer fluida, & metalla ſolvi deprehendimus, & molleculas quasvis firmiores ſejungi ad invicem, &, ne ad mutuos contactus redeant, impediri. Denique loca omnia, in quibus habetur ignis, ſive omnia terreſtria ſpatia permeare debet hoc fluidum: Sive, quia
cir,

circa terram contineri amplius non posset tanta cum vi, & intestino motu, nisi alterius fluidi æquilibrio coherceretur, per terram, ac cœlum omne diffundi debet.

Ex his principiis cum fere innumera corollaria ad universam Physicam illustrandam, explicandamque deduci possint, tum illud maxime infertur, quod ad rem nostram facit, ætherem subtilissimum crassiores alias, innatantesque aliorum corporum particulas comprimere, si sibi invicem contiguae sint, si poros intermedios habeant, transcurrere, nec nisi ratos quosdam effectus præstare posse, minus cum cæteris nexa ramenta abradere, effluvia in gyrum spargere, constantem motus, & caloris gradum conservare. Sicuti vero injecta ebullienti aquæ corpuscula perturbatissimum aquæ motum versus quamcumque partem videntur sequi, licet aqueis particulis crassiora sint, & sublata ebullitione ad fundum decident; sic omnia corpora, percussione, aut frictione, aut alia simili ratione aliqua in minores partes soluta, abducentur cito citius ab æthere, & unum simul agitatissimum fluidum component

ponent, cumque non amplius mole sua apertos poros pervadere, & libere moveri possint, impellent undique, ac vim facient, flammamque, & ignem exhibebunt. Ita non aliud erit ignis, quam aggregatum ex æthere subtilissimo, & particulis aliis motum ætheris perturbatissimum, celerrimumque aliquo modo participantibus, & idem erit excitare ignem, ac corpus in eas minimas partes resolvere, quæ motum ætheris participant, & huc, atque illuc agitentur.

Hoc ipso etiam ignis communicatio intelligitur: Cum jam solutæ unius corporis particulæ impetu, ac mole sua texturam aliorum corporum laxare possint, & in similes partes resolvere; nisi fibrarum convolutus plenus, quem in amianto, & quibusdam fluidis deprehendimus, impediat. Ab iis vero ad has partes transeunte motu, effusoque, ac multiplicato igne, nullum prioris ignis detrimentum sensibile haberi poterit. Cum enim ita æqualitatem motus in locis singulis totus æther tueri debeat, ut neque illic deficiat, neque hic redundet, idem erit earundem minimarum partium impetus, ac vis, sive seorsim
agi-

agitari pergant, siue alias quocumque partes a quibuscumque corporibus abradant, & circumfuso ætheri agitandas similiter relinquant. Ignis ergo excitabitur sine ullo alterius ignis, quo gignitur, detrimento: Nec nisi dispersis undique & avolantibus corpusculis exhaurietur.

Aucto corpusculorum tenuissimorum, & motui ætheris obsequentium, numero, & massa intendetur ignis. Aucta velocitate fieri poterit, ut filamenta ætheris circumquaque in directum jacentia comprimant, & hæc se se expandendo, restituendoque impellant alia, atque alia rursus, & motum tremulum, ac vibratorium excitent, quo ad oculos usque nostros transfuso lucis, & coloris sensus habeatur. Simili modo ex tremitu sonori corporis concisæ æris vibrationes, & soni impressiones variæ ad usque aurem feruntur. Hoc vero soni, & lucis discrimen erit: Quod cum sonus obliquo, & curvilineo quocumque tramite propagetur, lux solum per lineas rectas diffundi possit. Dum enim vibrationibus sonori corporis crassiores æris particule per totam longitudinem sonoræ fibræ compri-

primuntur, dilatantur eodem tempore in latum, sonumque effundunt secundum quascunque lineas, rectas, & obliquas. At particulæ æthereæ, aut nullam prorsus, aut eo minorem compressionem singulæ pati debent, quo aëris particulis sunt tenuiores, nimirum infinite parvam, atque insensibilem. Actione igitur corpusculi alicujus lucidi, & perniciosissimi secundum solam longitudinem magis accedent ad se invicem, & densitate, atque intestini motus quantitate aucta vibrationes reciprocas in longum per rectas lineas propagabunt.

Quia vero unaquæque lucidi corporis portio ex corpusculis aliis componitur versus quamcumque plagam velocissime abreptis, atque agitatís, singula ad plagas singulas vibratorium motum illum transfundent, atque eadem portio ex locis omnibus videbitur, ad quæ usque recta linea duci poterit. Nec qui a portionibus diversis advenient radii subtilissimi, tenuissimique se se invicem confundent, atque impediunt, quo minus speciem propriam referant. Exemplum in ipso aëre habemus, ubi radii sonori, qui a diversis ejusdem corporis particulis,
aut

aut a corporibus diversis ad aurem veniunt, sese invicem minime afficiunt. Hæc alia habebitur lucis, & soni analogia. Pari etiam ratione radii sonori, & lucidi, incidendo in obicem aliquem reflectentur, reflexionisque angulum facient æqualem angulo incidentiæ. Et sicuti tubarum opus, aut aliis artificiis collectus sonus intenditur, ita ubi radii a tota lentis, aut speculi ustorii superficie in unicum foci punctum convergant, in foco positus æther omnium simul acceptorum lucis filamentorum vibrationes velocitates in se recipiens eum intestini motus augmentum adipiscetur, quo objecta corpora dividet, concutiet, ac solvet.

Porro excitatas omnes in eodem medio elastico oscillationes, vibrationesque isochronas esse ex Mechanicæ legibus jam diu innotuit. Constat etiam in aëre septem Musicos tonos, septemque in æthere coloratos lucis radiolos diversa celeritate propagari, ut rubei tardiores sint, violacei maxime omnium celeres, refrangibilesque, ac reflexibiles. Itaque si ulterius ex soni, & lucis analogia, liceret progredi, qua ratione Cl. de Mairan ag-

rem nostrum ex septem fluidis hethereis componi dixit, eadem ostendi posset; ætherem quoque ex septem diversis fluidis coalescere, quæ cum in æquilibrio sint undique, & elasticitate differre nequeant, differant densitate inter se. Quia, data elasticitate vibrantis medii, pulsum celeritas est in ratione subduplicata densitatis reciproce, rariores omnibus erunt particule, quæ majoris refrangibilitatis, & reflexibilitatis radios, celerioresque vibrationes referent: Scilicet minus densæ erunt particule, a quibus imprimetur sensus coloris violacei, quam quæ colorem indicum præferent, & coloris indici particule præ cæruleis adhuc rariores erunt, atque ita cum proportionem usque ad firmiores, compactioresque coloris rubei particulas. Hæ cum excessu suæ densitatis, ac magnitudinis defectum vibratorie celeritatis satis compensent, & minus libere vacua corporum interstitiola permeare possint, copiosius retinam oculi, ac fortius ferient, quam aliæ coloris indici, aut violacei particule. Singularum numerus in data qualibet portione ætheris erit ut spatium in colorata Solis imagine

DE CAUSA ELECTRIC. 51

ea diversis coloribus occupatum: Numerus scilicet particularum coloris rubei, aurei, flavi, viridis, cærulei, indici, & violacei respective erit ut 45, 27, 48, 60, 66, 40, 80.

Ita rursus cum luce sonus, & cum æthere aër conveniet. Dissentiet tamen, qua parte fluidi maxime elastici, ac subtilissimi vibrationes a vibrationibus densioris, crassiorisque dissentire necesse est. Aër crassior ex uno tantum sonori corporis ictu, & tremitu cum vibrationis impetum, ac vin- concipere nequaquam poterit, qua auditus organo fiat sensibilis, atque ad id pluribus consecutivis ictibus erit opus: Quo jam pro varia celeritate, ac duratione ictuum successive in sonoro corpore excitatorum. diversæ æris particulae in motum sensibilibiter agentur, & pluribus sonoris corporibus erit opus ad plures tonos exhibendos. Contra uno ictu puncti aliqujus lucidi singulae ætheris subtilissimi, & maxime elastici particulae vibrationes suæ densitatis proprias concipient, continuatisque puncti tremoribus, quamvis non omnis motus transeat in omnes hetherogeneas ætheris particulas, aliquis tamen semper tran-

sibit, & primigenii septem colores quocumque ex loco lucidi corporis semper habebuntur.

Nihil hic arduum, absurdumque offendent ii, qui in jugi effluvio corpusculorum tenuissimorum undique a lucido corpore emanantium censent lucem consistere. Ipsi enim ut suam hypothese[m] cum colorum theoria, & phaenomenis concilient, statuere debent lucidum corpus ex septem diversi generis particulis coalescere, talidose inter se mixtis, distributisque, ut nunquam aliquis emergat radius, qui sex dumtaxat, aut quinque, aut quatuor colores praebat, evanescentibus ex gr. rubris, viridibus, & violaceis: Aut qui diversam coloris aliqujus quantitatem ferat, auctam ex gr. caerulei coloris copiam: Aut qui plures radiolos quam octo, & novam coloris speciem aliquando exhibeat. Insuper lucida omnia, & caelestia, & terrestria, inter se motu, densitate, intensione adeo discreta, ex iisdem septem particularum generibus, eadem proportionem inter se mixtis, composita fateri debent, ut idem corpus, quod luce solari viride, alia luce caeruleum non videatur. Denique omnia
cor-

corpora inflammabilia, quæcumque
 sint solida, & fluida, dura, & mol-
 lia, densa, & rara, eodem modo coa-
 lita debent dicere, ut omnia, quan-
 do in ignem, flammamque abeunt, sta-
 ta, & invariabilia colorum phænome-
 na exhibeant. Accedit in eadem ve-
 terum Atomistarum sententia nulla ra-
 tione explicari posse vices illas reci-
 procas facilioris reflexionis, transmis-
 sionisque, quas tanta experimento-
 rum diligentia Newtonus affecutus est.
 Ut enim ajebat optime in dissertatio-
 ne de propagatione lucis Bernoullius,
*je ne vois ici aucune cause extérieure
 qui puisse changer la nature du mouve-
 ment toujours progressif en droite ligne,
 & toujours dans un même milieu, où
 tout est uniforme, le quel ou résiste, ou
 ne résiste point: s'il résiste, le mouve-
 ment doit être retardé continuellement,
 sans jamais reprendre d'accélération en
 avant; si le milieu ne résiste pas, le
 mouvement progressif demeurera unifor-
 me, & gardera la vitesse primitive-
 ment imprimée, pendant tout le temps
 qu'il n'est pas troublé par quelque nou-
 velle cause qui lui survient extérieur-
 ment; c'est la loi que tous les Philo-
 sophes reconnoissent.*

Sed neque ipse Bernoullius ex ætherearum vibrationum indole, ac lege facilioris reflexionis, transmissionisque causam satis nitide derivavit. Rectilineam quoque propagationem lucis non attigit, & toto ætheri cum alia solida adjecisset corpuscula, intestinum motum ademit, qui gravissimis argumentis evincitur, & explicandis naturæ phænomenis conducit maxime. Possemus nos ex principiis superioribus non solum inflexionem, refractionemque, & facilioris transmissionis vices perspicue, & singillatim deducere, quod in dissertatione primum ad Petropolitanam Scientiarum Academiam missa præstitimus aliquo modo; verum etiam cohæisionis, fluiditatis, elasticitatis, magnetis, ascensionis fluidorum in tubis capillaribus, fermentationum chymicarum &c. causas, seclusis Magicis attractionis, & repulsionis vocabulis, derivare. Sed in hac nova dissertationis ejusdem editione, cum novam operi admoventem manum censeamus, & ad Geometricarum propositionum ordinem theoriâ omnem redigendam esse; nolimus diutius extra aleam ludere, atque extraneis argumentis vagari. Cæteris

DE CAUSSA ELECTRIC. §5

aëris igitur omittis, electricitatis causa expedienda est. Videbimus eam excitari sola ætherearum particulærum de loco in locum translatione, ut sicuti quod ætheri est lux, illud aëri est sonus, ita quod aëri est ventus, illud ætheri sit electricitas.

Definitio Prima.

Electricitas est ea vis, qua corpora attrahunt, aut repellunt minima quædam corpuscula, aliis corporibus admotâ lucent, tactâ scintillas edunt, crepitant, pungunt &c. Ab electro vocabulum derivatum est.

Definitio Secunda.

Corpora electrica ex origine dicuntur ea, quæ confricata, aut percussa electricitatem possunt acquirere, ut vitrum, gemmæ quamplures, mastix, pix, sulphur, resina dura &c.

Definitio Tertia.

Corpora electrica per communicationem ea dicuntur, quæ electricitatem concipiunt ubi propius admoveantur

tur aliis corporibus ex origine electricis, atque electricatis, ut metalla, semimetalla, vegetabilia, animalia, liquores omnes, exceptis pinguibus, & oleosis.

Definitio Quarta.

Globus electricus ille dicitur, qui duos inter clavos firmatus, ope manubrii, & funis ductarii circumagitur, & vola ficcioris manus, aut panno aliquo attritus, insignem, & continuatam electricitatem concipit, aliisque corporibus communicat.

Definitio Quinta.

Catenæ electricæ nomine intelligitur series corporum quorumcumque, communicatione globi electrici electricatorum. Ita tubus metallicus, qui globo adjungi solet, tubo adherentes homines &c. universim designantur catenæ nomine.

Definitio Sexta.

Machina electrica est series corporum communicatione electricabilium,

um, quæ globo, dum electrificatur, adnexa sunt. Homo ex gr. qui globum manu atterit, ad machinam refertur. Vulgo nomen machinæ electricæ aliter solet accipi. Nos ad vitandam nominum confusionem hunc illi sensum adjecimus.

Definitio Septima.

Corpora ea positive, & excessu electrica dici solent, in quibus materia electrica, quæcumque sit, redundat respective: Ea negative, & defectu electrica, in quibus materia ipsa respective deficit.

Experimentum Primum.

Tres hætenus excitandi electricitatem in corporibus ex origine electricis modi innotuerunt: Percussione videlicet, fusione, & frictione. Percussione in primis. Quod in lacrymis vitreis calefactis, cylindris comparatis ex massa obsignatoria, sulphure, &c. expertus est Kratzestein. At etiam fusione: Nam si liquefactum sulphur, aut pars colophonii una, & duæ gumme lacce &c. in cochlear terræ infixum,

fixum, aut in vas vitreum, & conicum versentur, frige factæ postmodum massæ deprehendentur electricæ. Maxime demum frictione: Quo modo electrificantur vitra, mastix, pix, sulphur, resinæ duræ, adamas, saphirus, smaragdus, topatium, iris, opalum, ametistus, berillus, chrystallus, arsenicum, alumen, talcum, cera obsignatoria, aliaque corpora complura, quæ ante perfricationem calefacienda sunt, ut pili animalium omnium, pennæ avium, dentes, ungulæ, cornua, serica &c. Frictionis ea commodissima ratio est, qua globus, aut cylindrus vitreus probe exsiccatus fune ductario circumagitur, & manu appressa, aut alio corpore atteritur.

Experimentum Secundum.

Corpora omnia, communicatione electrificabilia, electrificari nequeunt, nisi aliis corporibus ex origine electricis cingantur. Aqua ex gr. aut homo prope globum confricatum positus, electricitatem in se non recipit, nisi incumbat fulcris ex vitro, mastice, pice &c. Aër etiam circumambiens ad intensioris electricitatis excit-

citationem minus humidus esse debet: Ne scilicet interspersæ majori in copia, & mutuo communicantes aqueæ particulæ electricitatem deferant ad terram usque, & ad alia corpora, in quibus libere disperditur. Aliter sibi cessisse experimenta Cl. Bose testatus est quarto de electricitate commentario. Mihi vero, & aliis omnibus nunquam sereno cœlo, & maxime humido, & nimbofo eadem vis electricitatis se prodidit.

Experimentum Tertium.

Si machina, & catena cingantur undique aliis corporibus ex origine electricis, electricitato globo catena, & machina edent signa omnia electrica. At sua diversitas signorum erit. Cl. Beccaria hoc potissimum discriminis esse observavit: Quod electricatæ catenæ, qua parte amplior, & plana est, admoto exterius acuto corpore, exigua, ac debilis quædam lux, quam electricam stellulam vocavit, in apice appareat: Et plano corpore admoto alicui catenæ acumini, vividior, & copiosior lux obtineatur, figura sua conum referens, eidem parti acu-

æ obverſum, quam lucem conum electricum, & conum lucidum idcirco dixit. In machina res ſecus eſt: Cum planis machinæ partibus acuto corpore exterius admoto, conus, planoque admoto acutis, ſtellula habeatur. Sed, quæ hæc diſtinguantur reſtius, machina omnis fuleris altioribus ex vitro debet incumbere, puta unius pedis, quibus communicatio cum extraneis corporibus diligentius præcludatur.

Experimentum Quartum.

Si phiala vitrea, exterius probe ſicca, & quæ interius affuſam aquam, & electricatam habeat, eodem tempore exterius, atque interius tangatur, ſcintilla rubei coloris, & major crepitus, ac ſenſibilis totius corporis excuſſio habebitur. Quod ſi etiam plures homines ſe tangant, aut cum alio corpore electricitati pervio communicent, ita ut primus convexitatem phialæ manu teneat, ultimus ſcintillam edat, omnes, quotcumque ſint, concuſſionem eandem eodem momento temporis percipient. Senſibilior redditur concuſſio in ſingulis juncturis

ris corporis, & per viam eam brevissimam, quæ a loco scintillæ educæ ad usque vitri convexitatem intercedit, & simul per partes transit, quibus homines se se contingunt, ut, si homines manibus se teneant, a manu ad manum, si unus unum manu alterum pede tangat, ictus a manu ad pedem transeat. Aquæ globuli ex plumbo, aut limatura ferri substitui potest. Si adhibeatur in experimento Mercurius, aut ex phiala extrahatur aër crassior, ictus longe est violentior. Phialæ subrogavit Francklinius vitrum planum, & ex utraque parte bracteolis aureis, inter se invicem non communicantibus, obductum: Quod propterea quadratum magicum, & quadratum Francklinii dicitur.

Experimentum Quintum.

Experimentum simili exitu habetur, sive ex machina, sive ex catena quadratum magicum electricitatem participet. In utroque casu quadrati utraque superficies eo discrimine signa omnia electrica exhibere solet, quod in machina, & catena est. Ubi ex catena quadrati magici electricitas derive-

riveretur, quæ planis superficiei inferioris partibus admoventur acuta corpora lucidum conum vicendum præbent. Quæ acutis partibus plana corpora admoventur, electricam stellulam exhibent. Contra quæ acutis corporibus, electrificabilibus, adnexisque superiori superficiei, in quam primo ex catena transit electricitas, accedunt plana conum lucidum, quæ acuta planis stellulam referunt. Omnia inverso ordine contingunt ubi ex machina quadrati magici electricitas derivetur.

Lemma.

Materia electrica nihil est aliud nisi ipse æther.

Primo enim electricitatem haberi actione alicujus materiæ, ut aiebat Nolletus in Monumentis Parisiensis Scientiarum Academiæ anni 1745, manifestum est. *Qu' est ce qu' une substance que l' on touche, qui se fait entendre, qui a de l' odeur, & que l' on voit? Tous ces caractères n' annoncent-ils pas incontestablement une matière?* Deinde hanc materiam electricam, fluidissimam, subtilissimamque esse ex eo colligitur, quod corpora etiam densis-

DE CAUSSA ELECTRIC. 63.

densissima, ferrum, aurum, metalla omnia liberrime pervadat, & ad intervalla etiam maxima citissime diffundatur. Agitari denique perturbatissimo intestino motu sexcentis fere argumentis constat, & expansione imprimis, quam Cl. Bose deprehendit in electrificatis herbis, ramis plantarum omnium, floribus quibuscumque &c. Itaque materia electrica est ipse æther.

Corollarium.

Ex iis, quæ supra circa ignis, atque ætheris naturam diximus, satis colligitur ignem, & calorem sensibilem electricitate non posse haberi, nisi electrificentur volatiliora corpora, accumulatio materiæ electricæ sit major, ipsique crassiora alia admisceantur corpuscula, quæ latera pororum urgeant, atque impellant. In hisce casibus calorem, ignemque haberi ostendemus suo loco.

PROPOSITIO I.

Pori omnium corporum origine electricorum minus communicant inter se, quam in aliis corporibus commun-

municatione electrificabilibus communicent.

Id primo constat ex binis electricitatis legibus, quas num. 459. Transactionum Philosophicarum protulit Desaguillierius: Quod scilicet corpora omnia secundi generis, admoto exterius simili corpore, electricitatem maxima ex parte, aut etiam ex toto amittant: Primi vero generis corpora, utcumque tacta, electricitatis detrimentum, dumtaxat ubi sit contactus, patiantur. Intimæ ejusdem texturæ indicia plura alia sunt. Animantia, communicatione electrificabilia cum sint, absorbentibus undique poris scatent, aliisque innumeris inter se invicem communicantibus: Quod Anatomicis observationibus innotuit. Similem pororum dispositionem in plantis esse ex eo deducitur, quod succi nutritii circulus, & respiratio in ipsis etiam habeatur, quodque ubi, deficiente vegetatione, respiratio, & circulus, atque interior communicatio desinat, electrificari amplius non possint. Fluidorum omnium particulæ, quæ facile adeo aliis corporibus adhærescunt, ramosæ sunt. Metallorum etiam ductilitas sine quadam ramosi-

mofitate partium intelligi non poteft,
 qua fiat ut partis unius tractio cum
 alterius proximioris tractione conjun-
 cta fit. Neque poteft intelligi fluida,
 & metalla, ac femimetalla, quæ ma-
 ximam metallicarum partium copiam
 continent, ramosis partibus coalesce-
 re, niſi poros communicantes undique
 intercipient. Contrariam constitutio-
 nem cum habeat vitrum, maxime ri-
 gidum, & minime ductile cum fit,
 neque componi ex ramosis partibus,
 neque tot poros communicantes po-
 terit intercipere, quamvis communi-
 cantes aliquo modo in directum habe-
 re debeat, ut fit pellucidum. Valet
 id ipſum cum proportionem de resinis
 duris, atque opacis, & ſulphure. Se-
 ricum ſi probe exſiccatum ſit, licet
 naturæ regno a resinis, & vitris diſ-
 ſitum, textura internarum partium ſi-
 mile eſſe ex eo colligo, quod idem
 fere ſonus habeatur ſericum digitis
 perſtringendo, ac ſi ſtringatur ſlos
 ſulphuris, aut excutiantur resinæ ſlui-
 dæ, ut resina abjetis, terebinthina,
 baſanum Mechæ &c. Ex maxima ſul-
 phurearum partium, ac resinarum co-
 pia, quam continent pinguia, & oleo-
 ſa fluida, oriri debet, quod commu-

nicatione electrificari nequeant. Et plane olei depositiones substantiæ resinosa sunt, & ex distillatis oleis oleum aliud densius educitur, quod resinis fluidis respondet.

Corollarium Primum.

Quoniam tot modis eadem materiæ portio sub dato aliquo spatio, & volumine disponi potest, manifestum est in rarioribus etiam corporibus minus communicantes inter se poros aliquando esse posse, & adveniendi ætheri minus pervios, quam in densioribus. Et quemadmodum suber ex. gr. quo dolii orificium clauditur, evaporationem liquorum impedit, quam aut plumbum, aut stannum cohibere nequeunt; ita sericum, vitrum, & aer quoque progressum ætheris metallorum densissimorum poros liberrime permeantis poterunt sistere. Aer enim ad genus corporum origine electricorum magis accedit, & si ab humidis fortasse omnibus evaporationum particulis liber esset, nullum jam amplius electricitati transitum concederet.

Corollarium Secundum .

Quoniam autem vibrationes reciprocz, ex quibus diximus oriri lucem, propagari possunt per ætherem in rectilineis corporum interstitiis contentum, & interclusum; fieri poterit, ut quædam corpora pervadat electricitas, & non lux, quædam lux, & non electricitas, quædam & electricitas, & lux. Poterit enim in primis fieri, ut quædam corpora electrificabilia liberos, patentesque adveniēti ætheri poros in directum sitos non habeant, nec vibratorii motus propagationi locum relinquant. Secundo ut quædam corpora diaphana, poros in directum sitos cum habeant, ætherem tamen in iisdem sic clausum teneant, ut alteri exterius adveniēti non ita facile aditum præbeant. Tertio, ut quædam alia rectilineos meatus liberos, & adveniēti ætheri pervios habeant.

PROPOSITIO II.

Corpora origine electrica motui tremulo, & vibratorio minimarum partium

E 2

tium

tium concipiendo maxime idonea sunt.

Quæ percussione electricantur corpora, cera obsignatoria, vitrum &c. maxime elastica, & sonora sunt, concipiendisque propterea iis vibrationibus aptissima. Idem de aliis valet sola fusione electricabilibus: Ut enim propos. 8. theoriæ electricæ observavit Cl. Kratzestein, *levis coherencia partium sulphuris, & resinarum cum insigni elasticitate partium conjuncta facile cognoscitur si bacillus ex sulphure, vel resina fusus formatus maneat tantum calida tenetur. Mox enim orientur fragores, & bacillus fissuras aget. Quoniam jam fragor oritur ex motu tremulo corporis elastici aëri communicato, cognoscimus inde motum particularum ignearum sufficere ad motum tremulum in hujus generis electricis excitandum. Valet etiam de cæteris perfricatione electricabilibus. quæ omnia, ut aiebat Nolletus citato in loco, acquièrent cet éiat d' autant plus vite & dans un degré d' autant plus eminent, que leurs parties sont plus roides & plus propres d'une vive réaction: la cire blanche, par exemple, qui devient un peu électrique pendant le grand froid ne l'est*

DE CAUSSA ELECTRIC. 69

est point du tout quand on l'éprouve par un temps ou dans un lieu chaud ; la cire d'Espagne ou la gomme lacque dont elle est faite , le devient d'avantage en tout temps , mais elle ne l'est jamais autant que le soufre & l'ambre , qui peuvent être frottez plus fortement , & plus long-tems sans que leurs parties s'amollissent , & perdent leur ressort ; il est-cepas aussi par cette dernière raison que le verre frotté devient plus électrique qu'aucune autre matière connue ?

Corollarium .

Neque tamen ad electricitatem originariam hæc sola tremuli motus , & vibratorii in minimis partibus concipiendi dispositio potest sufficere : Cum alia corpora , quæ communicatione electricitatem imbibunt , vibrationibus excipiendis , prosequendisque satis sint apta . Duo simul ad electricitatem originariam requirentur : Ut & minimæ partes tremere , ac citissime vibrari possint , & interspersa interstitiola minus communicent , advenientique exterius ætheri difficiliorem aditum præbeant .

PROPOSITIO III.

Corpora origine electrica eundem motum vibratorium, & tremulum concipiunt quando electricantur.

Confricando celeriter, aut percutiendo corpora electrica, aut fusiones in vas subjectum versando, cum sono aliquo motum tremulum minimarum partium excitari manifestum est. Percussio, quæ inæqualiter diversis, & diversimodè dispositis superficiei percussæ punctis distribuitur, debet minimas partes deprimere diversimodè, & hæ, elasticæ cum sint, pro quantitatè depressionis habitæ elevari debent, & percussione celeriter repetita, itus, & reditus brevissimos continuare, Quod fustum est sulphur, aut gumma, aut colophonium, in vas vitreum, aut ferreum ex data altitudine decidendo; eundem motum in se recipere, & vasis etiam particulis communicare debent, qui proprio augendo, conservandoque conducet maxime. Demum, quæ corpora confricantur celeriter, violenterque, ita extremis suis, & asperis superficiebus apprimuntur, ut altiores unius partes
humi-

DE CAUSSA ELECTRIC. 71

humiliora alterius loca subeant, tum
superincedendo emergant, deprimaⁿ-
turque aliquo modo, & restituantur
postmodum elasticitate sua, & conti-
nuata frictione motum vibratorium,
ac tremulum concipiant. Poterit eti-
am diutissime tueri hic motus, licet
successu temporis languidior fiat,
quam ut in aërem crassiorem ad con-
tinuandam soni impressionem agat.

Corollarium Primum.

Quia electrificare corpora nihil est
aliud, quam motum tremulum, &
vibratorium in minimis eorum parti-
bus excitare; in iis intendi poterit e-
lectricitas, quæ vibratorio motui ex-
cipiendo aptiora sunt. Crassiora vi-
tra ex gr. in re electrica subtilioribus
antecellent, in quibus æque validæ,
ac promptæ vibrationes haberi neque-
unt. Et quo modo intendendæ ele-
ctricitati conducit major vitri alicu-
jus crassities, aër etiam interius clau-
sus conducet, ut si rareseat extra-
haturque, vibratorius vitri motus, &
electricitas fiat debilior. Id ferunt plu-
ra Cl. Nolleti experimenta.

Corollarium Secundum.

Calore pariter, cum humidæ omnes particulæ a confricata, & extima superficie solvantur, magis elasticum reddetur vitrum, & vibrationibus reciprocis, atque electricitati excipiendæ aptius. Ad id vero cavendum, crit ne intensior calor, majorque evadat agitarum particularum impetus, ac vis. Tum enim laxata undique vitri textura interior æther per liberiores poros elabetur, nec regularem, copiosumque illum a vitro effluxum, habebit amplius, cujus æconomiam, ac leges singulas explicabimus.

PROPOSITIO IV.

In iisdem corporibus, ut supra electrificatis, perpetuus effluxus ætheris habetur secundum lineas superficiei electrificatæ perpendiculares.

Quoniam enim, per superiorem propositionem, minimæ corporum electrificatorum particulæ motum tremulum, ac vibratorium habent, quo eunt, & redeunt, assurgunt, & deprimuntur; exhibeat AOCEDE, fig. 1, sectio-

sectionem electrificati alicujus corporis, quæ in ea vibrationum singularum parte, qua fit depressio, ad *aoc* ED redigatur. Patet in singulis iis depressionibus ætherem quoque intus contentum undique coarctari, & ex crassitie BO ad Bo redactum, cum dilatari ad latera non possit, in quibus pori magis quam antea constricti sunt, ex poris ipsis, qui secundum longitudo-nes AC, DE, fere ut prius aperti remanent debere erumpere, & perpendiculariter ad superficiem corporis impelli. Quoniam vero ex antecedenti propositione vibrationes singulæ summa celeritate consequuntur sese invicem, & ex legibus Mechanicis impulsus æther semel conceptum motum, ac directionem retinet, quantum in se est; juxta lineas vibranti, & electrificatæ superficiei perpendiculares continuus erit interioris in exteriorem ætherem effluxus, quo exterior æther, & aer crassior obsistens; & circumambiens aliquo modo impellatur, lenisque ille excitetur ventus, qui obversa etiam manu percipitur, ac primum fere conceptæ electricitatis indicium est.

Corollarium Primum.

Si sphæra vitrea, ut moris est, confricata, & circumvoluta electrificetur, & AMHG, fig. 2, exhibeat circulum æquatori sphære parallellum, ac motum ex A in M, sitque insuper AB spatium, quod particula ætheris aliqua e superficie sphære pulsa secundum lineam ad sphære centrum directam, eodem tempore absolveret, quo ex vi projectili secundum tangentem AD moveretur; completo parallelogrammo ABCD, referet diagonalis AC spatium eodem tempore a particula ætheris confectum. Et si, quo modo recta AC ducta est, ex aliis circuli punctis T, S, R, &c. fig. 3, ducantur totidem rectæ Tt, Ss, Rr. &c. ad planum circuli ipsius inclinatæ dato angulo; particule æthereæ, antea per arcum AM distributæ, effundentur eodem tempore per arcum *cm*, eritque intensitas vis electricæ in A ad intensitatem vis electricæ in *c*, ut *cm* ad AM.

Corollarium Secundum.

Quod si insuper statuamus rotationis
nis

DE CAUSSA ELECTRIC. 75

nis velocitatem præ illa, qua æther pellitur e vibrantibus particulis, nullam esse [debet enim esse quam minima]; censeri poterit egredi ætherem secundum lineas superficiei sphericæ perpendiculares, adeoque, præcisis cæteris, recedendo directe a centro intensitatem electricitatis decrescere in ratione reciproca distantiarum: Quemadmodum in distantis non ita magnis expertus est Kratzestein. Juxta ipsum est.

proportio electricarum, et attrahentium virium .	38	proportio inversa distantiarum .	38
	32		32
	23		$22 \frac{1}{2}$
	18		19
	$12 \frac{1}{2}$		$14 \frac{1}{3}$
	6		$9 \frac{1}{4}$
	2		6

Corollarium Tertium.

Posita eadem celeritate angulari, &
quan-

quantitate confricationis, ab æquatore ad polos progrediendo intensitas electricitatis erit ut absoluta confricationis, seu rotationis celeritas, hoc est ut cosinus latitudinis. Universim itaque erit intensitas electricitatis ut distantia a centro reciproce, & directe ut cosinus illius arcus, qui in superficie sphaerica rectæ a loco dato ad centrum ductæ, æquatorique interjicitur. Si diversæ adhibeantur sphaeræ, utcumque ex vitro ejusdem indolis conflatæ, manente eadem celeritate, augebitur, minueturve electricitas in ratione diametrorum. Adjicienda etiam erit ratio aliqua crassitie vitri, & caloris, ut liquet ex corollariis propositionis tertiæ, ac ferunt experimenta, quæ in commentario epistolari retulit Cl. Bose.

PROPOSITIO V.

Iisdem positis dico, quod alia corpora communicatione electricabilia, ut moris est, propius admotæ æthere omnia debent imbibi.

Si propius sphaeræ vitreæ; quo supra modo electricatæ, admoveantur corpora hujusmodi communicatione
ele-

electrificabilia, metalla, animantia, fluida &c. aliis corporibus ex origine electricis circumdata, pice, mastice, vitro &c. interim vero aër circumambiens sit siccior, quam ut humidæ ipsius particulæ corporis communicatione electrificabilis vices subire possint; maxima æther, quæ a globo pellitur velocitate in superficies eorundem corporum proxime objectas illabetur. Et quia pori omnes corporum communicatione electrificabilium, per primam propositionem, communicant inter se invicem, ac patent; non per extimas superficies dumtaxat, quod sinxerunt nonnulli, sed per intimam etiam substantiam effundetur. Quia denique circumambientia corpora origine electrica nequit pervadere, & per aërem disperdi, ut dictum est; in intima ipsa substantia diu, & copiose accumulabitur. Id etiam ferunt notissima Jallebert, Bose &c. experimenta, ex quibus constat accelerari electrificatione sanguinis motum, vegetationem augeri, jactus aquæ celeriores, altioresque effici, & æquæ ipsam in plures tenuiores guttulas dividi, expandi flores cujuscumque generis, herbas, & ramos, promoveri opera:

operationes chymicas, solutiones, præcipitationes, fusiones, distillationes.

Corollarium Primum.

Si massa corporis communicatione electricabilis augeatur, amplior etiam locus præstabitur, accumulando, colligendoque ætheri, & electricitatis vis, & intensitas fiet major. Id pluribus experimentis confirmavit Nolletus sermone quarto. In qua potissimum massæ ratione electricitas intendatur, incertum est. Omnino autem in eadem massa pro figuræ diversitate accelerari, aut retardari progressus ætheris, & electricitas intendi, augeri remitti poterit. Huc alia redeunt Monnierii, & Nolleti experimenta, quibus complicatas laminas, & irregularis superficiei corpora minus electricificariprehenderunt.

Corollarium Secundum.

In eodem corpore inæqualiter electricitas distribui debet. Illabens enim successive æther debet alium superstitem velocissime ad extremas usque partes propellere, atque ibi, cum
diffi-

difficilior in aërem circum ambientem effusio sit, magis accumulare. Ideo in confinis longioris alicujus catenæ fortior, ut Cl. Krugers observavit, est electricitas, & medias, extremasque inter longioris catenæ partes signa electrica haberi aliqua possunt: Quod electricitatis diversitatem aliquam indicat, ut ex sequentibus patebit.

Corollarium Tertium.

Humana corpora electrificatione permeando æther, licet rarissimus, ac subtilissimus, majori tamen sui copia delicatiores fibras aliquo modo impellere, & commovere poterit. Non contemnendus igitur in animali æconomia erit usus electricitatis. In primis, si qui erunt morbi ex levi aliqua vasorum obstructione, densitate humorum, & tardo motu progeniti, ex electricitate subsidium aliquod capient: Accumulato enim æthere, eductisque scintillis ex læsa parte, dissipari humores vitiiati poterunt, excuti obstruentes particule, & sanguis, atque alia fluida in suis motibus aliquantulum accelerari. Gravioribus etiam morbis repetita electrificatione
satis

fatis mederi innotuit pervulgatissimis
iis exemplis Cl. Jallebert, Sauvages,
Nollet, Monnier, Boucot &c. Novi
ego hominem, qui cum ischiade la-
borasset Placentiæ, repetitis electri-
ficationibus sic convaluit, ut pedes
Mediolanum usque deveniret.

Corollarium Quartum.

Vis, qua particulæ æthereæ, ele-
ctrificato globo, erumpunt undique,
cum sit maxima, maxima etiam serit
celeritas, qua interiorem substantiam
corporum pervadendo ad extremas
usque electrificatæ catenæ partes per-
venient. Eandem celeritatem in lon-
gioribus catenis certo metiri hæcenus
non licuit. Experimentatores ferme
omnes nullam se invenisse falsi sunt
differentiam sensibilem temporum,
quibus primæ, extremæque catenæ
partes electrificantur. Aliquam tamen
deprehendit P. Beccaria, & ante ip-
sum Kratzelein in Scholio problema-
ris quinti theoriæ electricæ.

Corollarium Quintum.

Ætheris motus ex superiori, &
con-

DE CAUSSA ELECTRIC. 81

confricata vitri superficie ad proximiores catenæ partes dirigetur: Dummodo globus catenam versus ex superiori parte circumvolvatur. Hæc causa, & ratio erit, propter quam filis metallicis ante catenam superius positis intercipitur tota electricitas, & ne ad catenam transeat, impeditur. Contra si ex inferiori parte eadem fila electrificato globo admota sint, nulla amplius dant signa electrica, & electricitatem suam catena interim recuperat.

PROPOSITIO VI.

Quod si insuper catena, & machina aliis corporibus origine electricis cingantur undique, perpetua, & absoluta circulatio ætheris habebitur ab extraneis corporibus ad machinam, a machina ad globum, a globo ad catenam, & a catena ad corpora alia extranea.

Etenim successivis electrificati globi revolutionibus, ac vibrationibus ætheris copia in eodem superstitis fiet minor, & ad æquilibrium tuendum, conservandumque necesse erit, ut aliæ, atque aliæ portiones ætheri ex circum-

F

stan-

stantibus corporibus, & ex machina ad eas globi partes adveniant, in quibus æther residuus deficit, & quæ licet per primam propositionem libere adeo non pateant, communicantes tamen aliquo modo, & perviæ debent esse. Itaque si statuamus, quod primus in Anglia fecit Gulielmus Watson, machinam omnem corporibus origine electricis, & catenam simul circumdari, integra, & absoluta circulatio ætheris habebitur ab extraneis corporibus ad machinam, a machina ad globum, a globo ad catenam, a catena ad extranea corpora: Atque ita machina defectu, & negative erit electrica, catena vero excessu, & positive. Scilicet cum in globo deficiat æther, & conceptu motu in catena accumulatur, nec nisi ex proximioribus machinæ partibus ad elabentem resarciendum novus æther advenire possit, pari passu in machina deficiet. En Franklinii theorema ex nostris principiis erutum.

Corollarium Primum.

Falsum ergo erit, quod Nolletus, & Watsonus statuerunt, electricam-

ma-

materiam non a catena solum ad alia corpora transire, sed ab aliis etiam corporibus ad catenam, & in promiscuo, ac jugi hoc materiæ affluxu, efluxuque electricitatem consistere. Nam si in catena accumulatus undique est æther, quomodo ab extraneis corporibus in quibus respective deficit, ad catenam afluere poterit? Aut si continuo efluxu in aliqua catenæ parte languescit electricitas, quare a corporibus circumpositis, & non a reliquis potius materia eadem adhuc redundantibus catenæ partibus debet refici? Quibus vero rationibus materiæ electricæ ad catenam affluxus rejicitur, iisdem satis ostenditur materiæ efluxum ex machina ad extranea alia corpora non posse haberi.

Corollarium Secundum.

Porro in hac omni circulatione vapor electricus ex machina ad eam vitri partem feretur, in qua respective deficit, sive ex qua, vibrationibus conceptis pellitur, & jaculatur. At vero ex ipsa vibrationum indole satis constat non alium successive jaculari ætherem, ac foras expelli posse,

quam qui a centto motus est magis
diffusus, & circa ipsas vibrantes su-
perficies reperitur. Non ergo est cur
ex machina superveniens ultra super-
ficies easdem feratur æther, interio-
remque vitri substantiam penetret. Ita
intelligitur, quod longa experimen-
torum serie Franklinius, & Beccaria
asscuti sunt, vaporem electricum ab
extraneis corporibus delatum vitra-
intime non pervadere. Quæ in oppo-
situm afferri solent, & deduci maxi-
me ex modo, quo celebri Musschen-
broekii experimento aptantur phialæ
vitreæ, & qui modus aliquando no-
bis etiam imposuit, omnia, citra ul-
lam vitri permeabilitatem, singulari
ea proprietate explicantur, de qua
inferius conjectabimus nonnulla, &
qua fit ut electrico vapore in una
vitri superficie communicationis ope
accumulato, tantumdem in superficie
altera deficiat.

Corollarium Tertium.

Si nulla alia catenæ corpora acce-
dant propius nisi ær, in ærem ipsum
accumulatus catenæ æther debet eflue-
re. Quia vero, per coro ll. 1, pro-
pos.

pos. 1, ætheris particulis æthereæ difficiliorem aditum permittunt, non nisi medica in copia, & ad minora intervalla eædem particulæ æthereæ efluerè poterunt, & circa electrificatæ catenæ partes, à quibus exeunt, resistentia medii cohibita, Atmosphæram electricam component. Atmosphæra in minoribus distantis erit densior, in majoribus rarior, ac debilior, ut ex æconomia efluxus sequitur, & supra etiam notatum est.

PROPOSITIO VII.

Æther minores alias, subtilioresque particulas ab electrificatis corporibus, quæ permeat undique, debet abraderè & secum ferre.

Id primo constat ex ipsa natura ætheris in suis omnibus partibus agitissimi, qui licet sit tenuissimus, rarissimusque, ubi tamen majori in copia electrificationis ope aliquod corpus subeat, minora quædam ramenta abripere, atque agitare debet. Constat id etiam non paucis experimentis, & iis potissimum, quibus compertum est animantia, & fluida omnia, densissimo mercurio excepto, & viscoso olie

varum oleo, aliquid sui ponderis, electrificatione habita, amittere. Videatur de his Nolletus sermone quarto. Constat similiter ex odoribus, quos electrificata corpora effundunt undique, ut observarunt Hauksbee, du Fay, & Schilling, quique, ut Nolletus censet, in causa sunt cur canes, avesque acuti odoratus electrificationem pati non possint.

Corollarium Primum.

Efluxus, ætheris cum sit copiosior circa angulosas, & acutas partes catenæ, quibus colligitur; solutæ etiam, abreptæque aliæ electrificatorum corporum particulæ ad easdem partes majori in copia deferri debent. Et quia motum perturbatissimum, ac celerissimum fluidi, cui innatant, communem habent, in alium ætherem circumambientem debent agere aliquo modo, breves illas, reciprocasque vibrationes excitare undique, ex quibus lucis sensus habeatur. En unde ortum suum habeant irradiationes, quas circa acutas, & angulosas catenæ partes conspiciamus.

Corollarium Secundum.

Aliis in locis minori effluxu facto sensibilis lux non habebitur, nisi maxima sit electricitas: Quo in casu electrificatos homines, & infantes potissimum, in tenebris circumspendescere observavit Cl. Bose. In disruptione electrificationum corporum perinde est: Tum enim plura separari debent ramenta, quæ motum ætheris sequantur, & lucis aliquem sensum imprimant. Hinc est, quod vehementiori electrificatione contracti globi ipso fractionis momento lucent: Quodque cum ex cylindro, vesica suilla, & madida obfecto, atque electrificatæ machinæ imposito, paulatim aërem extraxisset Bose usque ad vesicæ disruptionem, ter, aut quater igneum lumen conspexit vesicam magnitudine exæquans, ac deinde fere duodecies lucem aliam debiliorem.

Corollarium Tertium.

Poterit etiam Solari luce lux aliqua circa catenam quandoque haberi. Radii enim Solis in superficies electrica-

ficatorum corporum illabendo tremorem aliquem ætheri accumulato imprimant, eum scilicet, quo vibrantes filamentorum lucidorum particulae in longum solent excurrere, & qui licet exiguus sit, maxima tamen electricitate collectum ætherem, atque innatantia ætheri alia corpuscula agitare insensibiliter poterit, & eas stellulas exhibere, quas aliquando observavit Bose. Nihilominus quia radiis utcumque lente, aut speculo ustorio exceptis, accumulatio ætheris non habetur, sed solum motuum vibratoriorum ad unicum foci punctum conspiratio, ut supra explicatum est; luce electricitas non augebitur. Notavit id secunda epistola Franklinius.

PROPOSITIO VIII.

Efluxus ætheris, aliarumque solutarum partium augebitur corpore aliquo communicatione electricabili exterius catenæ admoto: Contra impeditur admoto corpore ex origine electrico.

Primum facile ostenditur. Nam si æther undique accumulatus, &, ne fluat libere, textura, & dispositione
cir-

circumpositotum corporum satis cohibitus, proximum aliud corpus, inveniet, quod facilius pervadere, & in quo undique possit recipi, ad eum ex propinquioribus catenæ locis, ac remotioribus, quæ omnia, per primam propositionem, communicare debent inter se invicem, adveniet. Ideo est, quod admoto eodem corpore intensior odor spargitur, flores, qui expansi erant contrahuntur, & in catena debilior undique electricitas relinquitur:

Alterum etiam colligitur ex eadem prima propositione. Cum enim corpora ex origine electrica, intima partium textura, & meatuum distributione, exterius delato ætheri liberiores aditum præcludant; ubi etiam acutis iis, atque angulosis catenæ partibus accedant propius, advenientes particulas morari debent, & quasi a se repellere.

Corollarium Primum.

Igitur, qua ratione per coroll. 1, prop. 7, circa angulosas catenæ partes habetur lux, eadem haberi debet quo-
cum-

cumque corpore communicatione electricabili ubicumque catenæ admoto ad eam distantiam, in qua interiectus aër ab elabente æthere possit trajici. Imminuta distantia, auctoque efluxu ætheris, eousque augeri poterit ejus vis, ut innatantes, agitatæque minimæ particulæ dum vibrationis motum circumambienti ætheri communicant, impellant aërem, ac sonum edant. Hoc modo minima corpora, quæ subito incenduntur, impellunt aërem, & crepitant. Eadem phænomena in machina, afluente undique per prop. 6, exteriori æthere, haberi debent.

Corollarium Secundum.

Si, quæ admoventur corpora electricabilia, maxime etiam inflammabilia sint, incenduntur: Quod in spiritu vini contingit passim, & calescente adhuc extinctæ lampadis ellychnio. Hoc etiam modo Cl. Ludolf accendit liquorem æthereum Frobenii: Reinhard, & Winckler quintam essentiam vegetabilem: Grelate, & Hano alcohol vini purum. Videatur de inflammabilitate liquorum Watson in litteris ad Societatem regiam Londin-

dinentem datis. Qua vero ratione aptiores accensioni particulæ incendi possunt, eadem etiam fundentur quæ aptiores fusioni sunt, ex gr. metallicæ, ac subtilissimæ bracteolæ. Omnino autem, metalla undique ætheri pervia cum sint, electricitate melius, quam communi igne fundentur ipsæ bracteolæ: Quod experientix apprimè est consonum.

Corollarium Tertium.

Flammæ etiam, cum undequaque obstantem aërem dilatent, pellant, & ad certam distantiam cohibeant, admotæ propius efluxum ætheris copiosorem, ac vividiores facient. Ideo salienti, & electricatæ aquæ admotæ flamma aquæ divisio, quæ ex electricitate oritur, deficit, amplioresque transflammam, & ad majorem distantiam scintillæ e catena educuntur. Pariter si duorum corporum majus sit intervallum, quam ut ab uno ad alterum electricitas traduci possit, candelæ flamma interposita trajicitur: Quemadmodum ferunt nota Cl. du Fay, Waitz, Jallebert &c. experimenta. Porro in hoc ætheris, & in-

natan-

natantium particularum a catena ad flammam afluxu, ætherem alium, admixtasque particulas, in quas impingit, scilicet flammam ipsam juxta sui motus directionem debet impellere: Ut, si catenæ electricatæ extremo illi, quod magis a globo distat, flamma admoveatur, æthereo vento cedat, & veluti in aëreo accidit, ad partem oppositam deflectatur. Crassiorum corpusculorum catenæ objectorum alia erit ratio, ut videbimus.

PROPOSITIO IX.

Si planum corpus acutæ alicui catenæ parti admoveatur conus lucidus, si planæ acutum stellula electrica habebitur. Eadem phænomena in machina inverso ordine prodibunt.

In primis adversus Waitzium ostendi potest efluxum materiæ electricæ copiosorem futurum fore plano aliquo corpore admoto acutæ catenæ parti, quam planæ. Sit planæ electricatæ catenæ pars AMR, fig. 4, & planum corpus *ar*. Ad puncta singula *a*, *b*, *c*, &c. nonnisi ab objectis punctis A, B, C, &c. illabetur æther, qui in poris singulis, ac parallellis lineis AF, BN,

BN, CO, &c. distribuitur. Contra, si acutæ, & conicæ alicui parti MFN, fig. 5, idem corpus admotum sit, ad punctum extremum F accurrent undique per 8. prop. particulæ omnes in poris, ac lineis singulis FA, FB, &c. ad eandem distantiam dispositæ, ac juxta concepti motus directionem delatæ ulterius obversum conum, & per coroll. 1, ejusdem propositionis lucidum exhibebunt.

Deinde si acutum corpus HLP, fig. 6., parti alicui planæ AD, fiat propius, illico ex puncto N, quod cuspidi respondet, affluet materia electrica. Ex punctis circumpositis M, & R. materię affluxus tanto fiet minor, quanto major evadet distantia a puncto P. Itaque conus MPR, qui eodem affluxu gignitur, non nisi circa axem NP erit lucidus, & præ illo, qui ex acutis, angulosisque catenæ partibus effunditur, satis exiguus. Idcirco stellulæ electricæ vocabulo a priori discernitur.

Omnia inverso ordine in machina, & contraria ratione debere fieri ex jam dictis consequitur, & potissimum ex sexta propositione: Quod cum Cl. Beccaria experimentis habitis omnino
con-

consentaneum deprehenderit, suam, & nostram, & Franklinianam positivæ, negativæque electricitatis sententiam confirmat maxime.

Corollarium Primum.

Coni electrici, & lucidi figura variari poterit acuto aliquo, aut convexo corpore RT; fig. 7, communicatione electricabili, digito ex gr., ipsius planæ sectioni admoto. Cum enim per interiorem substantiam corporis æthereus vapor propagari facilius possit, & per ærem difficilior, ad proximè objectas partes R, & T copiosior affluxus fiet, latitudo lucis coarctabitur, & conus truncatus lucidus ERTC emerget, priori FCE, obversus.

Corollarium Secundum.

Stellula electrica in majoribus objecti corporis distantis circa apicem P, fig. 6, sensibilis fieri incipiet, ubi scilicet radii omnes MP, & RP convergunt. Hoc ipsum est, quod Nolletus cum observasset, putavit lucem non a catena electricata, sed ab admoto corpore profluere. At patet, quod

quod supra diximus in coroll. 1, prop. 6, vaporem electricum a locis, in quibus deficit, ad alia, in quibus redundat, afluerere non posse. Eadem est ratio obversi, & truncati coni ERTC, fig. 7.

PROPOSITIO X.

Si corpusculum aliquod sphæricum, & communicatione electricabile, electricatæ catenæ accedat, primo illud instanti temporis in æquilibrio esse debet.

Esto corpusculum sphæricum PQT, fig. 8, & DB pars catenæ, ex cujus singulis punctis D, M &c. secundum lineas DF, MP, &c. emergat æther. Qui in anteriorem sphæræ superficiem incidit, eandem, cum ex origine non sit electrica, subire debet, & vim aliquam subeundo, juxta directionem motus concepti, imprimere. Qui vero circa sphæram delatus undique in lineis AQ, BV &c. motum suum in directum profecutus esset, si nullo existente corpore, quod ætherem intercepter, ultra corpus relictæ spatia æthere æqualiter fuissent plena: expandet se se per lineas IN, FO, & refluet veluti ad latera, impingendoque

doque in posticam superficiem, cum directione motus ad superficiem ipsam obliqua, vim vi priori contrariam imprimet. Dico has duas vires inter se invicem primo æquales esse.

Quod ut facilius demonstretur, & brevius etiam comparentur inter se vires, ob datam sphæræ exiguitatem, intelligamus lineas omnes DF , MP . parallelas esse, eandem esse elasticitatem, densitatemque ætheris in locis omnibus, p , n , Q , quinimo densitatem strati QV manere adhuc, dum motum suum prosequendo in strata ei , NI transit, ac dilatatur. Hoc posito si constans ætheris densitas vocetur A , velocitas, quæ progreditur, sit V , & factò $CR = Cr$, punctorum N , & n ducantur tangentes Nb , nq , atque in radios CN , Cn productos demittantur perpendiculara xv , yz . erit vis tota ætheris in puncto $n = AV$. Resolvatur ipsa in duas alias secundum yz , zn . Prima, cum sit tangenti parallella, in sphæram nullo modo aget: Altera vero secundum Cn impressa erit $= \frac{AV \cdot Cr}{Cn}$, atque hac in duas a-

lias rursus juxta nr , & Cr divisa, quarum una ex vi contraria puncti o eliditur,

ditur, secunda juxta directionem parallelam axi supererit, ac fiet =

$\frac{AV \cdot Cr.^2}{Cn^2}$ & vis tota, quæ in punctis

singulis circuli, cujus radius est rn ,

sphæram promovet erit = $p \frac{AV \cdot Cr.^2 \cdot rn}{Cn^2}$

posito quod radius sit ad peripheriam ut 1: p.

Quod si lineæ FI *fi* sint sibi parallelæ, & proximæ, erit velocitas, quæ ex latere NI dilatatur æther, interim dum spatio li in directum promove-
tur = $\frac{V \cdot Nx}{ex} = \frac{V \cdot RC}{RN}$, & vis secun-

dum directionem radii NC. sphæræ impressa = $\frac{AV \cdot RC}{NC}$, vis, quæ secun-

dum directionem axi parallelam inde oritur = $\frac{AVRC^2}{NC}$, & vis tota, & con-

similis per totum circulum radii RN exercita = $p \frac{AV \cdot RC.^2 \cdot RN}{NC^2}$. Primo igitur

instanti temporis, quo sphæra nostra electricatæ catenæ objicitur, vires, quæ in quovis circulo, totoque anteriori Aemisphærio ad progressum

imprimentur, iis æquales erunt, quæ in Æmisphærio posteriori ad regressum imprimentur, & sphæra manebit in æquilibrio.

Corollarium Primum.

Deinde vero, communicatione electricabilis cum sit sphæra, pervadi ab æthere, atque eo maxime, qui ex anteriori parte directe, ac primo illabitur, debet imbibiri. Hoc ipso ex eadem parte æther residuus fiet rarior. Quoniam itaque qui ultra sphæram relinquitur ex circumpositis locis ad medium usque nequit excurrere, quin refluat, & reflectatur undique, & succedentem alium retardando, vim, ac densitatem ætheris ex posteriori parte augeat; prævalebunt jam demum vires, quæ ad accessum imprimuntur, & sphæra catenam versus attrahetur.

Corollarium Secundum.

Idem in alio quolibet corpusculo, ex origine non electrico, debet contingere, quod cujuscunque figuræ sit, in omnibus superficiei punctis impellatur primum æqualiter, tum rarefacto

DE CAUSSA ELECTRIC. 99

Ad æthere ex anteriori parte, & recurrente, addensatoque ex posteriori, majores ad accessum, quam ad recessum adipiscatur vires necesse est. Imo contingere id ipsum poterit in aliis etiam ex origine electricis, quæ minima cum sint, aditum aliquem præbeant ætheri, licet majora, quæ ex ipsis coalescunt corpora penetrare ulterius ætherem non permittant. Ita etiam crassiora opaca corpora minutatim secta transmittunt vibrationes ætheris, & fiunt pellucida.

Corollarium Tertium.

Quodsi si alia majora corpora ex origine non electrica intelligamus ex minimis iis corpusculis coalescere, spatium liberum, quod unicuique interjicitur, præ corpusculi magnitudine satis esse amplum, omnia cingi undique, impellique ab æthere; de singulis valebit, quod dictum est, & , nisi major materiæ pondus impediat, totum corpus attrahetur. Hinc factum est, quod cum Hauskbejus ex centro globi vitrei plura alligasset fila libere omnino pendentia, & alia extra globum rursus hic illic suspendisset,

globo electrificato animadvertit, & quæ interius, & quæ exterius erant, fila erigi singula ad confectam vitri superficiem perpendiculariter. Hinc etiam oriuntur reliqua attractionum, electricarum phaenomena. Nos præcipua singillatim, ac distincte evolvemus.

PROPOSITIO XI.

Si corpusculum propius electrificatæ catenæ admotum, ut dictum est, cum corporibus aliis communicatione electrificabilibus communicet, a catena constanter attrahetur.

Obtinet casus iste in filis humidis, quorum unum AC ex catena, fig. 9, verticaliter pendeat, atque electrificetur, alterum DO parallellum, & manu propius admotum sit. In hoc casu dum æthere admotum filum replebitur, rarefiet qui utrisque medius supererit, & directionem verticalem relinquent ambo, atque in locum AC, DO abibunt. Quia vero filum DO novum ætherem semper a catena elabentem manui communicat; in eodem semper manebit electrificationis statu, neque ulla erit ratio, qua ab altero recedat filo, nisi aut catenæ ele-

DE CAUSSA ELECTRIC. 101

electricitas non sit constans, aut aliud a latere accedat corpus F communicatione electrificabile, quod ætherem intercipiat, & filum a filo dividat. Valet id ipsum de corpusculis omnibus electrificabilibus, & cum aliis ejusdem generis communicantibus.

Corollarium.

Idem est casus aureæ, & quadratæ bracteolæ, quæ infra catenam electrificatam a Cl. le Cat suspensa est verticaliter, supposita ad datam distantiam tabula metallica, in quam æther redundans transfundebatur. Attentionem meretur experimentum, utpote quod Hausenium, Waitz, Kratzestein, aliosque satis refellit, qui materiam electricam in vortices, ac spiras agi censuerunt. Plane si is esset motus materiæ electricæ, bracteolam auream lateraliter impelli, & a quiete sua deturbari necessum esset. Simili experimento Wilson bracteam argenteam duas inter tabulas metallicas, quarum una electrificata erat, suspendit. Unde non video cur Watson materiæ affluentis & effluentis theoriam experimento eodem confirmaverit.

PROPOSITIO XII.

Si vero minimum, & catenæ admodum corpusculum cum corporibus aliis communicatione electrificabilibus non communicet, attrahetur a catena primum, tum repelletur.

Id locum habet in globulo P ex subere, fig. 10, filo serico, et probe sicco BP prope catenam AM suspeso. Abducetur de more globulus in locum C. Tum, quia non poterit in filum sericum successive illabentem, ætherem refundere, replebitur citius, & novi semper a catena advenientis, & in intermediis locis accumulati vi, & actione superata reactione alterius ex parte postica recurrentis, refluentisque repelletur ad locum N. Ibi si aliud corpus D communicatione electrificabile propius inveniatur, cui intus suscepti ætheris portionem aliquam impertiatur; alteri rursus præbere locum, & ad catenam reverti poterit sublato corpore electrificabili non nisi tardius ad catenam redibit globulus. Postquam scilicet ambienti aëri, & progressum electricitatis, ut dictum fuit; remanenti

ranti, communicata portione ætheris antea imbibiti, a catena novum excipiet. Similis est casus bracteolarum infra catenam ascendentium, aut descendendum superius, quousque demum qui ipsas inter, materia electrica refertas, & electrificatam catenam, accumulatur successive æther, gravitatem superet, & vim ad recessum imprimat. Consule hacce in re Muschenbroekium cap. 17. Physicæ, & Hæuskbæjum in Monumentis Parisiensis Academiæ anni 1733.

Corollarium Primum.

Ex his colligitur, quare corpuscula catenæ leviter adhærentia, fursur farina &c. concepta jam electricitate repellantur undique, recedant fila a se invicem, aqua saliens in plures, subtilioresque guttulas dividatur, & spiritus vini, aut aqua catenæ affusa dissipetur deinde in pluviam imperceptibilem, ac tenuissimam. Hæc vero, quæ certissimis experimentis detecta sunt, & ex theoria nostra manifeste consequuntur phænomena, satis refellunt Keillium, Hambergerum, aliosque, qui ex at-

tractione effluviorum electricorum ori-
ri electricitatem arbitrabantur. Cum
enim, juxta trigesimum Keillii theo-
rema, multo magis conferta sint eslu-
via in minoribus ab emittente corpore
distantiis, quam in majoribus; corpus
leve versus densiora effluvia semper ur-
gebitur donec tandem corpori emittenti
effluvia adhareat, hoc est constanter
attrahetur, nec attractionem unquam
repulsio excipiet.

Corollarium Secundum.

Constat insuper, quod si limatura
ferri, aliisque hujusmodi pulveribus
conspargatur similiter catena, post
electricationem pulveres avolare o-
mnes debent, saltem qui sunt crassio-
res. Neque enim in systemate hoc no-
stro expectandum est ut disperdantur,
quod volebat Nolletus, singuli, &
usque ad ultimum, cum neque ex pun-
ctis omnibus electricatæ catenæ efflu-
ere possit æther, neque ex unoquoque
poro ea vi efluere, qua sensibilibus
pulvisculum impellendo finitum mo-
tum, ac repulsionem gignat. Id adeo
verum est, ut, si superstites huc il-
lac pulveres colligantur, ad ultimum
usque

usque avolent. Minime igitur contra nos facit, quod afluenti, efluentique materiæ patrocinandæ addiderat Nolletus.

Corollarium Tertium.

Attractiones eædem, repulsionisque etiam in machina habebuntur. Accedent quippe ad se invicem fila humida, dum ab eo, quod manu appenditur, ad aliud, quod machinæ annexum est, transibit æther, atque interim in intermediis locis rarefiet. Globulus etiam suberis, dum machinæ suppeditabit portionem aliquam contenti ætheris, trahetur, atque oscillabitur. Oscillationes fortiores erunt catenæ, & machinæ interposito pendulo. Pariter magis sibi invicem accedent fila, si eorum unum pendeat ex machina, alterum ex catena, unum videlicet defectu, & excessu alterum sit electricum, majorque habeatur conceptæ electricitatis differentia. Universim, quia quanto major in corporibus minimis est eadem differentia, tanto major efluxus ætheris ab uno ad alterum debet fieri; majori etiam cum vi primum corpus ab efluente æthere deferetur secundum

dum versus, & secundum adveniente æthere imbibitum, dum, qui ex anteriori parte supererit, rarefiet, simulque refluet, atque accumulabitur, qui ad posteriorem partem perveniet, deferetur ad primum corpus. Ita ex nostris principiis eruetur aliud Beccariæ theorema: *Quod scilicet corpora omnia versus se invicem tendant viribus differentiae electricitatis proportionalibus.*

Corollarium Quartum,

Quare si bina corpora aut negativam, aut positivam electricitatem participant, sed diversam, unum scilicet majorem, & minorem alterum, electricitatis differentia ad se accedent. Si a vitro ex gr. unum corpus electricitatem recipiat, & a resinis alterum, quæ ob dissimilem componentium partium texturam, & aptitudinem ad vibrandum, concipiendæ electricitati minus sunt aptæ; in corporibus singulis ea habebitur motuum diversitas, quam primus in Galliisprehendit D. Du Fay. Nimirum corpus electricitate vitrea jam imbibitum a vitro cum repellatur, accedere debet

bet corpori resinosa, ac propterea
diversæ electricitatis. Et vice versa
hoc corpus resinosa electricitate præ-
ditum ab aliis sui generis repelli, &
attrahi ab eo debet, quod electrici-
tatem vitream participat.

Corollarium Quintum.

Quod si demum eidem corpori da-
ta ratione electricato ad eandem
distantiam diversa alia admoveantur
corpuscula, quæ diversimode excipi-
endæ electricitati idonea sint, ea tra-
hentur, repellenturque citius, ac va-
lidius, quæ validiorem electricitatem
imbibent. Id experientiæ esse conso-
num animavertit Cl. Du Tour. Ego
etiam cum, in eadem a catena di-
stantia, duobus filis sericis, ac probe
siccis, chartæ inauratæ frustulum, &
subtilissimam, ac rectangularem talci
bracteolam suspendissem, observavi ci-
tissime attrahi chartam, & tacta vix
catena repelli longius. At, verò tal-
ci bracteola non nisi tardius accede-
bat catenæ, nec nisi elapsis aliquot
post contactum secundis lente repel-
lebatur.

PRO-

PROPOSITIO XIII.

Admoto digito, aut alia parte humani corporis electrificatæ catenæ, aut machinæ, punctiōnis sensus habebitur.

Quo enim modo electrificatæ catenæ admoto aliquo corpore, quod communicatione electrificari possit, catenam versus abducitur per Coroll. 3, prop. 10, admovendo aliquam partem humani corporis, quod est similiter electrificabile, extensa nervi papillula ADB, fig. 11, abducetur, distraheturque in locum ACB. Ubi igitur intensitas vis electricæ, & catenæ distantia ea erit, qua extensi nervi distractio fiat sensibilis; sensibilis quoque habebitur partis admotæ punctio, quæ nihil plane est aliud, quam sensibilis nervæ papillulæ distractio.

Eadem prope machinam, & contrariam ob causam fient. Erumpente enim undique æthere ex parte D. versus machinam, nervi papillula AB in ACB transibit, accedendoque ad machinam inflexa, simili punctiōnis sensu afficietur.

Corollarium Primum.

Hæc causa est, propter quam e longinquo admota electricatæ catenæ manu ea experitur sensatio, quæ incidendo in araneorum telas haberetur. Imminuta distantia, & aucta electricitatis intensitate, posse per totum digitum, qui admovetur, & maxime circa juncturas, in quibus major periostii, & nervorum delicatissimorum est copia, punctiorem percipi, & accurrente undique sanguine intumescere, & rubicundas exterius maculas relinqui, rei medicæ, & anatomicæ periti facile intelligent.

Corollarium Secundum.

Augebitur adhuc eadem sensatio, si, quæ catenæ, aut machinæ accedit corporis humani pars læsis fibris, & jam habitorum vulnere cicatricibus sit debilior: Ut mirum videri amplius non debeat juvenem illum a D. Teske electricatum,educta scintilla ex eo brachio, quo antea annis duodecim laboraverat, tantum dolorem percepisse. In volucris etiam,
atque

atque alijs delicatioribus animalculis electricitas sensibiliores effectus edet. Successive eductis scintillis dirumpi sanguinea vasa, & interire animalcula compertum est.

PROPOSITIO XIV.

Si interior phialæ vitreæ superficies filo metallico, & electrificato, ut moris est, admoveatur, excessu, & positive electrificabitur. Exterior interim superficies negative, & defectu electrica evadet.

Dum phiala vitrea, quæ Mercurio, aqua, globulis plumbeis sit referta, unco ferreo de more appenditur, & catenæ electrificatæ admovetur, æther ex unco in globulos, aquam, Mercurium illabens in interiori phialæ superficie accumulari debet. Idem ex eo eruitur, quod aqua, quæ phialam replet, aliquando, ubi validior sit electricitas, lucida in tenebris conspicitur. Quodque si aut filo ferreo, aut aqua utcumque adhærente interior eadem superficies communicet cum exteriori, unde æther aliunde effundi, & disperdi possit experimentum omne evadit nullum. Super-

DE CAUSSA ELECTRIC. III

perest igitur ut probemus, quod licet intus accumulatus æther cum exteriori superficie non communicet, agit tamen tali ratione in vitrum, ut ab exteriori superficie repellatur tantundem ætheris, quantum accumulatur in interiori, adeoque interior positive, & excessu, exterior autem detectu, & negative electrica evadat. Id quinto experimento a nobis præmisso ostenditur. Etenim si quæ planis superficiei exterioris partibus admoventur acuta corpora lucidum conum videndum præbent, & si quæ corpora acuta, & communicatione electricabilia externæ superficiei adnexa sint, admota iisdem plana stellulam electricam exhibent. Et contra si quæ acutis, electricabilibus, adnexis que superficiei internæ corporibus admoventur plana conum lucidum, quæ acuta planis stellulam reddunt. Hæc in interna superficie sicuti in catena, positivam electricitatem, produnt, negativam vero in externa, sicuti in machina.

Corollarium.

Si ex analogia, & similitudine effe-

fectum liceret aliquid de causſæ ſimilitudine ſuſpicari, & conſpicere; ex his omnibus deduci poſſet accumulatum interius ætherem ita in vitrum, quod juxta dicta minime permeat, agere, ut vibratorios motus excitet. Plane vibrationibus tremulis, ac breviffimis vitri, & aliorum origine electricorum corporum ætherem pelli undique, propoſitione tertia demonſtratum a nobis eſt. Cum itaque accumulato in cōcava ſuperficie vitri æthere a ſuperficie convexa alius pellatur, vibratorios in vitro motus ille æther excitare debet, quibus cum æther in vitro contentus projici nequaquam poſſit a concava ſuperficie, in qua accumulatus, & ſucceſſive a catena adveniēſ ſuperest, ab exteriori, & convexa, cui nullum impedimentum imminet, projiciatur.

PROPOSITIO XV.

Iſdem poſitis dico, quod ſi qui homines ſe tangant, & dum primus ſcintillam ex electrificata catena educit, ultimus convexitatem phialæ manu teneat; eo ipſo tempore excuſſio habebitur per viam breviffimam, quæ
a lo-

a loco scintillæeductæ ad vitri convexitatem intercedit.

Cum enim æther in exteriori superficie phialæ deficiat ea proportionē, qua in interiori accumulatur,educta scintilla, late per digitum, ac primum hominem, & quoscunque alios contiguos a catena debet excurrere ad usque ultimum, & convexam phialæ superficiem, in qua quantitas, & vis ætheris est minima. Hoc suo excursu delicatissimas nervorum partes impellat, distrahat, ac concutiat materia electrica necesse est. Quia vero, licet per totum humanum corpus communicatione electrificabile materia eadem diffundi possit, ad superficiem tamen convexam, & exteriorem phialæ, in qua respective deficit, excursus fortior multo, ac copiosior haberi debet, sensibilior etiam concussio per viam brevissimam debet esse, quæ a loco scintillæeductæ ad vitri convexitatem intercedit, ac transit per partes singulas, quibus homines se se contingunt, ut, si homines manibus se teneant, a manu ad manum, si unus unum manu, alterum pede tangat, ictus a manu ad pedem transeat. Si phialæ Magica Franklinii

tabula substituat, perinde erit.

Corollarium Primum.

Hinc si amplior tubus ferreus, quod præstitit Musschenbroekius, catenæ loco accipiatur, aut alio quocumque modo magis in phiala accumuletur æther, ut factum Nolletus est, qui progressui materiæ electricæ obstantem aërem e phiala eduxerat; non per rectam eam brevissimam dumtaxat, sed etiam per totum corpus concussio validissima habebitur. Ubi impetus, ac vis ætheris sit minor, non nisi per viam brevissimam fiet sensibilis, & potissimum iis in locis, in quibus major periosii, & nervorum delicatissimorum est copia, juncturis scilicet manus, pedis, aut brachii. Quia vero instanti temporis contingunt omnia, perinde erit, ac vix intererit, quod corporibus origine electricis incumbant homines, aut non.

Corollarium Secundum.

Eadem phænomena ex machina, & contraria ratione obtineri poterunt. Si enim filum metallicum, cui phiala

la vitrea admoveatur, pendeat ex machina, & negative electrificetur; in interiori superficie deficiet æther, in exteriori vero accumulabitur. Idcirco lucis phænomena in interiori superficie ea habentur, quæ suspensæ ex catena filo habebantur in exteriori, & vicissim. In hoc igitur casu materia electrica a convexitate vitri, & humanis corporibus excurret ad partes machinæ, ex quibus scintilla educitur, & ad concavam phialæ superficiem, in qua respective adhuc deficit. Si phiala admoveatur machinæ, & scintilla ex catena educatur, aut vice versa, nulli sensibiles ictus haberi poterunt, uti liquet experimento, & ex nostra etiam theoria satis colligitur.

PROPOSITIO XVI..

Ignis produci in vacuo, & conservari diutius cum vix possit lux, & electrici motus omnes adhuc habebuntur.

Sublato enim crassiori aëre, qui particulas corporum suis in locis singulas contineat, statim ac radiis solaribus ustorio speculo collectis, aut a-

alio artificio aliquo solvi incipiunt particulæ ex viribus primo impressis huc illuc avolant, nec divisioni ulterius, & ad certum usque terminum subjiuntur, quo subtilissimi, concitatissimique ætheris intestinum motum participant. At quando immisso interius filo metallico, & electrificato, aut exterius frictione adhibita reciprocis vibrationibus vitrei recipientis, in vacuum æther copiosius traducitur, secum is defert tenuissimas a vitro, aut filo, electrificatisque aliis corporibus solutas, abrasque, particulas, & jam redactas ad eum gradum subtilitatis, quo progressivum ætheris motum sequendo corpuscula objecta agitent, attrahant, aut repellant, & perturbatum insuper, atque intestinum motum participando agant in ætherem circumpositum, & minimas eas excitent, ac rectilineas vibrationes, ex quibus habeatur lux. Poterunt igitur haberi in vacuo motus omnes, & lux electrica, licet excitari ignis nequaquam possit.

Deinde particulæ eadem a corporibus aliis abrasæ, minimæ magnitudinis cum sint, vi sola perturbatissimi,

mi, & cum æthere communis motus prohiberi in vacuo poterunt, ne cito excidant. At verò fere omnium ignium terrestrium particulæ crassiores sunt, quam ut contra insitam gravitatis vim sustineantur adhuc in vacuo. Decident ergo, educendo aërem, ad locum infimum, & ignis omnis in machina Pneumatica extinguetur. Subtilissimæ aliæ nonnullæ flammæ, quæ ex salibus volatilibus, & sublimato sulphure coalescunt, ob ipsam partium subtilitatem, in vacuo etiam, recipiente, solius aëris residui vi, & intestino motu ætheris conservari debent. Eadem pariter, & una est ratio lucis, & motuum omnium electricorum.

Corollarium.

Eadem origo erit phosphori Mercurialis, & Bernoulliani. Mercurio enim de more excusso, & confricata interna tubi vitrei superficie, tremor ille, ac vibratio partium orietur, ex qua æther, & cum ipso æthere subtiliores aliæ particulæ progressivo, & perturbato motu abreptæ in vacuum tubi partem deferantur, & circa medium afluentes copiosius tenuem lu-

cem illam exhibeant, quam frustra, ut notavit Bernoullius, ex suis principiis derivare conati sunt, qui in jugi effluvio corpusculorum tenuissimorum lucem consistere voluerunt. Totius phænomeni enodatio ex theoria nostra tam certo fluit, ut etiam intelligatur, quod Cl. Ludolfus expertus fuit, barometrum aucta frictione electrificari.

PROPOSITIO XVII.

Promptior etiam in vacuo, atque intensior fiet electricitas.

Aërem progressivo ætheris motui, & electricitatis propagationi impedimento esse sæpius observavimus. Certum est insuper, quod licet embolii repetitis agitationibus non educatur omnis, sit tamen minor, & rarior in recipiente Antliæ Pneumaticæ aer residuus. Liberius itaque hoc ipso ab electrificatis corporibus æther in vacuo efluat, vividiorumque lucem, & promptiores motus, ac validiores exhibebit. Quod experientiæ apprimè conforme est. Ut enim cap. 3. Theoriæ electricæ adnotavit Cl. Kratzelein, eadem corpuscula in libero,

bero, ac pleno aëre debilius, & in vacuo fortius trahuntur, ac repelluntur. Pariter qui ex acutis partibus catenæ in recipiente machinæ Pneumaticæ educto aëre prodeunt coni lucidi, longiores sunt, minus divergentes, ac magis nitidi: Et sphaeræ vitreæ, quæ confricando electrificantur, interius, si vacuæ sint, lucent. Vide Desaguillierium in Dissertatione, quæ a Burdigalensi Academia præmium consecuta est, & Bose in Commentario quarto.

Corollarium.

Hæc omnia, quæ institutis experimentis mirum in modum consonant, & ex theoria nostra satis facile deducuntur, evertunt prorsus Mangini, Bannacarii, Watlon, Boullanger, Faure, aliorumque hypotheses, planèque ostendunt electricorum phænomenorum causam non esse aërem. Nam si elasticitate sua, aut vibrationibus conceptis, aut alio quocumque modo electricitati excitandæ, propagandæque aër conduceret, proculdubio elasticitate, ac densitate aëris imminuta languesceret pari passu, ac

deficeret electricitas : Quod potius contra est.

PROPOSITIO XVIII.

In procellosis nubibus ea naturaliter signa electrica habentur, quæ in corporibus electricis artificialiter haberi solent.

In primis motus electricis motibus omnino similes in iisdem nubibusprehenduntur. Cum enim, quæ non nisi aquam deferunt, lente, & tranquille admodum progrediantur, expandanturque uniformiter; cæteræ, quæ grandines, quæ turbines, fulgurque devehunt, ex improvise veluti appareant, impingunt versus se invicem, & post impactum resiliunt, reflexionesque, ac motus hosce reciprocant : Nec antea motus iidem desinunt, quam conjungantur simul, & unum nubes corpus electricum componant. Corpore aliquo electrico inter duo tintinnabula suspensoperinde est. Sicuti etiam aliis corporibus electricata corpora accedunt propius, ad montium latera, & vertices se deferunt nubes ipsæ, atque ibidem aglomeratæ procellas plures majores.

joresque exhibent. Demum si prope virgam aliquam ferream pice, aut aliis corporibus ex origine electricis circumdatam nubes transeant, electricitatem virgæ communicant, ut tacta scintillas edat, minima corpuscula attrahat, ac repellat &c. Huc redeunt celeberrima experimenta, quæ Pensilvaniæ in America a Franklinio antea instituta sunt, tum verò in Europa nostra Londini, Lutetiæ Parisiorum, Angustæ Taurinorum, Bononiæ, atque imprimis Petropoli recognita. Iis sunt analogæ, quæ circa ignes summitatem mali lambentes jam diu nautæ observaverant, quæque de facibus hastas ferreas. Pucinx turris procella aliqua jam imminente illustrantibus nuper in lucem edidit Blanchinus.

Corollarium Primum.

Admoto acuto, aut plano corpore virgæ illi ferreæ, qua parte acuta, aut plana est, dignosci poterit virgæ, & nubium electricitas. Animadvertit autem Beccaria, quod aliquando ex acutis partibus conum lucidum, aliquando stellulam reddebat virga, atque

que hac quidem constanti lege, quod si acutum corpus planiori virgæ ejusdem parti accedendo educebat conum; corpus planum parti acutæ admotum exhiberet stellulam, & vice versa. Experimenta hacce in re nonnulla habuit die 28, 29, 31 Junii, & die 16 Augusti anni 1752. Ea vero indicant virgam ferream, & propius transeuntes nubes aliquando excessu, & defectu aliquando electrificari, & similia esse prorsus artificialis, ac naturalis electricitatis phænomena.

Corollarium Secundum.

Inde etiam colligitur subtilissimi, rarissimi quæ ætheris æquilibrium in liberrimis nostræ Atmosphæræ partibus sæpe sæpius turbari, æthereos ventos æreis similes ibi excitari, & nubes, quæ ex aqueis partibus, communicatione electrificabilibus coalescunt, aliquando æthere magis imbui, ut in catena, aliquando, ut in machina, magis destitui. Et quo modo positiva, & negativa electricitate differunt aliquando inter se nubes, poterant etiam variis electricitatis ejusdem gradibus differre: Sicuti in iis corporibus,

bus, quæ ex resina, aut ex vitro electricam virtutem imbibunt, artificialiter contingere observavimus in Coroll. 4, prop. 12. Id aliis insuper enodandis Phænomenis recludet aditum

PROPOSITIO XIX.

Scintillæ electricæ, & fulminis analogia ea est, quæ minimam inter, ac maximam electricitatem potest haberi arctissima.

Tacta enim catena electrica, quæ educitur scintilla, inflamat corpora inflammabilia: Et simili modo fulmen, quæ invadit combustibilia corpora, in fumum, ac cineres resolvit. Scintilla evaporationem corporum juvat, satis sensibilem odorem spargit, fundit tenuissimas auri, & aliorum metallorum partes: Et fulmen etiam liquores in vase contentos dissipat, odorem pro conditione temporum, & locorum varium post se relinquit, &, quæ subit, metalla solvit, dissipat, absomit. Ex scintilla occiduntur volucres, & ex fulmine intereunt homines, atque in hominibus fulmine ictis intèrius eadem signa deprehenduntur, quæ in volucribus

bus scintilla electrica percussis. Elegantissimas hacce in re observationes Cl. Wanswieten D. Bammacari per litteras communicavit. Serpentinam directionem fulminis explicabimus, si intelligamus prope nubem electricam vaporum electrificabilium massas diversas esse. Hac eadem ratione si supra ceræ discum metallici plures globuli, sibi invicem proximi collocentur, ut lineæ centra omnia conjungentes serpentinam veluti constituent, & quo tempore primus globulus admoveatur catenæ, ultimus digito tangatur, scintilla ab uno ad alterum, per viam brevissimam excurrat. Sed hæc etiam proprietas viam brevissimam eligendi in eo Musschenbrœkii experimento, quod Lugduni Batavorum dicitur, notata est. Eandem si percipiamus in cælesti electricitate habere locum, mirum amplius non videbitur, quod quædam corpora pervadat fulmen aliis propioribus relictis, enssem solvat ex. gr. vagina intacta, oculos feriat non læso reliquo corpore &c. Fulminis itaque, & scintillæ electricæ nulla alia est diversitas, nisi quam Scholastici veteres dixissent secundum magis, & minus.

Co-

Corollarium Primum.

Itaque fulmen spectari poterit, quasi scintilla, quæ ex electricis nubibus educitur, tanto quidem majori impetu, ac vi, quanto cælestis, ac naturalis electricitas artificiali, ac terrestri validior est. Si electricorum ignium vires voluminibus proportionales esse admittamus, quoniam scintilla, cujus diameter apparens sit lineæ unius, vitreum tubum frangit, intelligemus tres illos globos, quorum in Monumentis Parisiensis Academiæ anni 1719, meminisse des Landes, & qui apparentem diametrum exhibebant linearum 504, singuli, habuisse vim 128034064, majorem, eam scilicet, qua potuerint domos disjicere, lapides propellere &c. Idem cum proportionem valet in aliis casibus.

Corollarium Secundum.

Si reliqua etiam, quæ artificialiter haberi solent, longe majori vi in liberrimis nostræ Atmosphæræ spatiis fieri statuamus, aliorum plurium phænomenorum causam assignabimus. Sic quoniam ex angulosæ electricitatis catenæ partibus satis ampli lucidi con-

emer-

emergunt, ex nubibus aliquando ea poterit lux educi, quæ ad plures gradus extendatur, & totum cælum videatur occupare. Vis, qua in se invicem impingent nubes, & qui ex impactu oritur fragor, & tonitru tanto excedet fragorem scintillæ electricæ, quanto major est nubium sibi occurrentium extensio, & vaporum, exhalationumque, quibus coalescunt, elasticitas.

PROPOSITIO XX.

Grandinis etiam, Tubæ marinæ, & Auroræ Borealis phænomena sunt iis analogæ, quæ artificiali electricismo exhiberi solent.

Post electrificationem enim gutta aquæ sal tritum attrahit, atque inde firmitatem aliquam adipiscitur, Beccaria observante de naturali electricitate cap. 2. Si in procellosis nubibus longe majori cum proportionem idem fieri intelligamus, rationem sufficientem habebimus, propterquam maximam salium, nitrorumque circum per Atmosphæram dispositorum copiam trahere ad se nubes possint, & eorum accessione in glaciem, & in grandinem amplioris etiam magnitudinis abire.

Pa-

Pariter si ex virgæ ferreæ, & electrificatæ extremo suspensa pendeat aquæ guttula, & in distantia unius pollicis vas aqua plenum inferius admoveatur, assurgit aliquantulum aqua, quæ inferius in vase est, gutta, quæ pendet, oblungatur, editur scintilla, & strepitus. En marinæ tubæ, ac Tiphonis simillimam imaginem, prout nobis Tiphones descripserunt Thevenotius, Shaw, Stuart, Gordon, & Rischardson. Hæc ergo omnia phænomena, licet prima fronte a se invicem maxime dissita, validissimæ electricitatis speciem, atque indolem præseferunt.

Denique variationes lucis, jactus, spectacula, quæ Aurora Borealis exhibet, iis sunt similia, quæ artificialis electricitas in vacuo Boyliano prodit. Quoniam superius probatum fuit, ubicumque locorum diffundi ætheream, atque electricam materiem, & centum etiam, sive bis centum leucis supra terrestrem superficiem adhuc aliquis aer rarissimus esse debet, adeoque minoris ponderis videri possunt primum, atque alterum ex quinque iis argumentis, quæ Cl. Mairan in eximio opere, ac celeberrimo de Aurora-

rora Boreali huic hypothefi oppofuit; pauca alia ad rem noſtram ſufficient: Primo aërem, & quæ aëri immiſceri ſolent, particulas hetherogeneas in Terram, Solem, ac Lunam graves, & circa terram diurno motu revolutas, fluere, & refluere perpetuo, iisque in locis, quibus ad perpendicularum inſiſtunt Luminaria, elevari primum, tum Luminariis progredientibus ab Æquatore ad Polos decurrere, atque ibidem in novum aërem, ac particulas impingere: Deinde ipſas particulas in locis adeo diverſis diverſimode imbui materia ætherea, & diverſum electricitatis gradum præſeferre: Tertio particulas in ſe impingentes, & electricitatis gradu diſſimiles electrica ſigna omnia dare oportere. Primum analogia noſtrorum marium colligitur, & univerſalis, ac mutæ gravitatis legibus directe oſtendi poteſt. Alterum ſatis probabile, & corollario ſecundo' propoſitionis decimæ octavæ conforme eſt. Tertium ex his duobus, & ex jam dictis conſequitur.

Corollarium.

Cum aër hyberno tempore in regionibus Borealibus ſit denſior, & ex-

citandis electricitatis phænomenis magis aptus, Aurora etiam Borealis conspicietur frequentius hyberno tempore, & quando terra in Perihelio orbitæ suæ est. Ita tertium, & quartum Mairani argumentum solvitur. Quinto satis occurritur varietate, & dissimilitudine particularum in se invicem impingentium, impactuque exhibentium varia columnarum, arcuum, coronarum &c. phænomena. De his consulat Lector Franklinium, & Beccariam. Nos enim omnia conjectando proponimus, non ut aliorum Philosophorum, & Mairani potissimum systema refellamus, sed ut præclaros naturæ indagatores ad naturalis electricitatis vires penitus investigandas excitemus. Porro, cum observante Musschenbroekio ad auras Boreales reducantur ignes veterum, Dracones volantes, Capræ saltantes, virgæ, trabes, vasa, antra &c. de his etiam eadem valebunt cum proportionem. Singula in superioribus nostræ Atmosphæræ partibus cum fiant, sine ullo sensibili strepitu, ac fragore habebuntur.

Scholium.


Quod si jam demum omnia licet simul colligere, ac finem facere: Fluidum subtilissimum ubicumque locorum diffundi evicimus, atque ex ipsius natura, & motu totam, & integram, theoriam electricam derivavimus, discrimen corporum ex origine, & communicatione electricorum, excitationem, propagationem, accumulationemque, ac defectum electricitatis, lucem electricam, crepitum, attractionem, repulsionem, punctiorem, concussionemque. Aliorum etiam hypotheses refutavimus, qui aut materiam affluentem, efluentemque ex eodem loco confixerunt, aut vaporem electricum vorticoso, & spirali motu agi censuerunt, aut attractionem partium, aut aërem pro explicandis electricitatis phænomenis in subsidium advocarunt. Quæ aut ipsi deprehendimus, aut observarunt alii phænomena pro virili parte enodavimus, nec dubitamus quin, si adhuc supersunt aliqua, ea Lector optimus, & ingeniosus facili admodum negotio possit suo Marte ex principiis antecedenti-

DE CAUSSA ELECTRIC. 131

dentibus deducere. Quæ de Phlogisto Chymico, & metallicarum pulverum reversione ediderat: Beccaria consulto non memoravimus. Neque enim institutis a nobis sæpius experimentis conformia visa sunt. Reticuimus insuper, quæ a Carnutensi Philosopho conficta sunt, &, quod nonnulli asseruerunt, odores ex vitris clausis, & confricatione electricis diffundi exterius: Contrarium enim experti sunt Venetiis Blanchinus, Augustæ Taurinorum Garus; Iallebertus Gebennæ, Lutetiæ Parisiorum Nolletus, Londini Watson, Wittembergæ Bose &c. Præterea quædam omisimus non adhuc satis rata, & constantia, ut quod Lutetiæ Parisiorum a Cl. Iallebert institutum, & a Nolletto postmodum vario cum exitu repetitum experimentum est: Quodque a D. Gray, Du Fay, & Wheler incerte habitum in Monumentis Regiæ Parisiensis Scientiarum Academiæ anni 1737, recensetur.



LAURENTII BERAUD S. I.
IN COLLEGIO LUGDUNENSI
IN GALLIA
MATHEMATUM PROFESSORIS,
SOCIETATIS REGIÆ
EJUSDEM URBIS SOCII,
ACADEMIÆ REGIÆ SCIENTIARUM
PARISIENSIS, UT AJUNT,
CORRESPONDENTIS
T H E O R I A
ELECTRICITATIS.




135

T H E O R I A
E L E C T R I C I T A T I S.

*Difficile æstimamus, quæ in terra sunt,
& quæ in prospectu sunt, invenimus
cum labore*

Sap. C. IX.



Quid sit materia electrica, quo motu vires suas exerceat, quis certo definire auit? rem tamen aggreddior, non quidem ductus spe nodum inexplicabilem solvendi, sed saltem quæstionem tantis obvolutam tenebris aliquantulum illustrandi. Totum hoc opus tres partes complectetur: in prima de materia electrica & corpore electrico; in secunda de electricitate in corpore electrico excitata, & de eadem corpori minime electrico communicata, differemus; in tertia denique ex Theoria colligemus rationes, quibus phænomena electrica videntur nobis posse explicari.

PARS PRIMA.

DE MATERIA ELECTRICA ET DE
CORPORE ELECTRICO.

Cap. I.

DE MATERIA ELECTRICA

I.

A Nimo phænomena electrica attente consideranti occurret procul dubio, quod materia, quæ illa edit, fluidum sit ubique disseminatum, cum nullum sit corpus, in quo non reperiatur; subtilissimum, nam corpora aëri impervia penetrat; elatere quasi immenso donatum, idque evincunt celerrima illius propagatio, subitæ & vehementes commotiones, scintillarum crepitus &c. Fluidum illud aliquando sese offert sub specie ignis, aliquando etiam sese exhibet proprietatibus igneis omnino spoliatum, cum, instar flatus inconspicui, metallorum particulas provocat ad itum & reditum, pulverem disseminatum dispergit, liquorem subiectum agitât, & auri fragmen-

mentum in aëre suspensum detinet : sequitur ergo, quod fluidum electricum vel sit ignis, vel saltem ignis principium magis activum.

2. Seli ætheri, de quo agit celeberrimus *Newton* in suis quæstionibus Opticis, conveniunt proprietates supra recensitæ: nam æther solidorum replet angustissimos poros, compactiora & aëri in pervia facillime permeat, liquorum fluiditatis causa est, eamque nutrit, in animalibus spiritus animales & in plantis succum nutritivum circumvehit; denique lumen, ope ætheris, tanquam vehiculi, sese diffundit. Quantum sit elasticus æther *Newtonianus* nec verbo dicere, nec mente possumus concipere. *Verum, unde materia ætherea vim tantam habet sese expandendi? non a se ipsa, cum omnis materia ex se sit iners: neque unquam materiæ illius quantumvis subtilissimæ elaterium animo attingemus, quamdiu in ea nihil aliud præter materiam percipiemus. Confugiamus ergo ad vortices, quales *Mallebranche*, *Bernoulli*, & *De Molieres* excogitaverunt, concipiamusque materiam ætheream divisam in vortices tenuissimos & numero prope infinitos, quæ

quorum partes minutissimæ & durissimæ circa centrum circulanter gyran-
tes vim ingentem a centro recedendi
acquirunt. Ecce ætheris elaterii cau-
sa Mechànica. Vires centrifugæ, jux-
ta Theoriam virium centralium, cres-
cunt in ratione inversa quadratorum
radiorum; cum ergo radii vorticulo-
rum, ut ita dicam, ætheres sint ma-
xime exigui, ita exigui, ut nulla ra-
tione ducimur eorum parvitati limi-
tes definiendi: inde fit, ut vires cen-
trifugæ illarum partium gyantium,
& consequenter ætheris elaterium in
immensum augeatur. Si ergo, aër suo
elatore tot stupenda phænomena pro-
creat, quanto mirabiliora edet æther
longe magis elasticus.

3. Neque id principiis *Newtonianis*
adversatur: Licet enim *Newton* Me-
chanicam hanc elaterii ætheris con-
structionem expressis verbis non des-
cripserit, eam tamen supposuisse vide-
tur, uti ingeniose demonstravit *D. De*
Mairan (a), secus qualitatem occultam
Peripateticorum in suam *Physicam*,
intromisisset, quod quam sit ab ipsi-
us

(a) *Dissertation. sur la glace prefacc.*
pag. 27.

us mente alienum, nemo ignorat. Neque assentior quibusdam Physicis, qui *Newtonis* mentem interpretari gloriantes, cœlorum immensa spatia omni omnino materia arbitrantur spoliata (a). Ait equidem *Newton*: Spatia cœlestia, per quæ globi planetarum & cometarum in omnes partes liberrime & absque omni motus diminutione sensibili perpetuo moventur, fluido omni corporeo destituuntur: sed continuo his addit, si forte vapores tenuissimos & trajectos *Lucis* radios excipias. Quid sunt autem illi vapores, quid illi radii? nisi vorticuli ætheris, qui propter suam insensibilem resistantiam corporis nomen non merentur, quasi *Newton* corpus tantum appellaret materiam, quæ motui sensibilibiter resistit. Quam resistantiam insensibilem existimabat *Newton*, hac tamen recens observarunt Astronomi (b). Nam DD. *De la Caille* & *Euler*, plurimis inter se collatis terræ revolutionibus, invenerunt, periodicam terræ revolutionem citius

(a) *Phil. Natural. princ. Math. Prop.* 40, L. 2. (b) *Memoires de l'Ac. Roi. des Sc. de Paris* 1750. pag. 167.

citius fieri, quam sæculis retro elapsis, & *D. Euler* probare aggressus est, hanc motus accelerationem ab ætheris resistentia oriri [a].

4. Ignis non est elementum, materia simplex & homogœnea: nunc mihi fingo ignem cum eruditissimo *D. Euler*, tanquam bullularum acervum, quæ vi ingenti compressæ nituntur sese undequaque expandere, quarum una si vi minima frangatur, protinus omnes contiguæ pariter cum explosione disrumpuntur. Ingeniosæ quidem illæ hypotheses: sed explicam potius, quid ignis operetur, quam quo modo agat; id tamen inquirimus. Probabilior igitur mihi videtur sententia auctoris, qui existimat, ignem aëre mixtum ex particulis salinis, sulphureis, aëriisque conflatum, quæ a se invicem disjunctæ perniciosissimo vorticis motu a materia ætherea contorquantur. Juxta hanc sententiam (b), quam lubens amplector, omnis flamma est ignis & omnis ignis est inflammatio, scilicet intestina partium ignearum fermenta-

(a) *Opuscules* pag. 137. (b) *Pieces qui ont remporté le prix de l'Académie* ect. 1738, pag. 23.

mentatio, quam sequitur earundem explosio.

5. *Æther* ergo, seu materia electrica, non est ignis, sed est id, quo fit, & excitatur ignis, a quo pendet tota vis illius elastica. Mirum igitur videri non debet, si materia electrica aliquando tanquam ignis emicet, & alias nulla ignis proprietate affulgeat, quamdiu vorticuli materiæ æthereæ seu electricæ inter se & cum repagulis, quæ eorum distentionem impediunt, in æquilibrio extant, quies naturæ non interruptitur, sed si quacumque causa vis eorum centrifuga augeatur, tum facti superiores repagula dirumpunt, vi magna sese explicant, subitaque explusione phænomena edunt electrica.

Cap. II.

DE CORPORE EX SE ELECTRICO.

I.

EXperientia docuit Physicos, omnia corpora in duas classes distribui; quarum prior corpora ex se, & altera, corpora per participationem

nem electrica continet. Corpus electricum vocamus illud, quod affictu agitatum vim electricitatis exerit, nimirum corpora levia & circumposita motu alterno attractionis & repulsus commovet. Corpus vero per participationem electricum illud dicitur, in quo vis electrica excitari nequit, nisi per communicationem, ob contactum vel viciniam corporis electrici actu vim electricitatis exercentis. In priori, vis electrica est quasi insita & innata, & in altero est adventitia. Unde hæc in utroque corpore oritur diversitas? Hoc præcipue & sapienter postulat Illustrissima Academia Petropolitana.

2. Virtus, qua pollet corpus ex se electricum, electricitatem producendi a duobus pendet, a dispositione, materiæ coelestis intra ipsius poros discurrentis, & ab elasticitate ejusdem corporis fibrarum. Quænam est ergo dispositio Mechanica materiæ æthereæ, quæ poros replet corporis electrici? Ut huic quæstioni satisfaciam, cum omnibus Phycis suppono in corporibus duo genera pororum, quorum alii sunt angustissimi & alii patentiores & capaciores. Pori angusti adi-

aditum præbent soli materiæ subtilissimæ & tenuissimæ, qualis est æther, seu materia electrica. Pori vero ampliores, præter materiam ætheream, recipiunt insuper aërem & alia fluida crassiora in aëre disseminata. Hanc hypothesin experimenta confirmant: nam vitrum est lumini pervium & aëri impervium. Effluvia tum magnetica, tum electrica, hinc & inde fluunt per meatus compactiorum corporum, qualia sunt aurum, argentum, & alia metalla, & iidem meatus fluidis minus subtilibus transitum denegant. Illa ergo corpora poris angustissimis seu porulis perforantur. Nec minus certum est, quod inter moleculas sensiles illorum corporum plurima interjaceant spatia fluidis crassioribus referta: nam DD. *Boyle* & *Hales* experimentis comprobarunt, ex durioribus & compactioribus corporibus aërem extrahi & alia fluida in aëre volitantia. Verum hæc fluida in interstitiis supra dictis quasi in cavernis undique conclusis ita sunt constricta & concatenata, ut non possint hinc & inde transmeare, neque cum fluidis homogeneis extra ambientibus ullam habere continuitatem.

3. Illud alterum mihi supponere, liceat, quod inter corpora terrestria, quæcumque sint, sive ad genus animale, sive ad plantarum & mineralium genera pertineant, alia sunt, quorum partes solidæ ob suam configurationem & texturam ita associantur & compinguntur; ut inter eas plurimi ex iis porulis seu canaliculis angustissimis, quos supra descripsi reperiantur; ex amplioribus autem vel paucissimis, vel fere nulli: alia e contra, quæ plurimos habent ex poris spatiosis, & ex porulis vel paucissimos, vel fere nullos. Hanc alteram hypothesim infra experimentis consolidabimus. Sed prius animadvertendum est, quod circa hanc pororum diversitatem nihil omnino definit diversa corporum gravitas specifica. Fieri enim potest, ut aurum, vitro specificè gravius, plures ex poris patentioribus habeat, quam vitrum, quia tum multitudo porulorum vitri potest compensare, & etiam superare, majorem pororum auri capacitatem: ita ut spatium propria materia vacuum sit majus in vitro, quam in auro, & sub eodem volumine vitrum minus materiæ propriæ habeat, quam
au-

aurum, & consequenter auro fit specificè levius.

4. Hæc pororum diversitas diversam materiæ æthereæ in iis delitescens dispositionem inducit. Etenim si agatur de iis corporibus, quæ plurimis perforantur porulis, certo constat, quod cum illi canaliculi liberum soli materiæ æthereæ ingressum offerant, necesse est, ut vorticuli ejusdem materiæ in eos sponte confluant ob vim suam expansivam, tanquam in medium minus resistens & sibi solis accommodatum: sed hæc materia tales porulos sibi soli attemperatos subire nequit, quin sese expediat, & quasi per filtrationem expurget, ab omnibus aliis crassioribus fluidis, in quibus prius constringebatur. Occupant ergo illa angustissima spatia vorticuli tenuissimi materiæ cœlestis, sed nunc ab omni materia heterogenea, expurgati & defœcati medium componunt homogeneum; sibi invicem contigui & in se invicem æqua vi contra nitentes, inter se & cum materia exteriori repellente, retinent æquilibrium: verum ab omni impedimento expediti, ubi primum quacunque causa novam adipiscuntur celerita-

tatem, disrupto æquilibrio, protinus sese explicabunt, & subita sua distentione stupenda edent miracula. Nunc autem, si sermo sit de aliis corporibus, quæ poris abundant spatiosis, non minus certum est, quod materia æthereæ, quæ ampliora replet illa interstitia, non sit pura, simplex, homogenea, sed commixta sit cum aliis fluidis minus subtilibus, quibus meatus patentiores facilem referant auditum: ita ut vorticali ætherei intra hæc fluida retardati & impediti vim suam expansionis in se invicem non tam exercent, quam in repagula, quæ ipsos constringunt: unde ad motum sunt multo minus liberi & expediti. Atqui hoc est primum discrimen, quod inter corpus ex se electricum, & corpus per participationem tantum electricum, interesse judicamus. Corpus, cui insita est vis electrica, ob suos porulos maxime contractos, materiam ætheream continet puram, homogeneam & ad motum distentionis paratissimam: in corpore autem minime electrico hæc eadem materia ob impedimenta, quæ occurrunt, est quasi tarda & otiosa; idque accurata inquisitione circa naturam

ram utriusque corporis facile comprobabimus.

5. Inter corpora, in quibus primitiva & innata electricitas detecta est, numerantur vitra, lapides perlucidi, succinum, electrum, sulphura, pices, resinae &c., & in genere animalium ferica quaecumque & pili; hæc autem corpora poris abundare angustis, qui materiæ ætheræ turbulibus facili aditum præbeant, & aliis fluidis crassioribus denegent, probabile est. Nam cum vitrum ex substantiis terrestribus & salinis vi ignis liquatis & maxime attenuatis coalescat, verosimile mihi videtur, quod materia æthereæ, cum partibus igneis turbulato motu commota, & intra moleculas materiæ fusæ discurrens, innumeros sibi aperiat tramites: sed dum tota hæc massa vitrea ex clibanoeducta aëri exteriori permittitur, ubi materia celestis minus habet celeritatis & elaterii, necesse est, ob leges æquilibrii, ut turbines ejusdem materiæ ex meatibus vitri liquati protinus avolent, & in medium minus resistens effugiant præcipites: unde tum partes salinæ sibi invicem proportionatæ aëris exterioris frigore constringuntur, & ita

coarctantur, ut residua interstitia folli materiæ subtilissimæ pareant.

6. Globus vitreus, manu, vel panno, in loco obscuro perfricatus, totus repente lumine perfunditur. In eodem loco extremitas cuspidalis lacrymæ Batavicæ frangatur, lacryma, cum frangore comminuitur, & in disruptione vividum lucis radium vibrat: utrumque hoc lumen ab eodem fonte verisimiliter emanat. Unde ergo radius luminis in confractiōe lacrymæ emissus? nisi a prompta & vivida explosiōe materiæ æthereæ puræ & simplicis, quæ prius intra lacrymæ fibrillas latitabat. Qua arte Hydrargyrum in Barometro, vel in ampulla vitrea, inclusum redditur luminosum? Quis ignorat, id fieri, cum pars extrema Barometri, vel ampullæ interiora, aëre crasso & aliis fluidis in aëre disseminatis ita igne purgantur, ut materia ætherea superstes partibus heterogeneis defecata purior sit & ad motum promptior. Idque ita verum est, ut si aëris bullula in partem supremam Barometri, vel in capacitatem ampullæ, casu quocunque irreat, tum Hydrargyrum inclusum desinit esse lumini producendo aptum;

ptum; inde colligere possumus, globum vitreum electricum non fieri & lucis edendæ capacem, nisi quia ipsius poros occupat æther homogeneus & a fluidis aëriis liber, quæ ipsius motum retardarent.

7. Ad hæc accedit, quod vitri per-
luciditas, juxta communio-
rentiam, nascatur a multitudine pro-
pe infinita ejus canaliculorum, per
quos cœlestis materia vehiculum lu-
minis, facillime transeat; quod ra-
dius luminis ex aëre in vitrum trans-
missus frangatur per accessum ad per-
pendicularem, quia in poris vitri mul-
to pauciora occurrunt impedimenta,
& in iis liberius, quam in aëre, mo-
vetur eadem materia.

8. Hæc etiam de aliis corporibus
ex se electricis, nimirum materiis sul-
phureis & resinosis, proportionem qua-
dam servata, dici possunt. Etenim,
juxta observationem *D. Newton* in
sua Optica (a), illæ materiæ vi re-
fringente pollent ter quaterve majore,
quam ratio earum densitatis po-
stulat. Unde ergo resinæ & sulphura

K 3

vim

[a] *Traité d'Optique* L. 11, part. 3.
pag. 322.

vim refringentem tam validam fortiuntur, nisi a liberrimo motu, quod turbines materiæ coelestis intra eorum meatus coarctatos oscillant. Hanc autem materiam intra poros sulphurum & resinarum pervagantem puram esse & a fluidis aëriis expurgatam, colligimus ex experimentis *D. Boyle*, quæ refert in sua *Physica experimentalis* *D. Cotes* (a). His enim innotescit ex sulphure, succino, camphora &c. nullum aërem educi, & *D. Hales* in sua *Statica vegetantium* plurimis factis expertus est, quod sulphura inflammata aërem non generent, sed potius eum exsugant: corpus ergo electricum, quodcumque sit, sive vitrum, sive sulphur, aut resina & cera, ob contractionem suorum pororum intra moleculas suas non recipit, nisi materiam ætheream, simplicem, & fluidis aëreis parum intermixtam.

- 9. Corporis, in quo naturalis se prodit electricitas, altera proprietas in eo sita esse nobis videtur, quod partes suas tenuissimas & insensiles habeat rigidas, flexiles, maxime elasti-

CAS, y

[a] *Lects de Phys. Exper. pag. 350.*

cas, parum intertextas, ad motum, denique tremulum vibrationis promptas & faciles: talem autem esse partium internarum corporis electrici mechanicam dispositionem, inde coniicimus, quod corpora omnia electrica, vitrum, resinae, sulphura, sint friabilia, in minutissimum pulverem comminui possint, facile confringentur, sed sine asperitate in parte fracta, ita ut ejus levitas liquido declaret, partes internas corporis fracti non esse inter se implicitas. Vim electricam omnino pendere ab hac partium corporis electrici rigiditate & elaterio, convincimur, quia ceræ, resinae, sulphura, ad electricitatem exercendam non sunt idonea, nisi cum extant in statu soliditatis & duritiei, eorumque partes rigiditate & elasticitate requisita donantur. Sed ubi primum hæc corpora calore mollescent, partiumque internarum rigiditas & elaterium debilitatur, tum virtute electrica penitus destituuntur. Inde ceræ nunquam frictione tantam & tam vividam electricitatem adipisci possunt, quam succinum & sulphur, quia hæc vehementiorem affricum sustinent, quin mollescant, eorumque

partes sua rigiditate & elasticitate spolientur. Inde etiam vitrum vi sua electrica superat quæcumque alia corpora, quia præterquam quod innumeris perforatur porulis tenuissimis, etiam coagmentatur particulis minime intertextis, rigidioribus & vividiori elaterio donatis, adeoque ad promptiores & frequentiores vibrationes per affricum acquirendas magis dispositis.

Cap. III.

DE CORPORE PER PARTICIPATIONEM ELECTRICO.

I.

Corpora, quæ primitivam & insitam electricitatem non habent, sed eam per communicationem recipere possunt, proprietatibus, quæ corpus ex se electricum constituunt, scilicet pororum angustia & partium elasticitate, omnino destituuntur. Corpora hæc ad tria genera referri possunt, fluida, animalia & metalla. De fluidis primum constat, quod eorum molecule a se invicem disjunctæ largos

gos aperiant meatus, quos aër & fluida aërea facile subeunt. Nec multum a fluidis distant animalium corpora viventia, quæ ex innumeris vasculis tubulisque coagmentantur, per quos diversa fluunt liquida; ipsorumque integumentum, cutis, sexcentis conspicitur pertusa foraminibus, quibus varii erumpunt liquores.

2. Aurum metallis aliis gravius est & compactius, habet tamen poros, quos facile penetrat Hydrargyrum: ejusdemque massa innumeros offert trames proportionatos aquæ regali, qua partibus ejus integrantibus a se invicem separatis penitus dissolvitur. Id etiam præstant circa alia metalla aqua stygialis, spiritus salis marini, spiritus nitri; dum iisdem acidis liquoribus vitra, ceræ, sulphura, resina omnem præcludunt aditum. Juxta observationes *D. Hales*, metalla magna aëris copia abundant, & per dissolutiones Chymicas inventum est, eadem coalescere ex plurimis partibus salinis, sulphureis & terrestribus: inde ratio eruitur cur in metallis, calor ignis facilius, quam in aliis corporibus, diffundatur: nam si vectis, vel ferrei, vel cuprei, vel ex alio quo-

quocumque metallo, extremitas una igne calefiat, protinus calor ad alteram extremitatem prorepit, quem persentiscit manus vestræ applicata: id autem nec in tubo vitreo, nec in bacillo ligneo, experimur. Inde etiam explicatur, cur metalla tam expedite liquefiant: nam partes sulphuræ cum salibus permixtæ, in interioribus metallorum igne inflammantur, & in majus volumen expansæ, moleculas eorum concutiunt & disjungunt; unde metallum primum mollescit, & deinde liquefcit. Probabiliter ergo metalla poris perforantur patentioribus, quos diversa fluida occupant: atque ab hac parte a corporibus ex se electricis penitus differunt.

3. Corporum minime electricorum, particulae rigiditate & elasticitate ad electricitatem producendam necessaria privantur: idque internam eorum texturam attente consideranti certo constabit. Et primo quidem, quem fugit, moleculas fluidorum a se invicem dissociatas, omnique motus impressioni dociles, vel nullam, vel minimam rigiditatem & elasticitatem habere? cumque sint frictio-

nis

nis sustinendæ prorsus incapaces, nulla via concipere possunt motum vibrationis tremulum, ex quo erumpunt phænomena electrica: Quo corpus ad naturam fluidi magis accedet, eo etiam magis a dispositionibus ad electricitatem exserendam necessariis recedet. Mirum ergo nemini videri debet, si corpora viva, quæ cum mollioribus & liquidis magnam habent affinitatem, vehementi & continuo affricu agitata, nullum prodant electricitatis signum: scitur enim eorum partes extremas, pellem, carnem, ex fluidis coalescere & fibris parum tensis & minime rigidis.

4. Verum, inquires, de metallis longe alia est ratio: sunt sonora, & consequenter elastica. Quomodo ergo fit, ut lima, malleo, igne etiam, calefacta, & deinde vivido affricu concussa, nullam vim exserant electricitatis? Fateor equidem metallis inesse aliquam elasticitatem, eam scilicet, ex qua editur sonus: sed nihilominus contendo eorum partes insensibiles privari elaterio ad virtutem electricam necessario, prorsusque esse ineptas ad motum vibrationis tremulum concipiendum, unde nascuntur phæ-

phænomena electrica. Ut id elucescat, conferamus metalla cum corporibus electricis, de quibus supra agimus. Qui fit enim, ut metalla non ita facile frangantur, nec contusa in pulverem comminuantur, nec denique sint friabilia, sicuti corpora electrica; e contra vero sint malleo ductilia? nisi quia eorum moleculæ, ad modum texti, inter se ligantur, nec aliæ ab aliis facile dissociantur: cum sint admodum flexiles, mallei concutientis ictibus sine renixu cedunt: deinde vero, quia forti & vivido elaterio privantur, compressæ non resiliunt, sed fixæ permanent in statu compressionis. Quæcumque ergo vi metalla perfricentur, unquam in eis virtus electrica excitabitur, quia tenuissimæ eorum particulæ nimium laxæ & dociles expeditum vibrationis motum recipere nequeunt.

5. Elasticitas, qua corpus constituitur electricum, longe ab elasticitate discrepat, qua corpus sonorum redditur, nec hujus vibrationes cum alterius vibrationibus concordant. Etenim, uti infra dilucidabimus, electricitas nascitur ex vividis & promptis vibrationibus particularum insensibilium.

sensibilem corporis electrici: sonus autem excitatur motu tremulo partium sensibilem corporis sonori: nec video, qua ratione contraria sententia propugnari possit. Si campana pulsatur, sonumque edat, continuo ipsius annuli ex circularibus evadunt elliptici: si malleo percutias incudem, subsultant levia corpora super posita: si fides instrumenti digito vel plectro excitentur, tum itibus & reditibus prompte & frequenter repetitis occupare videtur spatium in figuram Parallelogrammi extensum; si denique labia cyphi digito pressa & propter asperitates successive percussa sonum referant, liquor contentus motu undulato agitatur. Num quid hæc fiunt per communicationem motus tremuli partium insensibilium corporis sonori? Quis audeat dicere, campanam pulsatam in aliam figuram converti per suas partes insensibiles; liquorem in cypho inclusum undare ob agitationem partium insensibilium cyphi? Nonne vel ipso visu, fides instrumenti pulsa deprehenditur tremere secundum totam longitudinem? Nonne campana & incus percussæ vel ipso tactu percipiuntur motu tremulo commotæ?

motæ? Hic ergo motus non partibus, sed, vel toti massæ, vel molecularum textis, est referendus.

6. Esto, sonus exciteretur, uti DD. *Carré, Perrault & de la Hire* demonstrare conati sunt, ex vibrationibus partium insensibilium corporis sonori, attamen inde concludi nequit, easdem moleculas aptas esse ad concipiendum motum tremulum, qui electricitatem prodit. Ut molecula edat sonum, sufficit, ut aërem excitet, cui motum suum tremulum communicat: at, ut sit electrica, necesse est, ut in materiam ætheream possit agere, quæ cum aëre longe sit subtilior, concluditur, quod pars ipsi analoga & proportionata debeat esse exilior, vigidior, magis elastica, quam quæ aërem vibrat sonumque eddit. Fieri ergo potest, ut eadem molecula sit sonora, & non sit electrica, quia aëri impervia, est tamen, unde quaque vorticulis materiæ cœlestis pervia: quia etiam tenuissimæ fibrillæ, ex quibus coalescit, non ea vi rigiditatis & elasticitatis donantur, quæ electricitatem parturit.

7. Principiis supra elucidatis possumus jam circa electricitatem animo effin-

effingere notiones claras, quantum patitur rei difficultas. 1. Corpus electricum appellamus illud, cujus partes insensiles plurimis & angustissimis intercipiuntur canaliculis materia ætherea pura & homogenea refertis, quæ ita sunt rigidæ & elasticæ, ut perfrictu concussæ motum tremulum facile concipiant. 2. Vis electrica, seu causa, ex qua omnia phænomena electrica oriuntur, est eadem illa materia intra poros corporis electrici inclusa, quæ vibrationibus promptis & expeditis ejusdem corporis partium insensilium commota, novam inde celeritatem acquirit. 3. Denique corporis electrici virtutem ad phænomena electrica excitare nihil est aliud, quam perfrictu ejusdem corporis partes insensiles agitare, quæ vibrationes suas materiæ æthereæ sibi contiguæ impertiuntur. Sed hæc prolixiorem expositionem postulant.

PARS SECUNDA.

DE VI ELECTRICA EXCITATA ET
COMMUNICATA.

Cap. I.

QUOMODO IN CORPORE ELE-
CTRICO EXCITETUR VIS
ELECTRICA.

I.

Globus vitreus motu circulari, o-
pe rotæ, celeriter contorquea-
tur. Quid inde fit? commotionem
quidem in aëre circumposito depre-
hendimus, sed nulla emicat electri-
citas. Verum dum globus gyrat, ma-
nu sicca, vel panno, perfricetur,
continuo ex ipsius poris effluit mate-
ria subtilissima, cujus præsentiam te-
stantur impressiones in sensibus factæ,
attractiones & repulsus levium cor-
pusculorum, pluri naque alia phæno-
mena. Quomodo fit, ut materia illa,
quæ, gyrante globo, intra illius po-
ros conclusa, quiescebat, nunc, eo-
dem perfricato, impete prosilit? Quid
ergo

ergo rotationis motui addit affricus?
 In eo totius Theoriæ cardo vertitur.
 Dum globus vitreus continuo & forti affricu raditur, omnes partes illius insensiles vivido motu vibrationis fremunt, motumque suum tremulum ætheri contiguo interiori impertuntur; eo fere modo, quo moleculæ corporis sonori pulsæ eodem moto aërem contiguum commovent, sonumque edunt. Vorticuli ergo materiæ æthereæ interiores ad distentionem expeditissimi, qui prius inter se & cum æthere exteriori æquilibres intra poros corporis latitantes quiescebant, nunc globi particularum vibrationibus concussi, novam celeritatem novamque vim centrifugam adipiscuntur; factique fortiores, rupto æquilibrio, prostratis repagulis, magna vi sese distendunt, forasque erumpunt, longe repellendo renitentem materiam ætheream ambientem. Hanc internam effervescentiam conferre possumus liquori in vase contento, qui vi ignis primo rarefit, deinde ebullit, & tandem exundat. Dum vorticulorum series, quasi radii divergentes foras emissi, fortiter repellunt materiam ætheream ambientem, hæc com-

L

pres-

pressa, adjuvante tota ætheris exterioris massa, quæ æquilibrium affectat, tandem reagit, & vorticulos vibratos suæque distentione debilitatos ad globum rejicit: verum ecce alii ex globo prodeunt vegetiores, sese ad certam distantiam expandentes, qui iterum, vi sua expansionis imminuta, a materia exteriori ad globum repelluntur. Circa globum ergo exæstuat materia æthereæ pulsa & repulsa: in hac actione & reactione sita esse mihi videtur vis electrica: quippe, admissio hoc conflictu, expedite omnia explicantur phænomena electrica.

2. Quo vibrationes corporis promptiores erunt & frequentiores, eo densiora & fortiora prorumpent vorticulorum effluvia, longiusque sese extendent. Inde vitrum sua electricitate vincit omnia alia corpora.

3. Quidquid vel affricus vim debilitat, vel partium insensilium retardat elaterium, id electricitati maximo est impedimento. Igitur quia particulæ aquæ tenuissimique vapores diffusi supra superficiem globi affricum hebetant, officina pororum obstruunt, vibrationesque reddunt molliores & tar-

tardiores: hunc omnis humor aquosus globum vel perfricatum reddit inertem & electricitatis producendæ prorsus incapacem. Sin vero levi calore siccetur, protinus restituitur ipsius virtus, inde etiam, tempore pluvio & æstivo, quando magna vaporum copia gravatur aër, tum vel nulla, vel tarda, est vis electrica. Hac eadem ratione fumi, exhalationes foetidae, mephites opacæ, quæ electricitatis propagationi nihil obstant, impediunt tamen, ne in corpore electrico excitetur.

4. Calor ex se nedum nocet electricitati, sed potius ipsi favet, quia vapores nocivos circumquaque diffusos disjicit, partesque corporis rigidiores & magis elasticas reddit: adeoque plurima sunt corpora, quæ inter electrica infimæ speciei annumerantur, quorum virtus solo affricu animari nequit, sed calore ignis reviviscit. Sin ergo contingat, ut ardente æstate, vel coram adstantium multitudine, hebes sit electricitas, id referendum non est calori aëris, sed potius vaporibus & exhalationibus, quæ globum, vel tubum, inficiunt: sin etiam flamma candelæ cereæ vel sebaceæ, fer-

rum candens, carbonēs accensī, videantur retardare, & aliquando penitus perimere, globi virtutem electricam: id oritur ex vaporibus inde exhalatis; nam omnis ignis est flamma, & omnis inflammatio cum partium corporis inflammati dissipatione conjungitur.

5. Idem globus, qui modico calore ad vim electricam exerendam fit vegetior, si ita igne calefiat, ut ardeat, sua vi electrica spoliatur: Haud secus ac lacryma Batavica, si igne recoquatur, non amplius cum fragore comminuitur, nec abit in pulverem. Hoc autem mihi videtur esse assertionis meæ maximum argumentum. Ignis enim, partes solidas corporis electrici atterendo, vias patentiores sibi aperit, porosque ampliatos substantiis igneis replet, quas, cum materia æthereâ motu turbineo exagitat, minus est ad motum electricum expedita; adde, quod particulae ejusdem corporis, prius elasticæ, nunc igne emollitæ, & quasi dissolutæ, elaterio suo destituuntur, & ad vibrationis motum tardæ fiunt & hebetes: unde nullus est electricitati locus.

6. Cum in excipulo machinæ pneuma-

ma-

maticæ rarefcit aër, materia cœleftis refidua fluidis aëris craffioribus exoneratur, fitque ad motum promptior: unde fi in eodem excipulo corpus electricum perfricetur, vorticuli, qui ex eo emanent, citius a materia ambiente magis ad motum expedita rejiciuntur: hac ratione sphæram activitatis vis electricæ in vacuo non longe diffundi deprehendimus: eadem autem ratione, uti infra exponemus, in eodem vacuo major lucis copia af-fulget.

7. Sicuti molecularum fremitu corporis fonori aliquandiu perfeverante, fonus etiam perfeverat, etiam fi ceffet caufa pulfans: ita quia vibrationes in corpore electrico durant per aliquod temporis intervallum, vis electrica, femel friftione excitata, non subito evanefcit, fed aliquandiu perfeverat, quæ fucceffu temporis paulatim imminuitur.

Cap. II.

DE ELECTRICITATE PER COMMUNICATIONEM ACCEPTA.

1.

A Nimalibus & metallis nulla est electricitas innata, quia eorum partes ampliatis poris interceptiuntur, & eo gradu elaterii privantur, qui ad vibrationes electricas requiritur: sed electricitatem, quam generare non possunt, a corporibus electricis, dum virtutem suam exerunt, possunt recipere. In vicinia globi electrici vectis ferreus, servatis conditionibus necessariis, suspendatur, vel cum eo per fimbriam metallicam communicationem habeat; continuo materiae aetherae ex globi poris vibratae occurrit intra patentiores metalli meatus via faciliior, quam intra poros aeris exterioris, ubi eadem materia est ad repulsum & renixum magis expedita. In amplas igitur metalli cavitates, ubi minor est resistentia, irruit materia ex globo emissa, magna vi concutiens & propellens ejusdem

dem materiæ obvios vorticulos cum fluidis heterogeneis intra poros metalli discurrentes. Hi quidem primum reagent, sed continuè effluviis concussi, tandem fortiori impressioni cedunt, seseque explicant, irrumpentes undequaque per poros metalli, & secum subtiliores sulphurum saliumque particulas, ex quibus coalescit metallum, motu turbineo deferentes. At sicuti vorticulorum radiis ex globo vibratis, ita iisdem ex vecte expulsis, resistit materia exterior ambiens, eosque reactione sua nititur ad vectem repellere. Utrumque hunc motum prædicant plurima phænomena. Ubi primum vectis sit electricitatis particeps, pulvisculum in eo disseminatum subito in aëra dispergitur: ecce materiæ fluxus. Eidem vecti offeratur idem pulvisculum intra digitos pressum, & ad eum repente propellitur: ed eundem liquor suppositus sub specie undæ convexæ videtur viam affectare: ecce repulsus materiæ utriusque percussio & repercussio manifeste se prodit, & murmure levi, quod auditu, & flatu, quem tactu deprehendimus.

2. Cum electricitas derivata, per-

inde ac primaria, in motibus materiæ æthereæ contrariis sita sit, non mirum, si eadem phænomena edat, imo fortior illa & vividior est: dum enim in globo electrico lumen albicans & innoxium affulget, ex angulis vectis prodeunt ignis radii, & ex omnibus poris, digito tentante, emicant scintillæ crepitantes & quasi fulminantes. Rem ita se habere juxta nostram Theoriam, necesse est. Nam ex poris vitri angustissimis emanant tantum vorticulorum radii tenuissimi: ac ex metallo irruunt quasi vorticulorum fluvii, qui ob continuam pressionem magna celeritate sese expandunt. Primariam & electricitatem exercet materia cœlestis subtilissima, fluidis sensibilibus & crassioribus defecata; derivatam autem electricitatem excitat eadem materia, sed substantiis igneis, sulphureis nimirum & salinis particulis, ex interiori metallo eradicatis, onerata.

3. Corpora omnia, quæcumque sint, fluida, vapores aquosi, exhalationes, mephites, quæ corporis electrici vibrationes obtundunt, electricitatemque impediunt, nihilominus tamen derivatam electricitatem recipiunt, ipsi-

ipsiusque propagationi vias aperiunt.

(a) Ad id enim sufficit, ut hæc corpora intra poros suos materiam cœlestem contineant, qua profecto nullum corpus destituitur; Flamma ipsa quid aliud est, quam materia ætherea substantias igneas motu turbineo & cum explosione contorquens? Hæc autem materia impulsioni electricæ facillime obedit, & per eam propagatur electricitas.

4. Electricitatis propagatio in catena ferrea, vel chorda cannabina, non fit per translationem materiæ ab una extremitate catenæ ad aliam, sed, instar luminis, fit per impressionem subitam in materiam contentam intra poros: debet ergo sicuti lumen, quasi in instanti, ad ingentem distantiam diffundi: neque necesse est, ut corpora, per quæ effluit electricitas, sint sibi contigua. Non interrumpitur propagatio, dummodo corpora ita a se distent, ut impulsus materiæ ætheræ ab extremitate unius corporis ad extremitatem alterius possit transferri: hæc autem distantia eo erit major; quo electricitas & vividior

dior erit & promptior.

5. Vorticuli materiæ cœlestis, in interstitiis fluidorum disseminati, dum, electricitate acquisita, concutiuntur, & vi impelluntur, necessario suam celeritatem partibus integrantibus fluidorum impertiuntur, eorumque cursum præcipitant. Hinc, electricitate derivata, fluxus aquæ e tubis capillaribus acceleratur, plantæ celerius germinant, tantoque impetu spiritus animales in nervis effluunt, ut sua vi massas obturantes projiciant, viasque liberiores fluidis vitalibus aperiant. Iidem vorticuli; electricitate communicata exagitati, motu suo tenuissimas corporum particulas avellunt, iisque onerati foras prærumpunt; unde liquores, corpora viva, solida etiam, quibus communicatur electricitas, copiosiori particularum exhalatione, ponderis sui sensibilem partem deperdunt.

6. Utrum electricitas secundum rationem massæ, an juxta proportionem superficierum, sese diffundat, adhuc dubitatur: sed si Theoriam nostram velimus attente perpendere, in promptu erit colligere rationes omnium, quæ circa hanc rem plurimis experi-

men-

mentis detexit ingeniosus & accuratus naturæ scrutator *D. Nollet*. Causa omnium phænomenorum, quæ ab electricitate derivata oriuntur, unice consistit in agitatione & commotione materiæ æthereæ intra poros metalli gyrantis: quo major erit illius materiæ copia, eo causa potentior erit, haud secus ac largus fluvius & aqua turgida, celeritate eadem supposita, fortius agit, quam rivulus decurrens. Sed quo metallum massa majus est, eo etiam æthereæ materia magis abundat, validioris ergo electricitatis recipiendæ capax est. Equidem corpus mole exilius electricitatem citius acquirit, quam mole majus, quia eadem causa citius minorem, quam majorem, materiæ copiam compellit: unde experimento comperit *D. Nollet*, in crassiori corpore & majoris molis lentius, quam in tenuiori, vim electricitatis excitari: sed eadem actione causæ perseverante, major moles majorem adipiscetur electricitatem. Sin vero massæ supponantur eadem, ubi superficies erit amplior, ibi

ibi tradior & debilior erit electricitas, uti expertus est *D. le Monnier* (a), eadem ratione, eua liquidum compulsum celerius fluit, si pauciora, quam si plura ei pateant orificia.

Cap. III.

UTRUM IN CORPUS EX SE ELECTRICUM ALIENA POSSIT DERIVARI ELECTRICITAS.

I.

UT huic quæstioni satisfaciam, duplicem, relate ad phænomena electrica, electricitatem distinguo: alia est prompta & vivida, quæ illustriora prodit phænomena, scintillas nimirum, radiorum fascies, inflammationes, commotiones &c.; alia tardior, qua saltem corpuscula attrahuntur & repelluntur. Existimo autem omnia corpora per se electrica electricitatem secundi generis posse recipere. Idque expertus sum. Videntem translatores electricitatis fune cannabino circumvolvi, ex quo succ-

(a) *Mercure Decembre 1746, pag. 81.*

cessive suspendi tubum vitreum, bacillum sulphuris, ceræ obsignatoriæ, resinæ &c. & hæc omnia corpora, electricitate facta, attractione & repulsu fragmenta auri circumposita agitarunt. Vitrum esse electricitati pervium, plurimis experimentis comprobavit *D. Nollet*: ex quibus unum seligo [a]. Vas vitreum aqua plenum statuatur in ferri lamina, quæ electricitatem excipiat, hæc in aquam continuo diffunditur: materia ergo electrica poros vitri transmeat. Imo vitrum ad excipiendam electricitatem videtur esse magis accomodatum, quam cætera corpora electrica: nam si loco vectis translatoris suspendatur tubus vitreus, electricitate facta, lumen aliquod ejicit, quod non præstant alia corpora, sulphur, resina &c. Eidem tubo electricitate donato admoveatur ampulla phosphorica, hæc subito tota intus affulget. Poros vitri esse electricitati pervios, maxime comprobatur percelebre commotionis experimentum, quæ locum non habet, nisi vas sit vitreum.

2. He-

(a) *Lettres sur l'Electricité, IV. lettre p. 80.*

2. Electricitas propria & electricitas derivata videntur esse in ratione inversa, scilicet quo vividior est in corpore electricitas affricu excitata, eo in eodem corpore hebetior est electricitas per participationem accepta; si tamen vitrum excipias, quod simul, ob rationes infra exponendas, ex se potentio rem electricitate n pro dicit; & majorem adventitiam accipit. Corpora per se electrica secundum vim suæ electricitatis in tres classes possunt distribui. In prima numerantur ea, quæ solo affricu electricitatem generant. Secunda classis continet corpora, quæ ad producendam electricitatem opus habent affricu calore ignis corroborato, tales sunt lapides, ebur, cornu, lignum &c. Tertia denique complectitur corpora viva, & metalla, quæ nulla arte hactenus electricitatem protulere. Si nunc velis eadem corpora distribuere secundum potentiam, qua alienam electricitatem participant, ordinem inverte. Prima classis erit corporum viventium & metallorum, quæ communicatione validissimam seu primi generis electricitatem adipiscuntur: secunda complectetur plantas, lapides,

des, ligna &c. quibus media electricitas communicatur: tertia denique continebit sulphura, ceras, resinas &c. quæ per communicationem infimæ tantum speciei electricitatem accipiunt: huncque ordinem experimento comperies, si ex catena vecti ferro circumvoluta successive appendantur recensita corpora, quæ ad distantias eo majores auri fragmenta attrahent & repellent, quo minus erunt ad electricitatem generandam disposita.

3. Experimentis ergo 1. constat, quod corpora ex se nullo modo electrica sola sint, quæ communicatione electricitatem primi generis possint recipere, idque ex nostra Theoria colligitur: nam vis electricitatis acquisitæ pendet a facilitate, qua materia e globo emissa irrumpit in poros corporis non electrici, vorticulosque in iis contentos comprimit & dilatat, ea autem est in corporibus vivis & metallis textura interna partium, ut amplè interiaceant cavitates, quas occupat materia ætherea substantiis sulphureis & salinis intermixta: unde hæc materia interior minus homogenea, minusque renitens impressioni facile.

cile cedit, vorticulique cum substantiis igneis volutantes velocius per poros exteriores effluunt, ex quibus oriuntur stupenda electricitatis phænomena. Constat 2. quod splendida, seu primi generis, electricitas in corpora ex se electrica conduci nequeat, idque duplici de causa: nimirum ob pororum coarctationem & materiam in iis contentam admodum homogeneam. Ubi primum vortici ex globo projecti per aëra vel interiora vetis metallici discurrent, plurimis ornerant sese fluidis obviis, quibus crassiores & densiores effecti, canaliculos corporis electrici angustissimos eo difficilius subeunt, quo materia interior magis defecata, magisque elastica, fortius eos rejicit. Denique phænomena electricitatis splendidiora non prodeunt a materia simplici, sed ab eadem cum substantiis igneis rotante, quibus corpora ex se electrica prorsus destituuntur. Constat 3. quod corpora ex se electrica possint tamen infimam electricitatem & minus splendidam per participationem accipere. Ad id enim sufficit, ut materia interior levi impulsu commoveatur: necessario autem evenit, quod inter vorticu-

tículos contra superficiem corporis electrici injectos quidam continuitatem reperiunt cum interioribus vorticulis extremitates pororum corporis electrici occupantibus, iisque impetum electricum largiantur. Neque obstat, quod materia hæc interior sit maxime elastica & resistens, quia continua percussione materiæ exterioris pressa tandem aliquantulum cedit, & per poros foras sese explicare cogitur.

4. Pororum angustia, & materia in iis inclusa simplex & homogenea, sunt quasi repagula, quibus in corpus electricum derivatæ electricitati negatur ingressus: sed quo hæc duo sunt in excellentiori gradu, eo corpora ad electricitatem edendam sunt magis accommodata. Electricitas ergo primaria & electricitas secundaria, seu per participationem accepta, sunt in eodem corpore in ratione inversa.

5. Ut in corpus minime electricum conducatur electricitas primi generis, quæ illustriora promat phænomena, necesse est, ut illud corpus cum aliis non electricis nullam habeat conti-

M

gui-

guitatem, sed ab iis vallo electrico omnino sejungatur. Hæc enim phænomena ortum habent tum a subita commotione materiæ ætheræ fluentis intra poros corporis minime electrici, tum ab ejusdem vehementi eruptione. Jam vero, causa commovente eadem supposita, hæc materia interior eo fortius comprimetur, vehementiusque per poros ejaculabitur, quo in minori spatio coarctatur, & e contra eo debilior erit commotio & lentior per poros effluxus, quo eadem materia pressa majus spatium sua expansione poterit occupare. Stet ergo quispiam in tabulato, & in ipsum, ope vectis translatoris, ducatur electricitas: ipsius quidem poros subeunt effluvia electrica, quibus vortici interiores concutiuntur; sed cum iisdem viæ facies & apertæ per poros tabulatorum sese offerant, in eos libere ingrediuntur, suamque commotionem vorticulis dispersis communicant, quæ sic successive in vicinis aliis corporibus distribuitur: unde fit, ut per ejusdem hominis poros materiæ ætheræ effusio sit lentior & tardior, adeoque electricitas fere nulla.

sa. At vero idem homo vallo electrico, nimirum cera, vel resina, vel filis sericis, ab aliis vicinis corporibus segregetur, tum materia interior concussa, cum ipsi per poros corporis electrici facilis non pateat aditus, imo a vorticulis elasticis fortiter repellatur, refluere, & per poros ejusdem hominis sese diffundere, cogitur, haud secus ac flumen angustioribus spatiis coarctatum eo velocius ruit, quo ad egressum pauciores habet vias, indeque electricitas fit potentior.

6. Neque tamen existimes, quod electricitas in corpus ab aliis corporibus minime electricis non disjunctum derivata, omnino evanescat: nam cum materia ætherea in hoc corpore disseminata, vel in hoc casu, aliquam accipiat commotionem, necesse est etiam, ut aliqua se prodat (a) electricitas, quam in quibusdam circumstantiis vegetiorem experti sunt Physici.

7. Electricitatem excitatam totam ad se quispiam distrahet, & in corporibus vicinis disseminabit, non solum

M 2

lum

(a) *Essai sur l'électricité* pag. 204,

lum per tactum corporis, cui datur electricitas, sed etiam si vel digitum deferat intra atmosphæram electricitatis, Verum unde oritur potentia acuminum a *Franklino* tam magnifice celebrata? Licet ea non edant miracula, quæ promiserat ingeniosus auctor, tamen cum ipso foveamus necesse est, corpora in acumen tenuissimum desinentia & citius, & in majori a veste ferreo distantia, ipsius electricitatem exsugere, iisdemque corporibus tardius & difficilius electricitatem communicari. Quæ duo ut exponam, liceat ad conjecturam confugere.

8. Certum est, quod vis impulsiva vorticulorum, qui ex corpore, vel per se, vel per participationem, electrico, disjecti, circa ipsum atmosphæram electricam componunt, eo magis debilitatur, quo a sua origine longius recedunt: unde hæc atmosphæra magis minusve expanditur, prout radii majori vel minori celeritate vibrantur. Præscribamus certas limites huic atmosphærae, eamque ad distantiam duodecim digitorum extendi supponamus. Jam vero cum materia ætherea ex corpore electrico
ejacu-

ejaculata in corpus minime electricum commotionem transfert, primum quidem a vorticulis interius reactionem & resistantiam experiuntur, quam si superare non valeant, electricitas non diffunditur: si ergo corpus crassum & mole potens, in quo, proportionem servata, major est copia materię ætherę, occurret ad distantiam undecim digitorum, scilicet versus limites atmospherę, ubi vis radiorum est languida, & quasi hebetata, fieri potest, ut radii emissi resistantiam, quam in hoc corpore patiuntur, vincere non valeant, ac proinde nullus sit propagationi electricitatis locus. Sed si hujus corporis locum sumat aliud corpus, sed tenue, & in exilissimo acumine terminatum, in quo consequenter minima est materię ætherę quantitas, minimaque resistentia, radii, qui prioris corporis poros ob majorem renixum penetrare non poterant, hujus tamen poros subire poterunt, ubi facilior est ingressus ob minorem resistentiam, & per eos, tanquam per canaliculos, tota effluet electricitas. Hac ratione corpus exile & acutum poterit citius ac remotius, quam aliud:

quodcumque corpus, totam vestis electrici bibere electricitatem. Quod autem idem corpus exile & in acumen desinens electricitatem difficilius acquirat, id fieri probabile est ex eo, quod, uti jam animadvertimus, ubi minor est massa, & major est superficies ratione massæ, ibi electricitas debet esse languidior, & ad illustriora phænomena minus accommodata.

PARS TERTIA.

DE PHÆNOMENIS ELECTRICIS.

UT elucescat, quam recte cum Theoria concordant phænomena, ex iis pauca & præcipua seligam, neque enim fas est, per singula discurrere.

Cap. I.

DE CORPUSCULIS ATTRACTIS ET REPULSIS.

I.

Corpuscula, maxime metallorum fragmenta in manu, vel charta, vel
ta-

tabella, dispersa, atmosphære electricitatis, sive primitiæ, sive derivatæ, admoveantur, protinus vortici ejaculati in poros fragmentorum corporum subjectorum irruunt, materiæque æthereæ in iis discurrenti impetum suum largiuntur, qua communicatione debilitati coguntur ætheri ambienti & materiæ æthereæ corporum vicinorum repellenti obsequi, & versus suam originem, scilicet corpus electricum, cum corpusculis resfluere: neque enim fragmenta possunt mole sua repulsionem retardare; quæ cum vestem electricum tetigere, hocque tactu atmosphæram induerunt electricam, a vorticulis vegetioribus ex veste emissis ad manum vel tabellam rejiciuntur, ubi, electricitate perdita, iterum ad vestem repelluntur: sicque alternatim appulsu & repulsu agitantur. Igitur cum vesti electrico objicitur corpusculum in tabella metallica, vel corpore quocunque minime electrico, positum, primum fit ad vestem appulsus & deinde repulsio: sed si idem corpusculum ex filo serico libere pendeat in ære, a veste primum recedet impulsioni radiorum cedens, & deinde ab æ-

there ambiente ad eundem vestem trudetur.

2. Atmosphæram electricam circa corpuscula expansam juvat observare, cum duo globuli suberei ex veste translatores suspenduntur alligati ad extremitates funis cannabini: ubi enim fit electricitas, & ad globulos pervenit, protinus, qui prius pendebant paralleli, a se invicem eo magis deflectunt, quo potentior est electricitas, & in eo statu perseverant, quamdiu durat electricitas. Quis non videt, in hoc casu utramque atmosphæram sese mutuo repellere, vi, quæ ætheris ambientis renixum, ob continua vorticulorum effluvia, superant?

3. Fragmento auri rejecto ex tubo electrico, suaque induto atmosphæra, apposite ipsi idem tubus objiciatur, ita ut versus altum avolet fragmentum, tunc in aëre vel suspensum hæret, vel tubi obtemperat motui, quia tum vorticuli ex tubo prosilientes vim suam communicatione non deperdunt, ut in casu superiori, sed sua expansione per aliquod temporis interval- lum pendulam fragmenti atmosphæram ipsumque fragmentum sustinent, quod

quod si digito tangatur, subito, amissa sua electricitate, ad tubum ab æthere ambiente repercutitur.

4. Particulæ auri in aëre volitanti alius admoveatur tubus recens perfri-
catus, & cujus vividior sit electrici-
tas, ab eo refugit particula fortiori
impulsiōni obsequens: etenim vorti-
culi ex hoc tubo emissi vi majori pol-
lent, quam vorticiuli ex priore eje-
cti, in quo tum languet fremitus par-
tium insensibilium; econtra vero si
eidem particulæ occurrat ceræ vel
sulphuris bacillus, ad eum confugit
particula, quia effluvia electrica ex
cera vel sulphure debiliore impetu
prodeunt, quam ea, quæ vitrum e-
jaculatur.

5. Particulæ corporum, quæ ad e-
lectricitatem derivatam & secunda-
riam sunt magis proportionata, qua-
lia sunt metalla, attractionibus &
repulsibus videntur velocius & expe-
ditius obtemperare; quia ob mayo-
rem suam densitatem plures partes
solidas offerunt percussioni vorticulo-
rum, qui ex tubo electrico emanant,
& ætheris ambientis repercussioni: tum
quia hæc fragmenta metallica, utpo-
te, ad electricitatem accipiendam ma-
gis

magis idonea, atmosphæram electricam, & densiorem, & magis extensam, acquirunt.

6. Folium auri quadratum, unum duosve digitos longum, vel in piscem desinens, uti excogitavit *Franklinus*, supra lamellam metallicam evolutum, vesti electrico obijciatur; res digna visu: protinus assurgit folium sese explicans, deinde præceps ad vestem ruit, denique inter vestem & lamellam subjectam vel hæret pendulum, vel volitando salit. Phænomenum illud attente perpendens, quomodo vim acuminum prædicet juxta mentem *Franklini*, prorsus non video. Primo quidem assurgit folium, quia a materia ætherea ex corporibus subjectis irruente ad vestem propellitur, ubi, accepta electricitate, ambitur atmosphæra, deinde a vorticulis ex veste, & a vorticulis ex lamella, irrumpentibus æquæ vi percussum & repulsum quasi in æquilibrio suspensum hæsitat.

Cap. II.

DE FULMINE ELECTRICO

INter electricum ignem & metecora in aëre accensa magnam esse affinitatem, suspicati fuerant Physici (a); idem asseruit *Franklinus*, futura experimenta animo sagaci quasi prænunciants, quibus tandem, rem ita esse, comprobaverunt ipsius sectatores. In quo autem consistat hæc affinitas, lucide recludit nostra Theoria, ex qua facile eruimus, electricos & æthereos ignes ex iisdem materiis conflari, eodem motu coacervari, effervescent, inflammari, ac cum fragore sese expandere, quæ singula paucis prosequar.

2. Electricos & æthereos ignes, quales sese nobis ostendant, ex iisdem particulis salinis, nitrosis, sulphureis, aëreis, motu turbineo & materia cœlesti exagitatis, coalescere, ipsi Chymici coguntur fateri; cum illustrissimus *Boerhave*, Chymicorum longe princeps, asserat, ex igne simpli-

(a) D. Nollet. anno 1748.

plici, & ab omnibus aliis substantiis expurgato, effectus, quos ipsi tribuimus, nasci non posse, sed necesse esse ad effectus suos producendos, ut secum habeat intermixta alia corpora heterogenea. Ita & nos opinamur, materiam ætheream solam phænomenis edendis electricis esse maxime imparem, sed opus habere aliis substantiis scilicet igneis. Unde Chymicis facile concedimus, ignem esse elementum, si nomine ignis velint intelligere subtilissimam illam materiam, quam cœlestem & ætheream nuncupavimus.

3. Ob motum vehementem materiæ ætheræ intra cavitates internas vectis electrici fluentis diffluunt undequaque ex ipsius poris vorticuli cum particulis salinis, sulphureis, quas ex interioribus metalli avulserunt, velocissime gyrantes. Eadem causa & ob velocitatis excessum ejusdem materiæ, intra corpora terrestria, sive solida, sive fluida, contentæ, continuo exhalant sese infinitæ & omnium generum particulæ. Vapores autem tenuissimi ex aquis exaltati huc & illuc discurrentes obviis particulis salinis & sulphureis sese exonerant, deinde autem
ma-

materia cœlesti interiori mirum in modum distensi & dilatati levitatem specificè minorem adipiscuntur, qua subito in superiores cœli regiones a volant, ubi vi ventorum coacervati nubes componunt.

4. Vectis electricus est ipsamet nubes; hæc aliquando fulgura sine strepitu & aliquando tonitrua cum fragore parturit; ita vectis sua vibrat fulgura & fulmina: de his nunc agimus, de aliis in capite sequenti dicturi.

Omnis inflammatio pendet a motu intestino partium inflammabilium: hic autem motus unice nascitur a materia cœlesti contorquante easdem partes a se invicem dissociatas. Pulvis pyrius ex substantiis igneis conflatur, sed tamen ex se accendi nequit, & ad inflammationem scintillam adventitiam postulat, quia in eo sulphura cum crassioribus & terrestribus materiis intertextis etiam non alligantur, ær in salibus fixis nitri concatenatur, omnesque illæ partes spiritu vini, quasi novo vinculo, constrictæ & implicitæ ad fermentationis & effervescentiæ motum non habent necessariam disjunctionem. Verum ubi in
nu.

nube puriora sulphura, sales volatiles, spiritus oleorum subtilissimi liberi, in omnem sensum discurrentes sibi invicem occurrunt, seseque cum magna aëris elastici, & materiae æthereæ copia intermiserunt, necessario accidit, ut sales illi, nitra, olea, sulphura, aëris molecule, quæ varios componunt vorticulos diversæ densitatis, diversisque motibus a materia ætherea contortos in se ostendant, seseque ictibus repetitis allidant & confringant, unde tota massa ebullescit & effervesceat: donec congeries illa vorticulorum in unum vorticem coalescat, qui perniciosissima velocitate conflictatus sese ingenti vi & cum partium dissipatione explicat, quæ est inflammatio: nec tam vehemens partium elasticarum, & præcipue aëris explosio, fieri potest, quin vicinus aër forti & subito ictu concutiat, ex quo fragor editur sonus.

5. In fulmine electrico eadem est materia, idem effervescentiæ & inflammationis motus. Substantiæ igneæ, quas continet vectis metallicus, priusquam vi electrica commoveantur, ex se effervesce nequeunt, quia in interioribus metalli spatiis complicantur

tur cum aliis heterogeneis materiis. Verum ubi, agente electricitate, materia cœlestis in poros metalli irruit, & per internos metalli canaliculos discurrit, tum vi sua partes sulphureas salinasque subtiliores eradicat, quas motu suo conterit & comminuit, foetaque particulis minutissimis per poros exteriores metalli profilit. Hi vortici ex tota metalli superficie, si tamen angulos excipias, egrediuntur inconspicui & nullam ignis speciem præferentes, quia singuli vorticulorum radii non continent materiæ igneæ copiam ad inflammationem sufficientem, & exeunt a se invicem nimis distracti & deflecentes. Haud secus per æstatem nubes quandoque cœlum obscurant, quæ tamen nec fulgurant, nec edunt tonitrua, quia substantiæ igneæ, quibus gravantur, sunt rariores, & sparsim disseminatæ, ac si impulsu ventorum conjungantur, protinus effervescent, & fulmen erumpit: ita si uesti electrico digitus, vel metallum quodcumque, obijciatur, tunc radii materiæ æthereæ, qui prius ex ueste a se invicem remoti prodibant, nunc inter se coeunt, ut poros digiti vel metalli poros subeunt,

unt, ubi ingressus est facilis & via patientior: dumque vorticulos intra poros digiti contentos compellunt, hi quidem paulisper cedunt, nec multo post, renitente tota ætheris ambientis massa, reagunt, impetuque magno materiam comprimentem repellunt & reperiunt, secum etiam abripiunt subtilissimas ex salibus, oleis & sulphuribus particulas. Nascitur ergo inter hæc duo effluvia motibus contrariis irruentia ingens conflictus, fervensque agitatio, qua sales, nitra, sulphura, intime mixta & materia coelesti in omnem sensum contorta, sese invicem percutiunt, conterunt & imminuunt, totaque massa effervescit & ebullescit, donec vis fermenti superet vim elasticam æris exterioris comprimentis, tumque massa inflammatur, sese cum explosione evolvens, emicatque scintilla, quæ crepitat ob subitam æris ambientis commotionem.

6. Silex quantumvis contundatur, & in minutissimas partes comminatur, ignem tamen delitescens non prodit, sed chalybe fortiter percutiatur, subito excutitur scintilla. Cur ita porro? nisi quia, cum contunditur

tur flex, igneæ partes latitantes a materiis crassioribus nec satis dissociantur, nec a materia ætherea celeritate necessaria contorquentur: verum subita & vivida percussione partes sulphuræ salinæ subtiliores ex chalybe & silice avelluntur, quæ a materia cœlesti vehementer commotæ in se invicem illidunt, & sicuti effluvia electrica ignescunt.

7. Dum scintilla sese explicat, ubi vecti electrico admovetur digitus, simul materiam ætheream ambientem circumquaque commovet, quæ ad vorticulos in corpore vivo dispersos commotionem suam transfert: hac autem subita impulsione oriuntur in fluidis corporibus accelerationes, in partibus solidis allisiones & compressiones, in nervis distensiones. Unde digito excutiente scintillam electricam in cute quasi punctiunculas, in brachiis & toto corpore ingratas concussionem cum sensu doloris experimur.

8. Hæc est tantum commotiuncula, & ut ita dicam, nugæ electricæ: qui autem voluerit verum protrudere fulmen electricum, experiatur commotionem Batavicam, vel ope lagenæ

vitreae aqua semiplenæ, vel ope tabellæ magicæ, quam invenit *Franklinus*: nam in utroque idem est apparatus, eadem ad electricitatem excitandam mechanica dispositio. Fulminea hæc scintilla, sicuti prior, nascitur ex conflictu & percussione effluvi-
viorum electricorum in se invicem, irruentium: ideo autem illa fulminat, quia effluvia sunt densiora, & majori celeritate sese offendunt: etenim cum materia ætherea, quæ vitri poros occupat, sit maxime elastica & ad omnem motum paratissima, ubi primum impulsio electrica aquam vel folium aureum transmeans ad ipsam pervenit, vim sese distendendi im-
mensam adipiscitur. Si ergo dextrâ lagenam sustinente, sinistra filum ferreum interrogas, continuo fulminis ignis cum magno strepitu radiat: tum autem materia cœlestis in corpore fluens utrimque commota & utrimque renitens organa vitæ disturbat, quæ si tantæ commotioni sint impa-
ria, necesse est, ut animal quasi ta-
ctum fulmine pereat [a]. Scio equi-
dem, quod plures Phyci opinentur,
ful-

(a) *Hales Statique des Vegetaux* c. 6.

fulmen animalia trucidare ob suis partes sulphureas, quæ aëris elaterium destruunt: flaccidus enim aër pulmonibus motum impertiri nequit, ex quo & respiratio & sanguinis circuitio pendent. At nonne etiam probabile est, quod dum fulmen in terram decidens inflammatur, ingenti-que motu aërem vicinum concutit, hic aër ultra modum condensatus & compressus animalis occurrentis pulmones vi ingrediens pondere suo & impulsu partes elasticas dilaceret, vitæque principium perimat?

9. Hic sese offert difficultas, quæ Physicorum animos maxime contorquet, qua scilicet ratione vas aqua semiplenum virtute electrica semel imbutum, eam constanter retineat per longum temporis intervallum, neque, contra regulam generalem tota exhauriatur per contactum corporum minime electricorum. Nodum hunc solvere, non tento, sed responsionem, quam Theoria nostra suppeditat, modestè proponam. Experimentis videtur probabile, quod materia electrica ex corporibus per participationem electricis effluens, diversam habeat densitatem, diversisque exoneretur ma-

teriis, secundum diverſitatem corporum, ex quibus emanat. Id indicant tum colores diſſimiles, quos induunt, tum varii odores, quos ſpargunt radii electriſci igniti, vel purpurei, vel cœrulei, vel etiam rubri: ex quo fit, ut materia electrica ex tubo vitreo diffuens poſſit quidem, utpote ſubtilior, transmeare poros vaſis vitrei, hacque ratione vitrum derivatam electricitatem poſſit recipere, uti adnotavimus, ſed dum ejuſdem materiæ vorticuli per metallum vel aquam transgrediuntur, particulas craſſiores avellunt, quibus gravidi poros vitri anguſtiores jam tum vix poſſunt ſubire. Aquæ igitur in vaſe vitreo contentæ electricitas data ſimiliter inſicit, & quia per poros vitri non diffunditur, niſi cogat violenta impulſio, qualis, ſcintilla emicante, oritur. Hæc autem eo veriſimilior mihi videtur ſententia, quod dum aquæ electricitas non diffluit per corpora, quæ latera exteriora vaſis vitrei contingunt, ſi tamen manu filum ferreum attrectetur, vel aquæ interiori digitus immergatur, protinus tota eadem avolat electricitas.

10. Sicuti nubes, ita & corpora
ele-

electrica, quo majori copia sulphurum & salium abundant, eo sunt fulminum fecundiora: quia vero metalla, & in primis ferrum, ex his materiis maxime coagmentatur, ideo ex metallis, & ex ferro præcipue, vividiores & ardentiores excutiuntur scintillæ. Sicuti igne fulmineo metalla funduntur, accenduntur laquearia, ita vi & ardore scintillæ electricæ aurum fusum intus in vitrum compingitur, spiritusque vini ignescit. Denique fulmen inflammatum & in terram præceps ruens longe spargit odorem sulphureum: similiter ignes electrici & radiorum manipuli, quia ex vecte, tempore sereno, sponte erumpunt, sulphure olent & pulvere pyrio, quo vel sensu convincimur, materiam electricam non esse simplicem homogeneous, sed particulis sulphureis accensis involvi.

11. Electricitas derivata nihil est aliud, quam materiæ æthereæ impulsio communicata simili materiæ discurrenti intra poros corporis minime electrici. Ubi autem in nubibus copiosæ substantiarum ignearum congeries materia cœlesti commotæ effervescent & ebulliunt; id fieri ne-

quit, quin æther ambiens commoveatur, hæcque agitatio per plagas vicinioreſ terræ atmophææ diffundatur. Si ergo huic materiæ agitatæ corpus occurrat minime electricum, ſed vallo electrico ab aliis corporibus diffociatum, neceſſario electricitatem acquireret, haud ſecus, ac ſi cum globo, vel veſte electrico, haberet communicationem. Id prævide-
rat *Franklinus*, & experimentum comprobavit. Si tamen cum ipſo exiſtiſſes, nubem materia fulminea gravidam ope ferrei acuminis tota vi ſua electica fermentoque fulmineo poſſe ſpoliari, crede etiam, te ſyringe totam oceani aquam exſugere poſſe,

Cap. III.

DE FULGURE ELECTRICO.

I.

UT inflammatio sonum edat, requiritur, 1. ut materiæ accensæ contineant aliquantulum aëris elastici: nam in inflammatione detonante præcipua causa soni fragorosi est explosio aëris elastici. Quia vero sulphur aëre elastico destituitur, & eo abundat nitrum, inde sine strepitu accenditur sulphur, pulvis vero pyrius in sua inflammatione detonat. 2. Ut inflammatio tonitrali producat fragorem, necesse est, ut copiosa substantiarum ignearum congeries simul tota accendatur & distendatur, hacque subita explosione ampla aëris massa concutiat: si enim massulæ tantum successive ignescant, tunc commotiunculæ aëri impressæ ita leves sunt, ut vix sensibilis evadat sonus. 3. Denique inflammatio non denotat, nisi fiat in medio aëris elastici: nam cum sonus consistat in vibrationibus promptis & fre-

frequenter repetitis aëris concussi, si aër ambiens rarus sit & flaccidus, partes illius impulsioni cedunt, & non reagunt, unde eliditur sonus, ex quo fit, ut nitrum in aëre raro non perstrepat. Circa quod notandum est, quod aër aliquando sit sufficienter densus & elasticus ad flammam nutriendam, sed rarior ad strepitum excitandum. Hinc in excipulo machinae pneumaticae, ubi rarefcit aër, pulvis pyrius accenditur quidem; & dat flammulam, sed non perstrepat.

2. Ex his principiis liquet, cur in casu præcedenti materiae igneae in nubibus coacervatae cum fragore in sua inflammatione parturiant tonitrua, & in electricitate eadem materiae, sed sub minore mole, crepitent. Verum aliquando contingit tempore aestivo, quod exhalationum massulae sparsim in nube pervagentur; & una accensa, ad alias successive propagetur inflammatio, tum ex nube emicant fulgura radiantia quidem; sed sine strepitu. Tales sunt etiam ignes illi, qui ardente aestate per aëra decurrunt pyrobolos imitantes. Sua etiam habet fulgura electricitas; & sunt flammulae conicae, quae ex fimbriis metalli-

licis, vel ex angulis vectis translatoris, dum excitatur electricitas, sponte effluunt: etenim ex interioribus metalli plurimæ vorticulorum series ad partes angulosas confluunt, quæ in egressu sibi invicem occurrentes sese allidunt, & in conflictu ignescunt: sed quia dissociatæ & disjunctæ profiliunt, nec in unum coeunt vorticem, ideo separatim accenduntur, & sine crepitu fulgurant.

3. Nubes etiam quandoque massis magis ponderosis exonerantur, & ita leves fiunt, ut in remotissimas & altissimas atmosphæræ regiones conentur avolare: tunc materiæ ignæ in iis contentæ, dum accenduntur, fulgura edunt, & non tonitrua; quia spoliantur salibus gravioribus, qui aëre elastico abundant, & quia aër ambiens rarior est, & ad motum fremitus parum proportionatus. Sed quo illud medium ad sonum minus est aptum, eo magis est ad inflammationes accommodatum: quippe substantiæ ignæ in medio raro, partibus terrestribus & crassioribus, quæ motum impediunt, exspoliatæ, a materia cœlesti ad effervescentiam & inflammationem commodius & citius

præparantur, & adducentur. Ignis activitatem nihil retardat, massulaeque una accensa contiguam aliam, accendit: unde tota fulgurat nubes, & fulgur fulguri continuo succedit.

4. Talia sunt lumina, quæ affulgent in globo aëre expurgato, ubi primum affricatur, in tubo vitreo aëre rariore pleno, cum vecti electrico admoveatur. Simili modo, juxta experimentum D. Nollet (a), si ad extremitatem virgæ ferreæ agglutinetur lagena vitrea aëre crassiori expurgata, ubi primum virgæ datur electricitas, tota interior lagenæ capacitas lumine emicat. Nonne hæc sunt electrica fulgura aëris prorsus similia? Etenim, dum vasa hæc aërem communem continent, electricitas in iis nullum ignem excitat, quia in hoc aëre crassiori sulphura, sales, aliasque igneas substantias obvolvunt & constringunt particulae terrestres & moleculæ graviores, quæ motum ætheris retardant & impediunt: ubi autem hic aër fit rarior, hisque massis crassioribus sese exonerat, tum sulphura


(a) *Recherches. sur les causes. de etc.*
III, Disc. p. 254.

phura subtiliora residua, sales tenuissimi, aliæque substantiæ igneæ, omni impedimento sublato, ad effervescentiam sunt maxime dispositæ. Si ergo ipsis impulsio electrica communicetur, protinus vorticuli nullo obice retardati, hocque impultu agitati, cum substantiis igneis libere volutantes, sese post diversos conflictus & attritus explicant & expandunt: hæcque est inflammatio, quæ sit ab eadem causa ac fulgur cœleste. Illæ materiæ subtiliores fulgurant causa ac fulgur cœleste. Illæ materiæ subtiliores fulgurant sine strepitu, quia æris elastici quantitas, quæ ipsis suppetit ad inflammationem, eadem non sufficit ad sonum excitandum; quia etiam accenduntur in medio, ubi ær flaccidior reactionis & fremitus sonori non est capax.


5. Verisimile est etiam, quod phosphoricæ luces, quales in ampulla vitrea, vel in parte extrema Barometri, utraque aëre crassiori spoliata, observamus, cum inclusum agitur hydrargyrum, tunc enim vitri parietes affrictum ad electricitatem promovendam necessarium ab hydrargyro commoto patiuntur. Id adeo verum est,

est, quod, si fila cannabina parti extremæ Barometri, dum oscillat hydrargyrum, admoveantur, in iis attractiones & repulsus electricos deprehendimus.


442,840












442,846







B N C F.

B.29.3.18

CF000442846



